

Libra oblaty
London 1800
B. 1000

Biblioteka
Ojców Kamedulów
w Bieńszewie

RR PP Grmitan Samadulępa
prope Garfarian

Prum semal dulcengus Montis Regij prope
Carnaria.


VERI & PII
SACERDOTIS
I D E A

Seu

VITA R.D. IACOBI MERLO HORSTII,
PASTORIS B. MARIE VIRGINIS IN
PASCULO COLONIE,
SS. Theol. Licent.

A SODALITATE ECCLESIAS-
TICO-MARIANA COLON.
adornata.

Ad CLERICORVM, & imprimis PASTORVM
imitationem accommodata.



COLONIE,

Apud IOANNEM KINCHIVM,
Sub Monocerote veteri,
ANNO M. DC. XLV.

*R. L. Patrum Cameracensium
Montis Regii & Vassan.*

3

I

I

D

G

ci

in

ra

ta




M

m

re

ta

un



ILLVSTRISSIMO

& Reuerendissimo D.

D. FABIO CHISIO

DEI ET APOSTOLICÆ SEDIS
GRATIA EPISCOPO NERITONENSI,
eiusq; S.^a Sedis ad tractum Rheni & alias
inferioris Germaniæ partes, ac ad tracta-
tus Pacis vniuersalis cum potestate Lega-
ti de Latere Nuncio &c. Domino
suo colendissimo.

Redit ad te Illustris.^{me} &
R.^{me} Præsul, Iacobus
Merlo-Horstius; sed in i-
magine: quā ipse dū viue-
ret, natiuis plenæ, cumula-
tæq; virtutis coloribus ad-
umbravit, ego licet rudiore
L 2 cala-

EPISTOLA

calamo delineatam, ut veram tamē pij Sacerdotis & animarum vigilātiſſimi curatoris Ideam offero, ut perennet eius viri memoria, quem Celsitudo tua non ſolum uſu, familiaritateque ſua dignum exiſtimauit; ſed etiam dilectiſſimæ Sponſæ ſuæ Neritonēſis adiutorem, ut animo pridem, ſic reipſa optaſſet, niſi diuina prouidentia tunc ei mercedem laborum deſtinaſſet, cum ann. im ætatis 47. attigiſſet, eū ipſum, inquā, annum, ut ob-

DEDICATORIA.

obseruauit Celsitudo tua,
quo S. Carolus Boromæus
Iacobi è præcipuis Patro-
nus (ad cuius vitam notis
illustrandam voti religio-
ne se obligarat) è viuis nos-
citur abijsse.

Ita diuino consilio, sum-
morumq; virorum roga-
tu cōtiguit, vt dum ipse Pa-
troni sui res gestas, vt for-
mā Cleri pararet orbi pro-
ponere, Iacobi vita, quasi
norma regulaque viuendi
Sacerdotū, & curatorum
animarū publico daretur.

EPISTOLA

Sed cuius meliore, quàm
tuo PRÆSVLLLVSTRIS-
SIME, sub patrocinio, cui vita,
mores & virtus Iacobi per-
specta, laudata & probata
fuit, cuius ascetici libri
præsertim PARADISVS ANI-
MÆ ET CHRISTIANVS
THEODIDACTVS assiduè
versantur manibus?

Exstet hoc apud poste-
ros incorruptissimi, reli-
giosissimi quæque testis de Ia-
cobo, tanti, inquã, Præsu-
lis præconium, vitam eius,
moresq; scriptis libris vi-
deri

DEDICATORIA.

deri consentaneos fuisse, quem ideo non viuum tantum summa coniunctione, familiaritateque; sed mortuum etiam eo honore dignata fuit. Tua Celsitudo, vt eius manu scriptas preces, & decadem, qua Deiparam salutare solitus est, præter alia, velut amoris, eiusque vitæ integritatis tesseram seruandam duxerit.

Erit hoc calcar cupidis vitæ sanctioris in Ecclesiastico statu degentibus, vt

EPISTOLA

vt & asceticos eius relictos
orbi libros euoluant stu-
diosius, & vitam; mores-
que confectentur liben-
tius, quem tali iudicio no-
uerint esse viuum & mor-
tuum approbatum. Ipse
etiam è coelis, vt tam piè
& innocenter transacta vi-
ta sperare iubet, & mo-
riens facturum se promi-
sit, Deum Opt. Max. exo-
rare non desinet: vt Celsi-
tudinis tuæ sanctis votis,
conatibus, &, indefessis
laboribus adspiret coele-
stis

DEDICATORIA.


stis Pater , & optatam Pa-
cẽm Orbi Christiano cle-
menter impertiatur.

*Colonia 20. Martij, Anno
salutis M. DC. XLV.*

ILLVST.^{mx} & R.^{mx} CELS. V.

deuotus cliens

IOANNES KINCHIUS.



A D.

SERENISSIMVM

Reuerendissimumque D.

D. FRANCISCVM

DEI ET S. APOST. SEDIS

GRATIA EPISCOPVM VIRDVNEN-

sem &c. Decanum Metropolit.

Colon.S.R.I.Principem, Du-

cem Lotharingiorum &c.

SODALITATIS ECCLESIASTICO-

Marianæ Praefectum,

ADMODVM RR. ET AMPLIS.^{os}

DD. CONRADVM

ALISKIRCHEN PRÆPOSITVM

S. CUNIBERTI, ET

IACOBO VM

LINNICHIVM DECANVM

S. GEORGII Assistentes,

CAETEROSQVE SODALES OMNES,

& Clerum vniuersum.

PRÆFATIO.

Vitam IACOBI MERLO HORSTII
Serenitatis Vestrae Sacellani, (cui
post

Ducem Lotharing.

post Deum curam suā Pastoralem; ei que
coniūctam vitam quietā, & otio literario
commodissimam; viuus & moriens tri-
buebat) ideo Sodalitas, Illustrissimorum
virorum rogatu, suo curauit nomine ty-
pis publicandam; vt existeret Sodalibus,
quorum præfecturā sæpius maxima lau-
de & emolumento cœtus Ecclesiastico
Mariani gessit, viua quædam regula; non
literis, sed moribus expressa, quam facile
quiuis de Clero possit factis imitari. Fa-
cilis ait S. Leo *ad exhortandum sit ratio efficax
ad suadendum; validiora sunt tamen exemplā
quam verba;* & plenius est opere docere; quam
voce. Nam quod per præcepta prolixis
verbis vix tandē auditor percipit; aut sibi
patitur persuaderi, facili negotio velut in
imagine speculoque qui fieri possit, ocu-
lis exhibetur; & nostrorum operum de-
formitas elucet; quorū cū aliorum vir-
tutibus comparatur. Qui plenissimè moner
S. Gregorius intelligere appetit, qualis est, ta-
lis nimirum debet conspiciere, qualis non est: vt ex
bonorum forma metatur; quanto ipse deserto
bono deformis est; ex his quippe, quibus plenissimè
bona adiungunt perpendit rectè, quæ sibi minus sunt;
atque

Exemplā
plus mo-
uent; quā
Serm. de;
S. Laur.

24. Mō.
rah. c. 6.

Ad Sereniff. Princip.

atque in illorum pulchritudine conspicit, fœditatem suam, quam in semetipso & perpetipoteſt, & sentire non poteſt: iuſtorum ergo debemus vitam conſpicere, vt ſubtiliter deprehendamus noſtram: illorum videlicet ſpecies quaſi quadam forma nobis imitanda proponitur, quia viuæ lectionis eſt vita bonorum.

*Iacobus
Merlo vi
ua regula
Sodalita-
tis.*

Et fanè quiſquis leges duodecim Sodalitatis percurrerit, & velut normam factis huius viri, verbis & cogitatis aptarit, vſu comperiet, ad amuſſim omnia reſpondere.

*Omnes
eius leges
ſeruauit
ad amuſ-
ſim.*

1. Tim. 4.

Principio ſcopum Clericis propoſitum propriam & proximorū perfectionem omnibus ſuis actionibus, lucubrationibus & negotijs præfigebat, ac reipſa præſtitit, quod eum in Timotheo monebat Apoſtolus. Exemplum eſto fidelium in verbo, in conuerſatione, in caritate, in fide, in caſtitate: dum venio attende lectioni, exhortationi & doctrina, noli negligere gratiam, qua in te eſt, qua data eſt tibi per prophetiam cum impoſitione manuum preſbyterij: Hec meditare, in hiis eſto, vt proſectus tuus manifeſtus ſit omnibus, attende tibi & doctrina: hoc enim faciens & teipſum ſaluum facies, & eos, qui te audiunt.

Quo-

Ducem Lotharing.

Quotidie conscientiam vespere cum 2. 4. 7.
domesticis, quorum singularem curam
habuit, discutiebat, & lectioni libri spi-
ritualis, vel meditationi vacabat, sacram-
que Deo litabat hostiam. memor 2. 4.
regulæ.

Omni septimana confessione
tem expiabat: Sodalitatem die Iouis
quentabat, eiusq; progressum apud alios
etiam cum ferret occasio promouebat,
ad mentem 3. & 11. regulæ.

II.

Venerabatur in primis S.^{am} Dei Geni-
tricem Mariam, & S. Petrum Apostolorū
verticem, iuxta 5. & 6. monitum, ad satis 5. & 6.
eius lucubrationes præsertim tabulæ te-
stamentariæ manifestant.

Quali virtutis exemplo præluxerit
omnibus, quo flagrarit animarum zelo,
qua diligentia viferit ægros, & adstiterit
morientibus iuxta. 8. 9. 10. iussione, 8. 9. 10.
fusè suis locis apparebit. Adeoque duo-
decimā exactè seruauit, quod licet sciret
eas leges vi sua neminē ad culpā obliga-
re, noluerit tamē in illas peccare, quoad
eius fieri per negotia posset, ne se fru-
ctibus vberimis & præmijs spoliaret. Ita

Ad Sereniss. Princip.

*Duobus
medijs
proficis-
bati.*

*Cultu V.
Sacramēti
& Deipa-
rai.*

*Sitis so-
litis au-
genda gra-
tia.
Ser. de.*

Nat. B. V.

qui semper omnium regularum obser-
uatissimus fuit, hoc velut canali diuina in
se dona deriuare solitus est, gratiæq; cœ-
lestis auxilia copiosiora percipere, quæ
non ignorabat in cultu augustissimi alta-
ris Sacramenti crebraque eius fruitione
ac Deiparæ patrociniò conuertere: quare
quidquid ad vtriusque cultus incremen-
tum crebra mentis consideratione; au-
ctorem, qui hac de re scripserunt voluta-
tione, quidquid dicendo, monendo, scri-
bendo in se, vel alijs efficere potuit, non
destitit adhibere, vt tam aqueductum
Deiparam, quam ipsum fontem Christum
omnibus aperiret, & ex eo plenis fauci-
bus fluentia donorum cœlestium hauri-
endâ propinaret; è quo fonte nouerat
omnem se mentis tranquillitatem, gau-
dium animi continuum, rerum caduca-
rum contemptum, & cœlestium deside-
rium continuo gustare, nec hanc suam si-
tim vnquam satis explere posse, quin ma-
ioris gratiæ, & solius quidem augmentum
avidissimè semper expeteret, S. Bernardi
securus monitum. Sola enim gratia est; qua e-
genus, sola est gratia, qua saluamur, qua nos
alia

Ducem Lotharing.

allax concupiscimus? quaramus gratiam, & per
Mariam quaramus, quia ipsa, quod querit, in-
uenit, & frustrari non potest.

Profecto neque doctrinam curiosam
fine peruerso, neque vani nominis um-
bram, nec eius perennitatem in terris, aut
dignitates ambiuit, vel magnatum fauo-
rem; vt altius eueheretur, licet nec peten-
ti obtruderentur: solum quærebat aug-
mentum cœlestis gratiæ: & per canalem
ipsum MARIAM: per eam accessum ha-
buit ad filium; eiusque vitæ consideratio-
ni pariter & imitationi se impendit, vt as-
secutus sit aliqua ratione quod mellifluus
Bernardus; quem sibi vitæ regulam præ-
fixerat; & non ex vano cum eodem po-
tuerit coram Sodalibus suis gloriari, *Fas- Ser. 438.*

ciculus myrrhæ dilectus meus inter vbera mea Cans.
commorabitur. Et ego Fratres ab ineunte mea Amor Iesu
conuersione pro aceruo meritorum, quæ mihi de- Crucifixi.
esse sciebam, hunc mihi fasciculum colligare, &
inter vbera mea collocare curavi, collectum ex
omnibus anxietatibus, & amaritudinibus Do-
mini mei, primum quidem infantilium necesi-
tatum, deinde laborum quos pertulit in pradi-
cando, fatigationum in discurrendo, vigiliarum;
in oran-

Ad Sereniss. Princip.

in orando, tentationum in ieiunando, lacrymarum in compatiendo, insidiarum in colloquendo, spurcorum, colaphorum, subsannationum, clauorum, quæ in salutem nostram sylua Euangelica copiosissima noscitur protulisse. In æternū nō obliuiscar miserationes istas: quia in ipsis uiuificatus sum. Ex his mihi interdū potus salutaris amaritudinis, in his rursum suavis vinctio consolationis. Hæc me erigūt in aduersis, in prosperis reprimunt: in his plenitudo scientiæ. Hæc mihi in ore frequenter, sicut vos scitis, hæc in corde semper, sicut Deus scit: hæc stylo meo admodum familiaria, hæc mea sublimior interim Philosophia, scire Iesum, & hunc Crucifixum.

Quod si quis hos affectus in Iacobo desideret, eius libellum, quem *Fasciculum myrrhæ* nominauit, & *Paradisi* sectionem sextam & 7. consulat. In his cūctos Christi labores, rhythmis elegantissimis illigatos, omnem passionis & vitæ cursum cum Deiparæ laudibus copiosissimè reperiet, mixta suauissimis omnium virtutum affectibus: inde pietatis studiosus hauriet mel de petra, & oleum de saxo durissimo: duro ad verba, duriora ad verbera, durissimo ad crucis tormenta.

*S. Bern.
serm. 1. in
Pentec.*

In

Ducem Lotharing.

Inuento iam fonte per aquæductum, *Studii satisfaciendi officio suo.*
quem ei leges Sodalitatis monstrarant, totus in eo fuit, ut vitam Sacerdote & animarum curatore dignam duceret, & huc omnia studia, dicta, facta & cogitata reuocabat. Hinc libros sibi comparauit, & euoluit omnes, qui possent subseruire proposito; tum velut apes industria selegit ea solertissimè, quæ mores instrueret, ad animi puritatem, corporis integritatē; passionum refrænationem, vitiorum extirpationem, virtutum omnium insitio-
Proficiendū in virtutibus.
nem, augmentum, perfectionem, ad amoris diuini, proximi quæ feruorem, suæ cum voluntate diuina conformationem conducere videbantur; hæc prius ipse crebra mentis commentatione versabat, dispiciebat quæ modos & vias, quibus ipse sibi compararet, preces certas concinnabat, quibus à Deo gratiam ad exercendum vberiore impetraret, ieiunia, corporis quæ afflictationes adhibebat, quibus obtenta cœlitus munera seruaret, muniret, confirmaret. Sacra scriptura, Sanctorum quæ Patrum monita legebat indicem
nota-

Ad Sereniss. Princip.

notabat sententias & dicta rariora: quibus
memoriæ mandatis firmitus animum cō-
tra oppositi vitij tentationes obarmaret.

*Alios in-
flammādi:
&c.* tio piorum operum ipse compererat esse
magis idonea media: vitiosarum cupidi-
tatum extirpationis, virtutis inserendæ,
pietatis fouendæ, charitatis nutriendæ,
libris etiam scriptis alijs publicabat: vt nō
vno tantum corde, vel ore; sed omnium
lectorum Deum coleret, amaret, venera-
retur, & cum Psalterio regio diceret. Magni-
ficite Dominum mecum, & exaltemus nomen
eius in idipsum.

*In prafat.
Fasciculi:* Hinc ipsa profluxerunt verba, qui-
bus lectorem ad vitæ Christi considera-
tionem & imitationem exhortatur. Ecce
speculum vitæ Christi est, inspicere ô Christiane,
tuamq; compone, & quia rectum sui pariter, &
obliqui regulæ est, in illa decorẽ multũ, variasq;
virtutes obserua: in tua maculas & vitia: sed
tãto facilius eluenda; quo diligentius speculũ sine
macula consules. Illud ergo obseruetur oculis
tuis, & in Christi vitæ meditare die ac nocte, vt
vitæ tue vitia, & Christi virtutes agnoscas, illo-
rum odium, harum amorem & imitandi desi-
derium.

Ducem Lotharing.

derium concipias, meditatio enim notitiam parit, illuminat intellectum, affectum excitat, & voluntatē accendit, at. verò ignoti nulla cupido, & quid mirum, si paucos Christus habeat imitatores? meditari enim vitam Christi ac gestapiger, & imitari libeat?

Vt porro Spiritus ardorem, animam *Fouendi:* verè dixerim Ecclesiastici viri, foueret in: *Spiritus* se, nutriretque, tres præcipuè libros indies. *ardorem.* fere voluēdos proposuit, Scripturam Sacram, S. Bernardum, & Thomam de Kempis: totus in his erat: ducebat ex his principia, quibus vitæ sanctioris bases, Cosmophilorum institutis contrariæ niterentur; ex ijsdem fontibus rationes & motiua virtutum amplectendarum in areolas libellorum suorum velut riuos deriuabat: vnde vigor ille virorque germinaret in asceticis præceptionibus, tanto cum fructu, gustu, sensuque Lectorum, quotquot vitæ perfectioris studio delectantur.

Ita cum omnes muneris sui partes explere semper sollicitè conaretur, & alios etiam ad amorem Dei sui que instituti perfectionem inducere, *sal* fuit Domini- *Fuit sal.*

cus,

Ad Sereniss. Princip.

Lux mundi.

cus, nō infatuatus; sed excoctus, à prauorum affectuum spuma liber, & aptus ad putorem in alijs vitiorū acrimonia monitionis corrigendum: tanquam *lux mundi* corporis simul & animi puritate candicans, errorum & ignorantiae tenebras in alijs discutiebat, simulque verbis, scriptis & exemplis facem ad progressum in virtutibus præferebat.

Ciuitas supra mō. temposita.

Deniq; quasi ciuitas supra montem posita, segregatus à rerum terrenarum amore, & animo, cogitatis, & desiderijs semper in cœlestibus defixus, portis etiam sensuum vigili custodia contra tartareorum hostium insidias, & assultus clausis & firmis propugnaculis Dei timoris præmunitis, pij Sacerdotis & Sodalis Ecclesiastico-Mariani ideam sic adumbravit, vt beneuolus lector in singulis ferè capitibus huiuslibri sit aliquid reperturus, quod possit imitari: nam ideo minutiora quædam, & ad vsum ac exercitationem quotidianam accommodata consecramur, vt virtutis studioso facilius occurrat, quod æmuletur.

Habent Sodales in huius vitæ lectione fru-

fructu
quid
debe
muni
men
atio
ceru
herc
do n
ticip
frat
& q
nem
frate
fundi
quen
aute
exhib
admo
sint, v
tum
tia, oc
omni
gat, v
sibi in
re & g

Ducem Lotharing.

fructum hunc etiam præ ceteris, quod se
quodammodo virtutis huius participes
debeant existimare: solet enim id esse cõ-
mune cuiuslibet sacræ Societatis emolu-
mentum, quod operum bonorũ satisfac-
tio, & vis impetrandi cū alijs communi-
cetur. Vnde cum Sodales Sodaliũ tuorum
heroica facta legunt, suum quodammo-
do meminerint se thesaurum, cuius par-
ticipes sunt, intueri. *Debent* ait S. Macarius *Hom. 3.*
Sodales participes horum o- perum.
fratres in dilectione, & gaudio simul conuersari,
& qui operatur de eo, qui preces fundit ita dicere;
nempe particeps sum thesauri, quem comparat
frater meus, quia communis est. Qui verò preces
fundit, & de legente secum ita reputet: fructus,
quem ille capit ex lectione lucrũ meum est. Qui
autem ministrat, ita cogitet, ministerium quod
exhibet cedit in communem vtilitatem. Quem-
admodum enim corporis membra cum multa
sint, vnum sunt corpus, & se mutuo iuuant, &
vnumquodq; proprio fungitur officio: verbi gra-
tia, oculus pro vniuerso corpore videt. manus pro
omnibus membris operatur, pes quocumque per-
gat, vniuersa membra circumfert, sic & fratres
sibi inuicem cedant, & qui legit, orantem amo-
re & gaudio complecti debet, secum hoc reputas,
quia

Ad Sereniff. Princip.

quia pro me petatur. Hęc S. Macarius. Cuius rei gratia S. Anno Coloniensis Archiepiscopus primus in metropoli sua congregationem Ecclesiastico-Marianam inchoauit, vt veluti in multorum ignium coniunctione mentis ardorem facilius conseruarent, augerentque & alter alterius operum bonorum fructum participaret.

Quod si quis forte Iacobum aliquanto seueriorem morum Cleri Censorem in scriptis libris, vel nimis religiosum iudicet in tabulis testamentarijs, quibus se dispensatorem tantum facit bonorum Ecclesiasticorum, non Dominum, & omnia superflua pauperibus, nihil opulentiis amicis censet esse relinquendum, velim S. Bernardi caput 7. euoluat: vbi sic contra degeneres Ecclesię ministros fulminat. *Indignus lacte & lana cōuincitur, si non pascit oves, si non vigilat in custodia gregis: iudicium sibi manducat, & vestit: va va tibi Clerice, mors in olla, mors in ollis carniū, mors in huiusmodi delicijs est, non modo, quia secus introitum delectationis posita esse dignoscitur; sed ob id maxime, quia populi constat esse peccata,*
qua

*c. 7. de-
clamat. de
vita &
moribus
Cleric.
Clerici
quomodo
peccata
populi co-
medant.*

Ducem Lotharing.

qua comedis. Sumptus Ecclesiasticos gratis habere te reputas? cantando, ut aiunt, tibi provenire videntur: sed bonum erat magis fodere, aut etiam mendicare: peccata enim populi comedis, ac si propria tibi minus sufficere videretur. Sollicitus esto tanquam rationem redditurus pro eis, gemitus fundere, dignos agere pœnitentiæ fructus. Alioquin ea noueris tibi imputanda, quæ modo inter delicias comedis, & parui pendis, & dissimulas, tanquam nihil attinentia tibi. O iudiciorum abyssus multa ô terribilis Deus in consilijs super filios hominum. frustra tunc incipient miseri dicere montibus. Cadite super nos, & collibus operite nos. Venient, venient ante tribunal Christi, audietur populorum querela grauis, accusatio dura, quorum vixere stipendijs non diluere peccata. quibus facti sunt duces caci, fraudulentæ mediatores. Quid tibi inspiens delicia sapiunt? quid diuitia illæ cacos delectant oculos, quibus mercaris tam graue iudicium, tam dura temetipsum obligas rationi? vniuersa siquidem vsque ad quadrantem nouissimum exigeris. Sed esto quis studiosè & fructuosè laboret, dignus est planè operarius mercede sua, ut qui altario seruit, de altario viuat: viuat inquam de altario, ut iuxta eundem Apostolum

psal. 65.

Luc. 24.

Quæ graue iudiciū
ijs ideo imminet.

Etiā fructuū labo-
rantibus.

ali-

Ad Sereniss. Princip.

*Si reditus alimenta, & quibus tegatur habens, his content-
malè im- tus sit. tertium ei hoc periculum est, de altario
pendant. viuat, non superbiat, non luxurietur, deniq, non
diretur. nec contra Sancti cuiusdam planè dignā*

*S. Hier. ad
Nepos.*

*Et sacri-
legè.*

*omni acceptatione sententiam ex Clericatu di-
tior fiat. Non sibi de bonis Ecclesie amplā palatia
fabricet, mutans quadrata rotundis, nec loculos
inde congreget, nec in vanitate vel superfluitate
dispergat; non extollat de facultatibus ecclesie
consanguineos suos aut nepotes, nuptus tradat.
Res pauperum non pauperibus dare par sacri-
legij crimen esse dignoscitur. Sanè patrimonia
pauperum facultates ecclesiarum, & sacrile-
ga eis crudelitate surripitur, quidquid sibi mini-
stri & dispensatores, non utique Domini vel pos-
sessores ultra victum accipiunt & vestitum. Nec
enim Deus ordinavit his, qui Euangelio ser-
uiunt de Euangelio querere, aut habere delicias,
vel ornatum; sed viuere ait Paulus ex eo, ut vi-
delicet sint contenti alimenta corporis, non in-
citamenta gula, aut incentiua libidinis, & qui-
bus tegantur, non quibus ornentur accipere.*

*Hactenus S. Bernardus. Tam seuerum
Iudicis tribunal, ut Iacobus euaderet,
prouidè cum in vita, tum morte bonorū
superfluorū heredes semper esse pauperes*

voluit
quitati
terna
per ho
miserer
suos in
Sec
ratoril
luxit
etiam
solari
uatis
beant
hisine
Wia ca
cit sim
quans
bus ad
in filio
mus na
dis ap
bis Vo
dire m
Pastor
pastoris
Bsalma

Ducem Lotharing.

voluit, faciens amicos sibi de mammona iniquisatis, ut cum vita deficeret, ab his in aeterna tabernacula reciperetur, conciliato per hoc sibi iudice: nam iucundus homo, qui miseretur & commodat, disponet sermones suos in iudicio, in aeternum non commovebitur.

Sed licet omnibus Sacerdotibus, curatoribus tamen animarum egregio praeluxit exemplo, qua ratione cum vitae etiam periculo teneantur oves pascere, solari ægros, morientibus adstiteri: priuatis etiam colloquijs subditos suos debeant officij commonere; quod ipsis, his inculcat verbis S. Gregorius. Et quia una eademque exhortationis voce non sufficit simul cunctos admonere, debet singulos, in quantum valet, instruere, priuatis locutionibus edificare, exhortatione simplicis fructum in filiorum suorum cordibus quarere. Debeamus namque pensare continue, quod Sanctis Apostolis dicitur, & per Apostolos nobis Vos estis sal terræ: si igitur sal sumus, condire mentes fidelium debemus. Vos igitur qui Pastores estis, pensate, quia animalia Dei pascitis, de quibus profecto animalibus Deo per Psalmistam dicitur: Animalia tua habitabunt.

Lue. 16.

Ps. 112.

Forma Pastorum.

Ho. de cur. ra Pasto. 1. rali.

Matt. 23.

Ad Sereniss. Princip.

Psal. 67. in ea. Et sepe videmus, quod petra salis brutis animantibus anteponitur, vt ex ea tem petra salis labere debeant, & meliorari. Quasi ergo inter bruta animalia petra salis debet esse sacerdos in populis: curare namq, Sacerdotē necesse est, quā singulis dicat, vnumquemque qualiter moneat, vt quisquis Sacerdori iūgitur, quasi ex salis tactu aeterna vita sapore cōdiatur. Sal enim terra non sumus, si corda audientium non condimus. Quod profecto condimentum ille veraciter proximo impendit, qui predicationis verbum non subtrahit. Hucusque Gregorius: cuius Pastorale, cui per otium libebit percurrere, videbit Iacobum viuum exemplar præceptionibus S. Gregorij simillimum expressisse, quod cum ætate nostra Deus huic ciuitati singulari beneficio donauit, merito paulo diligentius est pertractandum adiectis industrijs & facillimis obuijs medijs, quibus conatus in omni vita sua est Sacerdotis & Curatoris animarum officio congruenter viuere: quas industrias, & piē viuendi modos aptissimos quisquis usurparit, re ipsa magnum in virtutibus progressum experietur.

AP-



APPROBATIO CENSORIS
Librorum Ordinarij.

S*peculum hoc, interiori
homini salubriter com-
ponendo, magno cum fru-
ctu ab omnibus, cum pri-
mis à Sacerdotibus Dei al-
tissimi, identidem consule-
tur; iæoquetypis euulgari
poterit. Colonia die 27.
Martij. 1645.*

HENR. FRANCKEN SIERSTORF.
S. Th. Doct.

IDEA

IAC

Ho

in

c

Pat



fortuna
talis à sa
mus po
dies 24.
Trium
nomen
cultui S
Parente
lit ; que

I
IDEA PII SACERDOTIS,

Sine

VITÆ R. D.

IACOBI MERLO

HORSTII, PASTORIS

in Pasculo B. V. Mariæ

C A P V T I.

*Patria Iacobi, Parentes, & Puerilis
Educatio.*

Hic Vit Iacobus Merlo patriâ *Patria.*
Gelder, natus in Horst
pago Diœcesis Ruremun-
danæ, patre Iacobo Mer- *Parentes.*
lero. matre Helcnâ Mathen,
fortunæ mediocris, colonis. Annus ei na- *Natalis*
talis à salute partâ septimus & nonagesi- *annus.*
mus post millesimum quingentesimum,
dies 24. Iulij, postridie Translationis SS.
Trium Regum, pridie S. Iacobi; hinc &
nomen Iacobi tulit, & in omnem vitam
cultui SS. trium Regum fuit deditissimus.
Parentem ei maturè sors acerbior sustu- *Parentis*
lit; quem ruri milites iniquæ voluntati *mors.*

A

sux

suæ obnitentem, crudelem in modum in-
 teremerunt. Ne tamen puer, cui diuina
 prouidentia maxima quæque dona desti-
 nabat, à teneris negligetur, duos proui-
 dit eius pueritiæ tutores, matrem in pa-
 tria, auunculum Coloniae, custodes perui-
 giles, ne gratiæ baptismalis faceret inactu-
 ram. Mater pia religiosaq; foemina, tene-
 ro timorem Dei, vitiorum fugam & vir-
 tutis amorem cum lacte sensim instilla-
 uit. Rusticana fuit annis octo ferè primis
 habitatio & educatio, simplex autem, re-
 cta sinceraque, vnde eximius ille candor
 animi, quem nulla vnquam postea fuca-
 ret fallacia, dolus aut fictio: corpus etiam
 laboribus assuetum obduruit à pueris ad
 diurnis nocturnas lucubrationes adiun-
 gendas. Iam tum nouum hunc Ieremiam
 sibi eligebat ex agro Deus, vt euelleret,
 & destrueret, & disperderet, & dissiparet,
 & edificaret, & plantaret. Alium huic
 Colono destinabat agrum Colonjensem,
 tot Martyrum irrigatum sanguine, tam
 foecundum germine Virginum & Con-
 fessorum fructibus vberimis, vt ibidem
 coelesti sparsa semente, totum terrarum
 orbem ascetico diuinoq; nutrirer pabulo.

Ele-

*Materna
 educatio.*

Ierem. x.

Elegit
 eum d
 eum p
 redita
 cordis
 dedux

Octem

&

D

Etia M

moru

tever

R.P.E

Mari

sollic

dum

imbu

& inn

vero

Ad hu

cū Eli

apud

alio q

pudō

*Elegit vt Daud , seruum suum , & sustulit P^{sal}. 77.
eum de gregibus ouium , de postfoetantes accepit
eum pascere Iacob seruum suum , & Israël hæ-
reditatem suam. Et pavit eos in innocentia
cordis sui , & in intellectibus manuum suarum
deduxit eos.*

C A P V T II.

*Octennis circa annum 1605. Coloniam ducitur,
& ab auunculo matris pietè educatur.*

DEgebat Colonia Matris auunculus *Auuncu-
lus Iacob
Colonie.*
R. D. Ioannes Horstius, ætate proue-
Sta Metropolitani templi Vicarius, vitæ
morumq̃, integritate conspicuus, à pieta-
te vero præcipuè commendatus, quem
R. P. Franciscus Costerus olim Sodalibus
Marianis adscripserat, sub huius vigilis &
solliciti tutoris disciplina voluit Deus nō-
dum octennē puerū adolescere, præceptis
imbui, formari moribus, vt animi puritas
& innocentia, nulla labe grauiore, corpus
vero nullo libidinis cōtagio polueretur.
Ad hunc A. 1605. 28. Maij Iacobus ab agro
cū Elisæo ad Eliam nutricium suum venit, *3. Reg. 19.*
apud quē nihil hauriret oculis, aurib. aut
alio quouis sensu perciperet, q̃ ingenuo
pudōri vel honestati morū aduersaretur.

4 *Idea p̃ij Sacerdotis*

*instituit
eum mo-
ribus.*

Hic Sacerdos candidam, simplicem & innocentem nactus indolem, tum primùm doli capacem, cœpit ad verecundiam, pietatem in Deum, & amorem litterarum informare, primisq; tradere rudimentis, & elementis imbuendum triennio; cuius exemplum vitæ religiosissimæ cum puer indies contempleretur, nullâ vagandi factâ licentiâ, mores suos cœpit ad omnem honestatem componere. Quo nutritio & parente, deinceps ad annum ætatis ferè 30. vsus est, vt virtus confirmata non posset facilè malorum exemplis vel consilijs labefactari. Vicissim Iacobus auunculo gratus omne præstitit obsequium ætate iam decrepita, multis morbis & miserijs obnoxia, donec annos natus 93. vitam hanc miseram cum immortali felicitate A. 1629. commutauit. Tunc Iacobus velut Elisæus duplici Eliæ sui præceptoris imbutus spiritu, cœpit non tantum vt ante auunculi more, exemplo virtutis perfectæ; sed & scriptis asceticis magis celebrari, & velut tuba cœlestis

*Obitus
auunculi*

Dei laudes toto terrarum
orbe resonare.

* * *

CA-

CAPUT III.

*Vndecennis Humaniores Litteras in Gymnasio
trium Coronarum apud Patres Socie-
tatis Iesu discit.*

SORTITUS erat cum Salomone animam
bonam, & ingenitam Sapientiæ cupi-
ditatem, quæ facile videtur ab his qui diligunt *Sap. 6.*
eam, & inuenitur ab his, qui querunt illam, Cupido
præoccupat qui se concupiscunt, ut illis se prior sapientia.
ostendat. Agrum habebat mentis non pra-
uarum cupiditatum lolijs obsitum, neq;
vitiis sentibus horridum; sed vomere
seuerioris disciplinæ bene subactum;
purum, mollem ad sementem sapientiæ
recipiendam aptissimum, terram certè
bonam, quæ scœnore perpetuo si non
centesimas, certè sexagesimas duceret.
Testem huius illius fructus & ardoris ac-
quirendæ sapientiæ religiosissimum ha-
beo Præceptorem eiusdem R. P. Adamum
Casen Soc. Iesu nunc Studiorum Regen-
tem, quo Magistro Iacobus vsus est qua-
driennio, dum politiori studeret littera-
turæ, is velut in imagine sic eius mores &
indolem repræsentat.

[Fuit D. Iacobus, meus in Gymnasio *Testimo-
nium Præ-
trium ceptoris.*

trium Coronarum Societatis Iesu Coloniae discipulus annis plus minus quatuor, nimirum ab A. 1608. vsq; ad annum 1612. in Grammaticis & Poëtica, quibus in scholis & annis quomodo se habuerit, probè memini, quando pueri vultus, habitus, mores & indoles animo meo velut præsentia nunc etiam obuersantur. Adolescentulus erat intra decimum quartum quintumve ætatis annum, exterius ad omnem honestatem compositus, interius animo totus sedatus, in quo nil perturbationis omnino, nullus inordinatus motus, & quod de Tobia c. 1. legimus, *nihil puerile in opere appareret*. E vultu, motu, gestuq; corporis & actione, modestia, verecundia, probitas & ingenuitas elucebat; nec tamen affectata vanè, vel aucupandę gratiæ studio quæsita, sed ex optima indole promanans, & ingenita naturæ seriæque Auunculi viri Ecclesiastici educatione confirmata. Pietate erga Deum, Sanctosq; reuerentia, erga Præceptores obseruantia nulli secundus erat; labore magis & studio diligentiaque, quàm ingenio, primos æquabat scholæ. Nihil in eo Professor, nihil discipuli desiderabant.

DE-

*Exterior
cōpositio.*

*Gestus
cor, oris.*

Pietas.

Studium

nedu
bum
pius
scipul
quen
tarit
amul
tur.

Vr
b ore
pem a
la, co
ras, et
das id
Chril
produ
cōple
Hinc
tionis
saria.
stici n
ne par
nus M
Ec
dalita
torib
tasqu

nedum culparet quispiam. Scio Iacobum in scholis offendisse neminem, sæpius me recolo peroptasse similes illi discipulos omnes; quamuis in tanta frequentia diuina bonitas non paucos excitaret, qui pari passu Iacobi virtutem aut æmulerentur, aut etiam consequerentur.

Vnum in eo præcipuum obseruauī. Sic *Attentio*
 ore Præceptoris pependisse, sic velut *addicta*
 pem argumentosam libasse verba *professoris*
 grigula, collegisse sedulo, vt quid quid ad litteras, eruditionem, disciplinasq; capestendas idoneum, vel ad virtutem homine Christiano dignam excolendam vtile produceretur in medium, id animo totū cōplecteretur, & referret in Cōmentarios. Hinc ista manasse videntur totius eruditionis, omnisq; litteraturę copiosa aduersaria. Secutus hoc ipso tempore Ecclesiastici monitum: *Ne defrauderis à die bono. & Eccl. 44*
ne particula boni doni te prætereat.] Hactenus Magister eius.

Eodem tempore nomen Angelicæ Sodalitati dedit, vt facilius cœlestibus his tutoribus & præsidibus innocentia casti- *Fit Sodalitas Angelicus.*
 tasque, quibus Angelis esse similis desi-

derabat, maneret integra, cultor item Deiparæ Virginis & S. Vrsulæ præcipuus: inde profluxit ei consuetudo quotidie sub noctem conscientiam discutiendi, quot hebdomadis maculas conscientiæ eluendi, mensam Dominicam frequentandi, Deiparam Rosarij recitatione quotidie honorandi. Sic diuina naturalibus medijs adiungendo, capacem animum reddidit. sapientiam complectendi.

C A P V T IV.

ANNO 1612. tran. fertur ad Montanum Gymnasium, & Philosophiæ nauat operam.

PROGRESSUM in humanioribus litteris nonnihil sufflaminauit, vt ipse sibi persuadebat, Scholæ Professorumque mutatio: imò profuit: dum sic alijs etiam virtutis & diligentiae præluceret exemplo. Causas aperit Magister eius Adamus Casen. [Adolescens Rhetoricam auspicatus non sua voluntate, sed auunculi imperio è Gymnasio Coronarum transijt ad Gymnasium Montanorum, quod inter vrbis tria reliqua vetustissimum est, vt in eo Philosophicis disciplinis imbutus & Magistri titulo decoratus bonas litteras profite-

fiteretur, sensimq; doctior, & ad obeunda
munia Ecclesiastica prodiret instructior;
simulq; Syvlgianæ fûdationis beneficio
frueretur.]hæc ille. Tenuit in eo loco so-
litum pietatis cursum, quem mirificè
promouebat Gymnasij Regens, Admo-
dum R. D. Ioannes Gelenius, Collegij A-
postolici Decanus, & postea Serenissimi
Principis Electoris & Archiepiscopi Vi-
carius in Spiritualibus generalis, vir vt
doctrinâ præcipuus, ita pietatis fouendæ
in Iuuentute sibi credita studiosissimus,
lumen egregium Sodalitatis Ecclesiasticæ
Venerabilis Sacramenti apud Patres So-
cietatis Iesu; huius virtutes Iacobus vt
quotidie suspiciebat & mirabatur, sic i-
mitabatur sollicitè: cui moriens idem
lampada porrexisse videtur, & dictæ So-
dalitatis amorem ingenerasse: nam Iaco-
bo nostro nemo postea in ea Sodalitate
magis assiduus, eiusq; præfecturam gessit
minimum quater. Exactis autem Philo-
sophiæ spatijs A. 1616. 22. Martij laureâ
donatus est Magistrali. Vnde viginti natus
annos, eiusdem Regentis mandato vide-
tur Iacobus Conuictoribus præfuisse;
nam frater ipsius putat eum leges ijs ru-

*Causa
mutati
Gymnasij*

*Regentis
Montani
D Gelenij
encomia.*

lisse, quæ manu eius exaratae repertæ sunt
cum hac inscriptione:

LEGES MUSÆI IN COLLEGIO
Svvolgiano propositæ.

Epist. 49

[Temporis iacturâ nulla grauior, atque
eo magis indignor, inquit Seneca, aliquos
ex hoc tēpore (quod sufficere nec ad ne-
cessaria quidem potest, etiam si custodi-
tum diligentissimè fuerit) in superuacua
maiorē partem erogare: scilicet ars longa
est & vita brevis: vt ergo compendiosior
eruditionis via sit, diligens temporis cura
& custodia faciet, si nimirū statis diei horis
sua assignentur studia, & officia ea seduli-
tate peragenda, quasi à quolibet die, imò
qualibet diei hora fructus aliquis profe-
ctusq; foret exigendus. Proderit itaq; in-
frascriptū diei trāsigēdemodū obseruare.

1. Mane signo ab hebdomadario custo-
de dato, nemo auroram Musis amicam
inerti otio & torpore in plumis delitescēs
elabi patiatur, sed collectis quisque ne-
cessaria quiete viribus, stratum linquet,
& ad Musæum properabit, ibidem preces
Collegij piæ & distinctè, vt par est, reci-
tandæ, sic diei pariter ac studij auspicio,
ab

ab inuocatione diuini Numinis facto ad sua quisq; studia seridè ac sedulò tractanda sese accingent, ea continuantes quoad vsque pulsu Gymnasij ad scholasticas lectiones conuocentur.

2. Finitis lectionibus, negotij si quid erit, paucis expediendum; ab his ad resumenda in Musæo studia transeundum. Atq; hic quidem quod reliquum est temporis antemeridiani, partim auditæ lectionis repetitioni, partim pomeridianæ seu sequentis lectionis tractationi impendendum. Idem finitis lectionibus pomeridianis obseruandum.

3. In ipso Musæo summopere vitanda frequens discursio & excursio, nisi quam necessitas fecerit rationabilem. Ante omnia vero omnes inconditi clamores atque tumultus, nuge & inimice gesticationes, inanes verborum strepitus & intempestiuarum fabularum studiosè cauendæ: neque enim decet tempus silentij seu studij destinatum turpiter & inutiliter perdere. Si fors oborta de dubio quodam literario disceptatio, aut alia de studiis collatio, colloquium postulet, cauebitur, ne sermo alteri cuiuspiam studiis intento sit importunior.

4. Vesperis precibus horâ statutâ recitatis cubitum, singuli se, qua par est ratione & honestate, component. Nocturnas lucubrationes, utpote corpori & literis inimicas, fugient. Quod si cuius forte studendi cupiditas diurno labore non expleta, nocti & somno partem surripere suadeat, matutino id potius quam vespertino tempore faciendum; nam aurora Musis amica.

His legibus diligenter omnes sese conformabunt, transgressorum namque siue negligentia siue contumacia, aut pecuniariâ aut arbitrariâ Superiorum poenâ mulctabitur. Verum Philosophos decet non tam vi legum & formidine, quam virtutis amore rectè facere. Hoc enim discrimen inter Philosophum & Vulgus agnouit Aristippus, quod Vulgus legum præscripto arceatur, Philosophus citra leges sponte rectè faciat.]

Ex his liquet, quem ille modum studendi seruari eo tempore, quamq; temporis duxerit accuratam rationem; qua verò oratione præuiâ sit vsus postremis etiam annis vitæ libet adijcere.

O R A -

ORATIO ANTE STVDIA.

O Iesu, Verbum & Sapientia Patris, da mihi intellectum, & scrutabor legem tuam, & custodiam illam in toto corde meo. Illumina cor meum, vt sciam, velim & faciam quod acceptum coram te sit omni tempore. Doce me facere voluntatem tuam, quia Deus meus es tu. Da mihi sedium tuarum aſſiſtricem Sapientiam, quæ intellectum meum illuminet, cor meum purificet, & affectum meum inflammet, ad cognoscendum & amandum te Dominum meum in omnibus & super omnia.

ALIA BREVIOR.

Seruiat tibi, Domine Deus, quidquid ago, lego & scribo, omne quod cogito, dico & intelligo, à te incipiat, & in te omne opus meum finiatur.

Porro imago, coram qua studere solitus est, fuit Christi patientis facies in sudario Veronicæ expressa.

CAPVT V.

Theologicis vacat studijs, deliberat
de vitæ statu.

MAnsit in conuictu Montani Gymnasij ex fundatione Syvolgianâ
A 7 quin7

quinquennio sequenti, dum Theologiæ simul & volutandis optimis quibusque Scriptoribus assiduam nauaret operam. Nam mens eius à rerum creatarum amore segregata, cùm contemplando summo bono profundius immergeretur, & Angelici Doctoris (quem vitâ cum primis exprimere gestiebat, eius Bibliothecæ suæ præfixa imagine) fontibus potaretur auidius, cepit incredibili siti sapientiæ diuinę sic æstare, vt diurno studio nocturnas adijceret interdum horas, vt alios etiam eiusdem Doctoris Interpretes exhauriret.

Nocturna
lucubrationes

Lectio SS. Patrum. Cœpit eodem tempore SS. Patrum excutere monimenta, nec cursim delibare, sed in Commentarios accuratè referre, nullum vt absque fructu sibi tempus elabi pateretur, vt sapientiam (quam adambabat vnice) sibi fœdere sociali maritaret, audire sibi visus identidem monitum Sapientis: Si enim sapientiam inuocaueris, & inclinaueris cor tuum prudentiæ, si quæseris eam quasi pecuniam, & sicut thesauros effoderis eam, tunc intelliges timorem Domini, & scientiam Dei inuenies, quia Dominus dat sapientiam, & ex ore eius prudentia & scientia.

Prou. 22.

Næ

Næ ille plusquam avarus pecuniam & re- *vehemens*
conditos thesauros, plusquam ambitiosus *sapientia*
dignitates, vel voluptuosus delitias, sapi- *studium.*
entiam diuinis humanisq; coniunctis me-
dijs vbique noctes & dies inquirebat, ean-
dem quasi thesauros reconditos in SS. Pa-
trum & optimorum quorumuis Autho-
rum libris eruebat, vt eius augendæ cupi-
ditatem insatiabilem expleret, licet animi
nimiâ contentione valetudo corporis in-
terdum debilitaretur. Nec tamen iuuandi
proximi negligebat studium, cum ceteros
conuictores & contubernales exemplo
monitisq; formaret ad odium vitiorum,
virtutis & literarum amorem, iisdem stu-
dendi, diemq; pie, studiosè, fructuosèq;e
transigendi certas & statas ferret leges.
Eodem tempore coepit animo versare vi- *Delibe-*
tæ statum, quem tãdem complecteretur, *ratæ vi-*
frequenter de sanctioris vitæ disciplinâ *ta statu.*
ineundâ, cum rerum humanarum con-
temptione cogitabat, & inter reliquos vi-
tæ religiosæ status (vt fratri perlæpe dixit)
arridebat in primis Societas Iesv, quam
ingenio suo propensionique voluntatis
consentaneam maximè iudicabat; sed
vires corporis infirmæ reuocabant, &

*Modus e-
ius vinē-
di reli-
giosus.*

*S. Hiero.
ad Nepot.*

re maturius expensâ , sensit è re fore ,
si secularem Ecclesiasticum statum com-
plexus, proximis verbo, scriptis & exem-
plo vitæ commodaret, quamuis extremis
annis vitæ , conscientia arbitro nonnun-
quam fassus sit , si valetudo pateretur, o-
ptare se potius religiosum mori , sua ta-
men contentum sorte viuere ; sed qui vi-
uendi modum eius examinari, aduertet,
parum vel nihil à religiosa viuendi nor-
ma abfuisse , plusq; per leges ascetarum ,
saluis votis licuisse , quàm ipse sibi genio,
vel corpori , rigidus sui ipsius censor in-
dulgeret. Ita nihil vnquam pecuniarum
in res inutiles, curiosas, superfluas vel de-
licatas erogabat , omnia necessitate cor-
poris & valetudinis metiebatur , reliqua
Bibliothecæ, pauperibus & pijs causis ap-
plicabat ; vt ad rem domesticam iudicio
fratris nimium quam par erat , attentus
videretur , ne quid vnquam deesset ad e-
genos alendos, & templum exornandum.
Iam tum minoribus Ordinibus initiatus,
S. Hieronymi ad Nepotianum senten-
tiam manu sua descriptam voluebat assi-
duè: [Clericus qui Christi seruit Ecclesiæ,
interpretetur primò vocabulum suum, &
no-

nomi
quod
tinè
Cleric
vel qu
Cleric
Dom
talem
deat D
quien
pheta
tra D
quidq
num,
aurum
lem ,
Dom
His c
gnam

Sacris

E
prox
funge

nominis definitione prolata nitatur esse quod dicitur. Si enim Cleros Græcè, Latinè Sors appellatur, propterea vocantur Clerici, vel quia de Sorte sunt Domini, vel quia ipse Dominus sors, id est, pars Clericorum est: qui autem vel ipse pars Domini est, vel Dominum partem habet, talem se exhibere debet, ut & ipse possideat Dominum, & possideatur à Domino: qui ergo Dominum possidet, & cum Propheta dicit: Pars mea Dominus, nihil extra Dominum habere potest: quod si quidquam aliud habuerit præter Dominum, pars eius non erit Dominus, v.g. si aurum, si argentum, si variam suppellectilem, si possessiones, cum istis partibus Dominus pars eius fieri non dignabitur.] His calcæibus se ad vitam Clerico dignam excitabat.

C A P V T VI.

*Sacris Ordinibus & Sacerdotio ante legitimam
ætatem initiatur A. 1621.*

EXistimabat R. D. Ioannes Gelenius plurimum Iacobum profuturum proximis, si quam maturrimè Sacerdotio fungeretur: quæ vero causæ præcipuæ per-

permouerint, vt assentiretur, & præuiâ dispensatione citiùs ordinaretur, hæc-
 nus non comperi; tempus ipse consecra-
 tionis suæ his consignauit verbis: [Anno
 1621.6. Martij sum ordinatus in Sacerdo-
 tem à R^{mo} D. Ottone Episcopo Cyre-
 nensi & Suffraganeo: 21. Martij cele-
 brani primum meum Sacrum in Sacello
 S. Vrsulæ, vulgò Camera Aurea:] dedit
 hoc Patronæ suæ, quam honore præci-
 puo cum vndecim millibus Virginum ve-
 nerabatur; dedit & animi demissioni,
 quippe qui quoad eius fieri posset, splen-
 dorem omnem externum & applausum
 declinabat, magis sollicitus, vt Deum exi-
 miâ sibi pietate mentisq; feruore deme-
 reretur, quàm ab alijs videretur. Exin-
 de ferè quotidie rem diuinam, nisi mor-
 bo præpediretur, facitabat; nec etiam
 cum iter faceret, & impedimenta non le-
 uia moram inferrent, deduci se à piâ con-
 suetudine patiebatur: præmittebat qui-
 nos Ecclesiæ Psalmos consuetos, & pias
 è Thomâ de Kempis & alijs depromptas
 preces, quas postremis annis è paradiso
 suo petebat: mirificè verò pietate suâ præ-
 sentes ad orandi studium & religionem

ex-

*In S. Vr-
 sula cele-
 brat pri-
 mitias.*

*Quotidie
 Sacrum
 legit.*

*Prepara-
 tio ad id.*

excitabat, quod vberius varijs operibus
 præstitit, præcipuè in Aphorismis, Para-
 diso & industrijs piè celebrandi seorsim
 editis, vt hisce facibus languorem Sacer-
 dotum ætatis nostræ & tepiditatem in-
 flammaret. Vt verò se quotidie Sacerdo-
 talis officij commoneret, Breuiario duas
 has præscripsit sententias, primam S. Gre-
 gorij in Pastoralis: *S. Gregor. in Pastor.*
 [Nemo in Ecclesia am-
 pliùs nocet, quàm qui peruersè agens no-
 men vel ordinem sanctitatis vel Sacerdo-
 tis habet: delinquentem namque redar-
 guere nullus præsumit, & in exemplum
 valde culpa extenditur, quando pro re-
 uerentia Ordinis peccator honoratur.]
 Adiecit & istam S. Hieronymi in Ezech. *Hiero. in Ezech. l. 2.*
 l. 2. [Grandis dignitas Sacerdotum, sed
 grandis ruina, si pereant: lætamur ad a-
 scensum, sed timeamus ad lapsum: non
 est tanti gaudij excelsa tenuisse, quanti
 mœroris de sublimibus corruisse: nec e-
 nim solùm pro nostris delictis reddemus
 rationem, sed pro omnium quorum ab-
 utimur, & nequaquam sumus de eorum
 salute solliciti.] Adscripsit Hymnum ex
 S. Augustino.

HYMNVS S. AVGVSTINI
de dignitate & vita Sacerdotum.

Viri venerabiles Sacerdotes Dei,
Pracones altissimi, lucernæ diei,
Charitatis radio fulgentes & spei,
Auribus percipite verba oris mei.
Vos in Sanctuario Dei deseruitis.
Vos vocauit palmites Christus vera vitis.
Cauete ne steriles aut inanes sitis,
Sic cum vero stipite viuere velitis.
Vos estis Catholica legis protectores,
Sal terræ, lux hominum, ouium pastores,
Muri domus Israël, morum correctores,
Iudices Ecclesiæ, Gentium Doctores.
Si cadat protectio legis, lex labetur,
Si sal euanuerit, in quo salietur?
Nisi lux appareat, via nescietur,
Nec si Pastor vigilet, ouile frangetur.
Vos cœpistis vineam Domini procurare,
Quam doctrinæ riuulis debetis rigare,
Spinas atque tribulos procul extirpare,
Vt radices fidei possint germinare.
Vos estis in area boues triturantes,
Prudenter à palca granum separantes,
Vos habent pro speculo legem ignorantes
Laici, qui fragiles sunt & inconstantes.

Quid-

*Quidquid vident Laici vobis displicere,
Dicunt procul dubio sibi non licere:
Quidquid vos in opere vident adimplere,
Credunt esse licitum. & culpâ carere.*

*Cùm Pastores ouium sitis constituti,
Non estote desides, sicut canes muti:
Vobis non deficient latratus acuti,
Lupus rapax inuider ouium saluti.*

Addamus Praxim ipsam celebrandi,
quam seruare solitus postea typis seorsim
excusam etiam communicaturis accom-
modauit.

PRAXIS BREVISSIMA
piè Celebrandi & Communicandi,
pro Sacerdotibus & Laicis:

*Tum ante, tum post Missam & Commun.
vtilis.*

Obserua hîc Actus præcipuarum
virtutum.

Adorationis & Grat. Act.

O Dulcissime Saluator, Christe IESV,
qui ex nimia charitate nos miserè
perditos redemisti pretio Sanguinis tui:
Et

Et in huius Amoris tui memoriam, nec-
non in pignus futuræ gloriæ, tam admi-
rabili Potentia, Sapientia & Bonitate de-
disti nobis in cibum & potum ipsum Cor-
pus & Sanguinem tuum: Denique ad hæc
diuina Myſteria, me vilissimum peccato-
rem in numerum tuorum [*Sacerdotum*]
Seruorum tua ineffabili clementia vocare
dignatus es.

*Adoro te ex toto corde, & gratias tibi
ago ex intimis visceribus animæ meæ, pro
tam immensis beneficijs tuis; & affectus
omnium Electorum tuorum mihi me-
dullitus opto, vt placere tibi possim in
hoc opere, quod facturum sum. (vel iam
feci.)*

Contritionis.

Sed heu me miserum, qui hætenus
tam indignè vocatione mea vixi, & toties,
& tam grauitè te DEVM meum offendi
peccatis meis (præsertim his N. . .) Sed
nunc de ijs *Doleo* ex intimo corde meo,
ob Amorem tui super omnia: & deinceps
Tibi soli seruire, placere, & adhærere pro-
pono.

Pura Intentionis.

Proindeq; nunc accedens ad Mensam
Con-

Conu
Tibi
hostia
tu ip
tulist
Maie
ma In
tis tu
In
donis
& mi
præst
Pro
rum
Et
defid
gnan
in te
pus p
Co
confi
pfo
nulli
ricor
Te F
Salua

Conuiuij tui, ex omni affectu cordis mei
Tibi [*hoc Sacrificium, Missæ*] dignissimam
hostiam Corporis & Sanguinis tui, quam
tu ipse semel pro nobis in Ara Crucis ob-
tulisti; *offero* ad laudem & gloriam æternæ
Maiestatis tuæ: In memoriam sacratissi-
mæ Incarnationis, Vitæ, Passionis ac Mor-
tis tuæ.

In gratiarum actionem pro omnibus
donis & beneficijs, toti cœtui Electorum,
& mihi indignissimo peccatori hucusque
præstitis: vel vnquam præstandis.

Pro salute quoque Fidelium Viuo-
rum N... Et solatio Defunctorum N...

Et vtinam ex omni affectu, seruire &
desiderio Amicorum tuorum, seu iam re-
gnantium in cœlis, vel adhuc militantium
in terris, hoc tam grande tuæ pietatis o-
pus peragere possem. (*vel potuiss. m.*)

Fidei.

Corde siquidem *Credo*, mi IESV, & ore
confiteor, quia Pater æternus, DEVS sei-
pso summè beatus, potens, perfectus, &
nullius egens, secundum infinitam mise-
ricordiam suam sic dilexit Mundum, vt
Te Filium suum Vnigenitum nobis daret
Saluatorem. *Cre-*

Credo quoque, quod Tu ipse Patriæ-qualis per omnia, ex vi immensæ charitatis tuæ de sinu Patris descendisti in vterum Virginis, & propter nos homines **HOMO FACTVS ES.** Et quod ex amore nostri hoc Sacramentum in vltima Cœna instituens, verum Corpus & Sanguinem tuum, id est, Te ipsum nobis ad manducandum dedisti. Et denique Patri tuo factus obediens vsque ad mortem, Temetipsum pro nobis Hostiam in Ara Crucis obtulisti.

Spei.

Ideoq; *Spero* in te, magna fiducia venio ad te, ô Domine, qui nostri causa tam mira facere; & tam dira pati voluisti. Quid enim negabis, qui sic amasti, vt te ipsum dares?

Amoris.

Amo Te quoque, ô bone IESV, ex tota virtute cordis mei, & semper deinceps, & in æternum amabo, si tu dederis.

Oblationis & Resignationis sui.

Sed quid retribuam tibi, Domine, pro tanto munere, & pro omnibus, quæ retribuisti mihi? Ecce, me ipsum totum, **Corpus,**

pus,
bene
tuz.

Ve
rim?
miser
præsta
no su
Aduo
merit
meam

Et
fer op
nis tu
repra
ple o
huius
fectæ
steria
quint

Fa
serati
steriu
tuz,

pus, Animam, & omnia offero in omne
beneplacitum benignissimæ vountatis
tuæ.

*Humilitatis, & Vnionis cum meritis
Christi.*

Verùm quid habeo, quod non accepe-
rim? Quid vilis creatura, vermis terræ,
miser peccator, pauper & seruus inutilis
præstare poterit DEO, Creatori ac Domi-
no suo? Tu ipse potiùs, ô Domine, vtpote
Aduocatus & Mediator meus, diues in
meritis & miserationibus, suscipe causam
meam.

Et ex thesauro immensæ charitatis tuæ
fer opem inopiæ meæ: & pretium Sangui-
nis tui, omniumque meritorum tuorum
repræsenta æterno Patri tuo; & hinc sup-
ple omnem defectum meum, præcipuè
huius meæ, heu, nimis modicæ & imper-
fectæ præparationis, qua ad hæc SS. my-
steria venio, vt sic Ei per Te placeat obse-
quium indignissimæ seruitutis meæ.

Postulationis.

Fac etiam, ô Bone IESV, per omnes mi-
serationes tuas, vt hoc tremendum My-
sterium & admirabile donum charitatis
tuæ, debitâ semper Fide, Reuerentiâ &

B

Gra-

Gratitudine prosequar: idq; puro & ardenti corde nunc & semper recipiam. Statum hunc quoque meum N. ad quem me ex singulari gratia vocare dignatus es, Charitate, Castitate, Humilitate, Mansuetudine, Patientia, Sobrietate, &c. Moribusq; tibi placitis, & [Sacerdote] fidei seruo tuo dignis excolere studeam. Idq; vt seruitus mea magis tibi placeat: Ad maiorem gloriam tuam, Ecclesiæ vtilitatem, & propriam proximiq; salutem.

Abnegationis sui & Vnionis cum Deo.

Vnde tandem supplex rogo, vt per virtutem Corporis & Sanguinis tui, abstrahas cor meum efficaciter ab omnibus noxijs affectibus N... qui gustum ac fructum huius Sacramenti impediunt, & intimè tibi vnias & incorpores, vt gustem quàm suavis sis, Domine, & vnus tecum efficiar spiritus: vt tu in me, & ego in te maneam, adeoq; nihil sit, quod me vnquam separare valeat à te. Nam tibi adherere mihi bonum est, &c. Quid enim mihi est in cœlo, & à te quid volui super terram? ô pars mea Deus in æternum!

C A P V T VII.

A. 1622. in Serenissimi R^{mo}q; Principis Lotharingia & Decani familiam adsciscitur.

DEcennium ferè compleuerat intra Montani Gymnasij septa, nec poterat istis angustiis lucis istius fulgor occultari, quin latius radijs sparsis urbem illustraret. Nobilis viri Gabrielis de Roy indicio splendor iste vitæ integritatis Seren^{mo} & R^{mo} Decano Metropolitano Principi Lotharingiæ Francisco Episcopo Virdunensi sic probatus est, vt in familiam suam cooptarit Iacobum à Sacris sibi futurum. Itaque sub initium anni 1622 Contubernio Montano deserto concessit in Aulam, quam virtutis perfectæ claritate mirificè illustrauit, eamque breui famam collegit & exstimationem, vt ealicer ætate iam aptissimus ad amplissima munia sustinenda iudicaretur; sic etiam virtutem Iacobi Princeps prudentissimus suspexit & adamauit, vt ad extremos vsq; vitæ dies summis eundem in amoribus habuerit: nam morbi tempore quotidie destinauit ex aula certos, qui morbi siue

*Amor Se-
ren. Prin-
cipis in
Iacobum.*

in morbo.

incrementa, siue decemēta referrent accuratē, cibos exquisitissimos quosq; submitit, pharmaca suppeditauit: quin & raro præcipui amoris in virum argumento manibus ipse suis nonnulla præparauit ad morbi vim infringendam, & vires corporis prostratas erigendas & confirmandas. Interim pudore virgineo suffundebatur æger, immerentitā eximia singularis amoris indicia à tanto Principe exhiberi. Nec tamen in aula diu morari potuit, quem Deus ad curam animarum destinabat.

C A P V T VIII.

Anno 1623. Paræcia D.V. in Pasculo præficitur.

DEcessit anno 1623. 12. Februarij R.D. Petrus Spicherus Pastor in Pasculo, Collatio penes Decanum Metropolitanum erat, multi candidati beneficij Iacobum ætate superabant, virtutis cumulatâ famâ, morumq; maturitate nemo, quam Sereniss. Princeps Franciscus per annum exploratissimam habebat, vt præter multorum opinionem, cum vix vicesimum quintum ætatis annum expleuisset, cum

di-

dignissimum existimarit, cui curam Pastoralem tam crederet, qua se totumque Capitulum Metropolitanum, familias item Canonorum, & eorum quotquot beneficijs templi fruuntur, præter ciuicas alias domus subijceret. Adijc 22. Martij possessionem, & eâ diligentia munus obire cœpit, vt cum omnium superaret expectationem. hanc ex ore Principis sæpe vocem expresferit, neutiquam se poenitere, quod D. Iacobum ætate iuuenem tanto muneri præfecisset. Qui sicut initio cum Musas à limine salutauit, ideam absolutissimi studiosi & Philomusi, postea Sacerdotis religiosissimi, sic iam exemplar Curatoris animarum vigilantissimi studuit exhibere, & omnes partes huius officij humeris etiam Angelicis formidandi peruestigare, complecti animo, & re ipsa semper exsequi, vtq; facilius gregem Domini pasceret oratione & verbo, secutus exemplum Pastoris Pastorum &

Episcopi animarum nostrarum

Christi, cœpit prius facere,
quàm docere.

* * *

B. 3.

CA.

C A P V T IX.

*Insignis animi demissio.**Vide Proce-
mit libi
7. tubarũ**se depre-
mit.**fugit l u
des.*

Tacobus altum moliturus vitę sanctio-
ris ædificium, profundum iecit humi-
litis fundamentum. Vnde sicut postea
SEPTEM TVBIS suis orbi Christiano vul-
gatis, oneris Pastoralis magnitudinem,
obligationem & officia publicauit eo con-
silio, vt hoc velut Classico Clerus & anima-
rum Curatores excitati ad bellum luxui,
ambitioni, auaritię, otio desidia q̃; velut
capitalibus hostibus indicerent, vocatio-
nis & officij neglectum corrigerent, sa-
crorum contemptum & amorem sæculi
velut pestes detestarentur; sic primus ipse
sibi bellam denunciavit domesticum &
assiduum, ac mentem sui cognitione de-
pressit, de se viliter & submisẽ solitus sen-
tire & loqui, iactantiam in verbis, in bene
laudabiliterq̃ue factis ostentationem fu-
gere, vt nullus apud eum assentationi,
nullus vanę laudi & plausui populari lo-
cus esset; ideo suspectos habebat amicos,
si laudarent immodicẽ libros, quos typis
vulgauerat, cum illos ipse, quibus pos-
set modis, depressum iret, sanẽ pau-
cis

cis ante mortem mensibus ita cuidam
 è Societate Iesu Patri scripsit inter cate-
 ra : [Sed tamen suspendit me, an dicam
 offendit, benignior illa & propensior cen-
 sura, quam de me meisq; quisquilijs ferri
 video; luculentum quidem indicium per-
 humani & facilis animi tam beneuolè res
 amicorum æstimantis; sed suspecta ferè
 sunt aut esse debent amicorum iudicia,
 vtpote quæ non tam veritas, quàm affe-
 ctus format, sincerius & securius critiriũ,
 quod à parrhisia manat, quæ scilicet nec
 in amicis nãuos & vitia dissimulet, quin
 notas obseruat, monet & corrigit, imò
 etiam reprehēdit. Faciet id quidem etiam
 momus aut Aristarchus aliquis, sed ami-
 cos ab his facile dispar affectus discernit.
 In meis quidem minutijs & nugis, quid est
 quod tãti æstimari debeat? Mihi quidem
 adeo non probantur pleraque, vt velim
 abolita. PARADISVS placueritne, nescio;
 mihi certè adeo non placuit amplius, vt
 noua editio nouum pene totum & alium
 propediẽ datura sit] Pergit deinde reliquæ
 & Cõmentationẽ in S. BERNARDVM pari-
 modo deprimere, more viris sanctissimis
 vsitato, qui mentis aciem à suis egregijs

*Amor
 corripit*

& heroicis factis auertebant, ad lapsus, ne-
 uos & errores conuertebant assidue, quo
 sibi ipsis vilescerent, & ab alijs reprehendi,
 corrigi contemniq; desiderarent, id alibi
 pharmacum contra tumorem præscribit.
 [Nosce te ipsum, ô homo, quia ex cogni-
 tione sui vilescit sibi homo, vt ex igno-
 rantia sui intumescit; quid superbis, cuius
 conceptio culpa, nasci pœna, viuere misce-
 ria, & mori tormentum est? Vnde ergo
 superbis, homo? ob gratiæ dona, naturæ
 vel fortunę bona? vel ob ingenium, scien-
 tiam, aut alias corporis vel animi dotes,
 quibus te putas excellere? sed quid ex his
 omnibus tuum est? nonne hæc omnia ab
 Authore Deo & bonorum omnium fon-
 te prodierunt? Aliena sunt isthæc omnia
 tibi credita tantum & paulisper commo-
 data, in Authoris gloriam & salutis tuæ
 commodum; sed in dedecus & damna-
 tionis cumulum cessura, nisi
 bene expenderis.]

* *

✱

CA-

C A P V T X.

Voto speciali cupiditatem plurium beneficiorum & ambitionem dignitatis sibi præscindit.

R Adix malorum, cupiditas, qua semel humanæ menti firmiter insitâ, necesse est vitiorum omnium virulentos fructus pullulare: solet enim è cupiditate nata opum affluentia, luxum, fastum, intemperantiam, libidinem & quasuis pestes exitiales Clericis generare, præsertim quos semel hydrops inlatiabilis plurium beneficiorum infecerit: Vnde tam seuerè Concil. Trident. damnat eam cupiditatem, statuitque: [vt in posterum vnum tantum beneficium Ecclesiasticum singulis conferatur. Quod quidem, si ad vitam eius, cui confertur, honestè sustentandam non sufficiat, liceat nihilominus aliud simplex sufficiens, dummodo vtrumque personalem residentiam non requirat, eidem conferre.] Habebat Iacobus Parochiale pertenuè beneficium, eiq; Vicariam adnexam, satis id sibi reba-
Vno contentus beneficior.
 tur esse, non solum ad vitam suam, sed & pauperum aliorum alendam & bibliothecam

*declinat
plura.*

cam instruendam, dūmodo permagnum
rei familiaris vectigal parsimoniam adhi-
beret. Vnde quanto quidam ambitiosius
opima Sacerdotia, Principum gratiam,
officia perhonorifica, dignitatesq; venan-
tur, & prō dolor nundinantur, tanto ipse
studiosius oblata nec petenti, refugiebat;
vt graue nōnunquam ipsi certamen cum

& fauorē viris Principibus fuerit, de sponte delato.
Principū. fauore promotioneq; honestē declinan-
da, ne tantorum Virorum gratiam auer-
sari videretur. Sed quo magis ab alijs ad
officia speciosa sollicitabatur, vt radicitus
eorum obtinendorum sibi spem præstin-
deret, morem Patrum Professorum Socie-
tatis Iesu imitatus, hoc se speciali voto
Deo obligauit.

VOTVM DE NON ACCE-
ptando vllō altiori gradu & dignitate.

EGO Iacobus Merlo Horstius, B.V. Mariæ
in Pasculo Pastor, bene deliberata mente
promitto & voueo Deo Omnipotenti, coram
Beatissima Dei Matre Patrona mea, S. Angelo
Custode, ceterisq; Patronis meis & Cœlitibus
omnibus, velut testibus, quod non velim aut
cupiam vñquam ad statum, gradum, digni-
tatem,

etatem, &c. vllam altiore, pinguiorem, commodiorem adspirare, neque verbo vllò, scripto aut obsequio per me vel per alios cuiusquam gratiam, fauorem aut opem captare, quo altius promoueri queam; sed velim & optem multò magis sorte mea (cui vtinam dignè respondeam) contentus viuere, donec Deus & Superiores, quibus obedientiam debeo, aliud de me statuant. Ita factum Colonia, Anno 1631. ipso S. Francisci, cuius exemplo vtinam detur mihi terrena despiciere, & amare ac querere cœlestia. Amen.

Dominus regit me, & nihil mihi deerit, in loco pascuæ ibi me collocauit.

Hæc superius posita, repeto, ratifico, confirmo, Anno 1642. ipso S. Augustini Episcopi

EGO IACOBVS MERLO-HORSTIVS.

Sed vt opum contemptâ affluentia spem in Dei prouidentia fixam teneret, nihil Deo strenuè militanti rerum necessarium defuturum, ob oculos quotidie ponebat has Breuiario insertas sententias: *laeta super Dominum curâ tuâ, & ipse te enutriet, & non dabit in æternum fluctuationem iusto.*

Psal. 26. *Exspecta Dominum, & custodi viam eius, & exaltabit te, vt hereditate capias terram, melius est modicum iusto, super diuitias peccatorum multas. Spera in Domino, & fac bonitatem, & inhabita terram, & pascaris in diuitijs eius.* Et illud S. Cypriani: *Cum ora. Dom.* *Dei sint omnia, possidenti Deum nihil deerit, si Deo ipse non desit.* Orabat etiam cum Sa-

Prou. 30. *Iomoner: Duo rogabo te, Domine Deus & Pater meus, ne deneges mihi, antequam moriar: Vanitatem & verba mendacij longè fac à me, mendicitatem & diuitias ne dederis mihi: Tribue tantum victui meo necessaria, ne fortè satiatus alliciar ad negandum, & dicam: Quis est Dominus? aut egestate compulsus perire nomen Dei mei.* His se precibus & expensis animo sententijs ad contemptum diuitiarum excitabat indies ferè, dum Breuiarij librum volueret. Vnde qui tantopere abhorrebat à pluribus beneficijs, cum sui similes caperet omnes de Clero, libera voce calomoq; sic detronuit in Sacerdotes opum cupidos: [*Quid ergo, o diuites, (si tamen diuites) nunquam presentibus saturi semper ad plus & amplius auri sacra fame stimulante respicitis? Quorsum coniungitis domum ad domum,*

& a-

*e. 12. mo-
nit. sap.*

& ag
prod
qui el
fiten
cont
rum
peris
inuac
indig
vestr
bene
secul
buit
cepe
tis to
tis, b
adde
& var
ingra
les, p
metip
Vos e
victun
Super
Patre
ergo
dere d

& agrum agro copulatis? Verùm magis prodigiosum est, si opes auidè congerant qui electi in sortem Domini statum profitentur, cuius decor & integritas opum contemptu & cœlestium præcipuè bonorum desiderio constat. Vt quid ergo pauperis Christi patrimonium tam violenter inuaditis, tam infideliter tractatis, tam indignè consumitis? ignominia ordinis vestri est, proprijs studere diuitijs; nec bene conueniunt militare Deo, & dignis seculo curis implicari. Quando peius habuit Ecclesia, quàm cum illius Ministri cœperunt contemptis aut malè contortis tot Canonum & Conciliorum decretis, beneficia beneficijs, curas curis superaddere, & multorum alimenta ad luxus & vanitatis suæ fomenta conuertere, Deo ingrati, Ecclesiæ iniurij, proximis inutilis, pauperibus & miseris immites, sibi metipsis perniciosi. Si illos hominum, Vos certè hæc verba spectant: *Habentes victum, & quibus tegamur, his contenti simus.* Superest aliquid? en pauperes vos velut Patres & Oeconomos inclamant. Quid ergo attinet aut noxias aut alienas condere diuitias? quorsum multa possidere

beneficia, quæ viam sternunt ad multa supplicia? Vereor hoc multos tunc primum sapere, cum frustra est poenitere.]

*Renuit
oblatam
à Princi-
pe promo-
tionem.*

Succisa iam radice cupiditatis & ambitionis, non defuere frequentes occasiones voti periclitandi; reliquis omissis breuitatis studio duas adijciam. Vocatus ab Imperij Principe sapientissimo & Iacobi euehendi studiosissimo, cum is ultro nec rogati, gratiam & fauorem, ad altiore lau- tioremq; conditionem obtulisset, Iacobus ei gratias agere, modis nescio quibus excusare se, & affirmatè dicere nihil amplius in votis habere se. Interrogatus verò quidnam haberet ergo, quāti prouentus essent annui? sufficere respondit eos par- simoniæ suæ, nec quicquam desiderare amplius, sua se tenuitate contentū viuere. Princeps exinde magis virtutem viri mirari cœpit, qui ea, quæ cæteri tam ambiciosè venantur, tam modestè recusaret, & comiter à se dimisit.

Aliàs Bonnam profectus in templo FF. Minorum vacabat orationi, fortè Sermus Princeps Elector aderat, & obseruatâ Iacobi præsentia, cum ephebum ad se

accen-

accen-
fuit
subdi-
votu
nim
Deca
quam
pisco
splen-
etiam
tis in
tueba

V
dior
nes v
etum
per er
doma
mada
finan
genal
die co
turn

accerferet, idq; notaret Iacobus, in metu-
fuit, ne in aulam inuitaretur, ideo clam
subduxit è templo se, ne simili velitatione
votum factum periclitaretur. Constat e-
nim Sermonum Principem Electorem de eo
Decano Bonnæ constituendo nonnun-
quam agitaſſe conſilia, vt locum Archie-
piſcopalis reſidentix, virtutum ſuarum
ſplendore colluſtraret, & vt nihil hic
etiam ſimile fuiſſet formidandum in vo-
tis integrè ſeruandis, ipſe tuta etiam me-
tuebat.

C A P V T XI.

Afflictatio corporis & abſtinentia.

VT animam fortitus erat bonam, ita *Corpus*
corpus debilius & ob indefeſſos ſtu- *imbecillū*
diorum labores & voluntarias caſtigatio-
nes variorum morborum cruciatib. fra-
ctum & extenuatum, quamuis bene ſem-
per erat animo; quoties egrè corpori; hoc
domabat cilicijs, quæ duas tresve hebdo- *domat ci-*
madas, & vt quidam ait, totam Quadrage- *licijs.*
ſimam geſtabat; adeoq; extremo quadra-
genarij ieiunij tempore ſecundo morbi
die coactus eſt exuere, cū aliàs ne no-
cturno quidem tempore deponeret.

Ver-

*Verberib.**quotidia-
nâ inediâ*

Verberabat se nodosis funiculis sæpius, ieiunijs imo quotidianâ ferè se cruciabat inediâ: nam cùm Drexelij libellum de abstinentia voluisset, pluribus annis cœnare tantum voluit, meridiæ modico contentus iusculo: Vt tegeret hanc temperantiam, valetudinis & studiorum obtendebat curam: nam quod vsu venit S. Carolo Borromæo, vt ieiunio diuturniore corporis humores consumerentur, conducere dicebat naturæ suæ catarrhis obnoxia, cibiq; digestionem, quæ post meridiem corrumpit trium horarum intensum studium, commodiùs in nocturnam quietem reijci. Sed cùm ventriculus exinde nimium debilitaretur, vt ægrè cibos conficeret, caput verò repletur humoribus, membra catarrhis affligerentur, tussi vox exasperaretur, non ante tamen à SS. Bernardi & Caroli abstinentia sequenda deduci potuit, quàm à Confessario monitus (proposito S. Bernardi exemplo suum eadem in re cum valetudinis iactura nimium culpantis impetum & ardorem) correxit diætam, prandendi resumpsit morem, nocturnas contraxit vigilias, tunc enim stomachi redire vires,

ex

excita
tuffis
termi
tri co

A
guen
sacris
fructu
propo
ctiffin
tatus
bus
Exce
pfera

[
id est
lis m
mitt
com
tabo

excitari ciborum appetentia, remittere
tussis: nec tamen alias afflicti sui præ-
termisit rationes, quas ad consilium arbi-
tri conscientię temperauit.

C A P V T XII.

Quotidiana pię viuendi ratio.

A Sceticis S. Ignatij commentationi-
bus subinde feruorem spiritus lan-
guentem excitabat, inde mentem persepe
sacris meditationibus pascibat, e quibus
fructum semper aliquem & pia colligebat
proposita diurnas actiones quā per-
fectissimē obeundi, Thomam Sanchez imi-
tatus, cuius in vita moralibus eius operi-
bus præfixa similia legerat documenta.
Excerptam ea, quę sibi quotidie præscri-
pserat diligenter obseruanda.

Proposita & Regula quotidianę.

[1. Nullum diem sine lectione sacra, *Leſio li-
id est, Scripturę aut alterius libri spiritua- bri pij,*
lis, maximē Thomę de Kempis, præter-
mittam; sed temporis aliquantulum, idq;
commodissimum huic officio, depu-
tabo.

2. Tem-

Matutina preces.

2. Tempore matutino, tempore debito sine mora surgam è strato, maximè aduertam, vt euigilans mox animum uertam ad Deum, & primitias cogitationum Deo offeram, & actis breuiter gratijs omnia eius diei opera ad Dei Omnipotentis honorem offeram, gratiamq; ad id necessariam efflagitabo.

Operis cuiuslibet intentio.

3. Hoc quoq; per diem in omnibus functionibus, negotijs rebusq; omnib. cautè & diligenter aduertam, vt ad cuiusuis actionis initium mētem in Deum eleuem, & intentionem primi operis ad Dei honorem & maiorem gloriam dirigam, rogemq; eam acceptari in vnione operum & meritorum Christi Iesu.

Unio eū operi b̃ Christi

Modestia in Choro.

4. In locis sacris piè, religiosè, & ad proximi ædificationem utiliter me geram, à fabulis omnibus abstinebo, sola solius pietatis & orationis mihi cura ibidem erit, alijs omnibus ab Ecclesia in locum alium ac tempus aliud relegatis.

Maturitas in congressu.

5. In conuersatione aliorum & colloquijs maturitatis cura mihi singularis erit, conaborq; loqui breuiter, grauiter, comiter, utiliter, de rebus maximè honorem aut famam proximi concernentibus parcissimè

cissim
lia, ori
turpis
gentil

6. A
officiu
semper
collect
tionem
hoc est
ideoq;
vt De

C
Cass

A
rauit à
proxim
miles c
Angel
accom
copio
DEI
lam, S

cissimè & cautissimè loquar, verba inutilia, otiosa, non satis honesta, aut aliquam turpis rei memoriam ingerere apta, diligentissimè cauebo.

6. Ante preces & maximè ante diuinum officium seu publicè seu priuatè legendū, *Oratio preparatoria.* semper conabor instituta aliqua mentis collectione animum ad pietatem & deuotionem preparare, cogitans breuiter opus hoc esse vocationi & functioni proprium, ideoq; diligēter fideliterq; exequendum, vt Deo placeat, & proximis profit.

C A P V T XIII.

*Castitatis inuiolatè seruanda studium,
& fuga mulierum.*

A Vreolam Virginitatis incorruptam seruare cū Dei gratia sollicitè laborauit à teneris, gnarus quòd *incorruptio proximum facit Deo*, redditq; mortales similes cœlitibus, imò terrestres quosdam Angelos efficit, mentemque præparat & accommodat ad diuinæ sapientiæ dona copiosius recipienda. Ideo sanctissimam DEI Genitricem MARIAM, S. Vrsulam, S. Custodem Angelum, Præsides

*Media
castitatis
cōseruanda*

tuto-

O *formu-*
lierum.

tutoresque castitatis inuocabat assidue,
quotidie rem diuinam factitabat, haurie-
batque *Vinum germinans Virgines*. Sensus
etiam suos arctâ custodiâ sepiebat, ne
qua hosti pateret rimula, carnem ieiun-
nijs emaciabat, affligebatque verberibus,
vt multo tempore quandoque cum
S. Thoma Aquinate expers cogitationis
vel commotionis inhonestæ videretur,
accedebat otij fuga, continuus studio-
rum labor & mentis in Deum defixio,
quæ non sinebat animum vagari distra-
hiq; vanâ vel otiosâ, taceo turpiore co-
gitatione. Mulierum verò familiaritatem
quàm cautè declinarit, verbis satis nequit
explicari: multis annis ideo familiam do-
mi non aluit, sed coctos & paratos è do-
mo vicina cibos accipere solitus est, ne
mulierem admittere cogeretur. Ac licet
postremis annis sororem domum rece-
perit, nunquam tamen vel ipsam vel a-
liam sequioris sexûs intra limen cubiculi
pedem inferre passus est; imò ne vel obi-
ter à longè inspicere sustinebat, tapete
ostio præfixo, demissoq; priùs, quàm id
referaret; solus extremus morbus extor-
sit licentiam sorori permittendi ingres-
sum.

sum, vt
teretur
Matro
rat, id
mnibu
licò cu
pedes for
muneri
mandat
ceret (q
buscun
teret,
pos esse
extrem
orandi
tùm in
tam v
ætate
inuiola
tabular
25. Iuli
his ver
ponan
quirite
per De
& per e
illibata

sum, vt eius operâ necessarijs in rebus v-
 teretur. Sed licet importunè quædam
 Matronæ, quibus à Confessionibus fue-
 rat, idipsum flagitarent, constanter o-
 mnibus negauit, & ostio præfigendam i-
 licò curauit hanc epigraphen: *Mulierum in morbo.*
pedes foras sunt. Sacerdoti quoque, quem
 muneris sui Vicarium designarat, in
 mandatis dedit, omnes vt inde procul ar-
 ceret (extra fororem) fœminas, & qui-
 buscunque posset modis, honestè dimit-
 teret, quamdiu sensuum & mentis com-
 pos esse notaretur, quamuis vbi demum
 extremus agon vim sentiendi sustulisset,
 orandi gratiâ viros & fœminas non tan-
 tùm intromitteret, sed & inuitaret. Hac
 tam vigili custodiâ iam inde ab ineunte *Castitatē*
 ætate virginitatem seruauit integram & *seruauit*
 inuiolatam, vt ipse quadam in clausula
 tabularum testamentariorum anno 1639.
 25. Iulij confectarum, scriptum reliquit
 his verbis: [Capulo seu tumbæ nulla im-
 ponantur ferta vel corollæ. Si insigne re-
 quiritur Virginitatis, (quam hætenus
 per Dei solius gratiam seruauī integram,
 & per eandem, vti spero, in diem mortis
 illibatam Deo Creatori meo offeram)
 acci-

accipiatur pannus albus, id est, nullo tinctus colore, sed candidus & nixus, isque satis latus, ut insterni possit capulus. Permitto tamen 16. ad summum ferta imponi per modum crucis, id est, decem pro linea recta, sex pro transuersa.] Sed ne vanè gloriari de ea virtute videretur, vltimis tabulis causam candidi operimenti tumbræ prætermisit; constat verò postremis annis vitæ magnū ad tēporis illius perfectionem cumulum virtutum adieciſſe, ac indies magis magisque fuisse sollicitum, ne tanti thesauri nimia sui præſidentia (quod etiam sanctissimis viris nouerat euenisse) naufragium in portu faceret.

Felix quem faciunt aliena pericula cautum.

C A P V T XIV.

Puritas mentis & horarie adſpirationes.

NEc minùs mentis puritatem, quàm corporis integritatem sectabatur, sollicitus non tantum ut grauiora, sed ut ne leuiora quidem sciens prudēs patraret errata. Non inanis est præſumptio, eum innocentiam conseruasse saluâ baptismali gratiâ, nec eam per lethale peccatum perditam, multum ad nauos etiam leuior-

res cauendos non tantum ei vesperinum
examen conscientiae, sed horaria recensio
factorum contulit, pro qua feruidas sele-
git ad Christum adspirationes.

AD SPIRATIO HORARIA AD IESVM.

*Illumina oculos meos, ne vnquam obdormiam
in mortem, ne quando dicat inimicus meus,
Præuale i aduersus eum.*

*Ego dixi, Domine miserere mei, sana ani-
mam meam, quia peccaui tibi.*

*Sitiuit anima mea ad Deum fontem viuum,
quando veniam & apparebo ante faciem Dei?*

*Vnam petij à Domino, hanc requiram, vt in-
habitẽ in domo Domini omnibus dieb. vita mea.*

*Sit nomen Domini benedictum, ex hoc nunc
& vsque in seculum.*

ALIA.

*O bone Iesu, propitius esto mihi peccatori;
Amo te, & doleo ex toto corde, quia offendi te,
qui pro me dignatus es in cruce mori.*

*O Maria Mater gratiæ. Mater misericordiæ,
tu nos ab hoste protege, & in hora mortis suscipe.*

*O Angele Dei, qui Custos es mei, me tibi
commissum pietate superna hac hora illumina,
custodi, rege, gubernare.*

Vt

Vt se ipse confunderet, languentem excitaret, & ne de innocentia (si eam conseruasset) vanè præsumeret, in Breuiario circumferebat eam S. Gregorij sententiam: [Fit plerumque gratioꝝ Deo amore ardens vita post culpam, quàm in securitate torpens innocentia.] Oraturus etiam, vt puritatis animi memor esset, hoc sibi prælegebat dictum Isidori: [Sicut nullum proficit medicamentum vulneris, si adhuc in eo ferrum sit, ita nihil proficit oratio illius, cuius adhuc dolus in mente vel odium manet in pectore.] Nec dubitabat suis exilibus nauis attribuere præsentium temporum calamitates, eâ sibi præfixâ S. Cypriani sententiâ: [Miraris in pœnas generis humani iram DEI crescere, cùm crescat quotidie quod puniatur?] Hisce SS. Patrum dictis animi puritatem seruare nitabatur, & augere quotidie, quo Deo cordis habitationem redderet gratiorem & nitidiorẽ.

*Isid. Ety-
mol. 6.*

*S. Cyp. ep.
ad Deme.*

* *

*

CA-

C A P V T XV.

Puritas intentionis in operibus.

TRes fines operibus suis, manè pro die toto, iterum cùm opus inchoandum esset, præfigebat Maiorem Dei gloriam, propriam & proximorum salutem. Ad primam verbis Apostoli se inflammabat in scriptis Breuiario Colonienſi: *Siue manducatis, siue bibitis, siue aliud quid facitis, 1. Cor. 10. omnia in gloriam Dei facite. Et illud: Omne quodcunq; facitis in verbo aut in opere, omnia Coloss. 3. in nomine Domini nostri Iesu Christi.*

Manè varijs precibus opera sua, cogitata, verbaq; Deo consecrabat, postea singulis ferè diuersis operibus aptas & proprias orationes præmittebat, nonnullas sparsim varijs in capitulis attuli, vel adferam.

Ante labores.

[O dulcissime IESV, in vnione omnium laborum & sudorum tuorum, & in vnione charitatis tuæ, qua pro nobis tot labores suscepisti, & triginta tribus annis tolerasti, offero tibi labores & omnia opera mea, præsertim hoc N. &c.

C

Post

Post labores.

Bone IESV, hunc laborem meum tibi gratum faciant, omnium Electorum tuorum labores ac opera, pro tui amore & honore gesta, quæ cocta in suauissimo corde tuo, simul vnita tibi & per te Patri tuo offero in gloriam tuam, Amen.

Ante opus quoduis.

O Christe IESV, in vnione charitatis illius, qua opus nostræ Redemptionis in medio terræ operatus es, offero tibi hoc opus N. & omnia studia mea ad maiorem nominis tui gloriam, meam & proximorum salutem.

Alia.

O DEVS infinite misericordiæ, ego miser peccator adoro cum ardore charitatis & infinitis meritis dilectissimi Filij tui, cum amore Spiritus S. cum desiderio & feruore B. Virginis Mariæ & omnium Electorum tuorum, petens vt des mihi continuum tui amoris augmentum, omnes actus meos præueniendo & dirigendo ad gloriam tuam.]

Postea

Postea solitus est varios & multiplices operibus præfigere fines, vel cum ijs peractio negotio Deo facta sua consecrare, quo maiora meritorum indies sumeret incrementa, & id quidem per modum variorum sacrificiorum in veterilege Iudæis vſitatorum hoc exemplo:

[O clementissime Pater, ecce hoc quantum cunq; laboris, scripturæ, lectionis, meditationis, orationis, &c. Sacrificium tibi ioffero in vñione acceptissimi & Sūmi Sacerdotis nostri, sine quo omnes iustitiæ nostræ sunt vt pannus menstruata, obsecrans vt id suscipias in hostiam pro meis & totius populi peccatis. In victimam pro cordis impuritatibus, & affectuum maculis expiandis. In decimas pro recognitione tui in me dominij, quo tibi ad omnia me obnoxium agnosco. In primitias pro omnibus beneficijs vnquam acceptis. In pacificum pro vñione mentis meæ, in mō totius imaginis tuæ, cum te Deo viuo & vero. In sacrificium, quod cultu summæ religionis & latriæ tibi tanquam Deo principio & fini debeo. In holocaustum pro ardenti amoris dilectione debita. In incensum pro consummato

*Oblatio
perfectio.
peris.*

& perfecto resignationis amore. O dirigatur oratio mea, operatio &c. sicut incensum summi illius Sacerdotis in conspectu tuo, Amen.]

Denique, matutino tempore pactum cum Deo cepit inire elicto multarum virtutum exercitio prolixiori, vt omni diei hora sepius signo certo proposito, repetitisq; vocibus, *Deus meus & omnia*, ratam & confirmatam haberet matutinam cum Deo sancitam pactionem. Ita velut aua-
rus & indultrius mercator, nullam omni hora negligebat occasionem, multiplicatis virtutum actibus innumeros sibi meritum cumulos comparandi. Hoc negotiandi genus nobis præcepit Christus,

Luc. 19.

*In gē me-
ritorū in-
cremētū*

his verbis: *Negotiamini vsque dum venio*, quo quisquis assuescit vti frequentius, potest vno solū opere tantum meritum, quantum alter decem operibus acquirere, & vnius anni spatio feruidis & iteratis virtutum actibus alterius tepidioris decem annorum merita superare.

Non abs re videtur imitandi cupidis id ipsum hic proponere
Exercitium.

EXER-

EXE
ME
A

EX P
Philip.
Et P. I.
in C

H
cum
certa
na, a
(nan
plicar
quod
quod
aut v
fieri p
Deo
uare
lauda

EXERCITIVM IN GENTIS
MERITI ET EFFICACIÆ, SEV
Actus Heroicus & Pactum cum
Deo ineundum.

EX PHILIPPO ROVENIO ARCHIEP.
Philip. Vicar. Holland. in Instit. Christ. piet.
Et P. Mart. à Matre DEI, Carmel. Excalc.
in Gymnas. Philos. Christ. Quos de vi &
præstantia huiusmodi Exerc.
plenius consule.

Homo pius modico labore plurimum
mereri cupiens huiusmodi PACTVM
cum Deo inire potest; Nempe, quòd ad
certa quædam signa, v.g. sonitum campa-
næ, aspectum cœli, tunc sionē pectoris, &c.
(nam signa pro placito assumi & multi-
plicari possunt) velit & gratum habeat
quodvis opus bonum & Deo gratum,
quod vnquam factum est, seu hodie fit,
aut vnquam deinceps futurum est, aut
fieri posset. Item, toties seipsum velle
Deo offerre; dolere de peccatis; reno-
uare proposita, vota; Deum adorare,
laudare, &c.

Vim & valorem huiusmodi Actus à contrario colligere licet. Si quis statueret secum, quoties audit campanam, cœlum respicit, &c. toties se velle ratum & gratum habere, quicquid vnquam mali actum vel agendum est, optaretq; se eius esse participem, quantæ is se culpæ obstringeret? Hoc itaque si in malo tam efficax est, quidni idem bono applicatum immensæ virtutis & meriti erit? Sed en Formulam huiusmodi Pañi.

O Benignissime Pater misericordiarum, ego confisus de immensa bonitate tua, præ gloria nominis tui & salute animæ meæ, Patrum quoddam tecum inire cupio, in hunc modum:

Quoties cœlum suspexero, vel pectus percussero, vel piam imaginem aspexero; quoties horologium, aut signum Missæ, vel Eleuationis sacratissimæ Hostiæ percepero; Rosarium vel librum in manus accepero: quoties carnem, mundum, vel Dæmonem, me in quacunque materia fidei, spei, charitatis, castitatis, patientiæ, humilitatis, &c. tentantem sensero, &c. Nunc pro tunc declaro, toties me facere & exercere velle omni meliori, quo fieri
po-

potest, modo & formâ, Actus hosc se-
quentes: etsi fortè pro tunc ad hoc men-
te minùs aduerterem.

Toties, inquam, gaudeo & gratulor tibi
ex animo, ob infinitas perfectiones
tuas, quòd sis, Qui es, id est, Deus summè
potens, sapiens, bonus, misericors, iu-
stus, &c. Summum Creaturæ rationalis
bonum. Quòd nullius egeas, vtpote tei-
pso sat beatus, & sufficiens tibi: nostra au-
tem omnis sufficientia ex te sit.

Gaudeo etiam, Domine, propter ope-
ra bona, quæ vnquam facta sunt, fiunt in-
dies, fientq; in posterum, propter amo-
rem tui: aliaq; omnia, quæ fieri possent
ab ijs quos creasti & creare potuisses: idq;
eâ, qua possibile est, perfectione.

Gaudeo ob ea, quæ Dominus noster
Iesus Christus, Virgo Maria, SS. Angeli,
Patriarchæ, Prophetæ, Apostoli, Marty-
res, Confessores, Virgines, omnesq; SS.
& fideles omnes egerūt ad gloriam tuam:
nec non ob amorem, quo te æternū
prosequuntur, & laudes, quas tibi in per-
petuum dicent.

Offero tibi omnia sancta Missæ sacri-
ficia, quæ vel hætenus in Ecclesia peracta,

vel deinceps vsque ad consummationem
seculi peragenda sunt; idque animo *Ado-
randi* & laudandi te vti Deum supremæ
maiestatis, potentix, sapientix, bonitatis,
&c. Item *Gratias* tibi agendi, nec non
Placandi te, & bona gratix & gloriæ *Impe-
trandi* à te.

Doleo de peccatis meis omnibus & sin-
gulis ex animo, propter amorem tui.
Spero de infinita misericordia tua veniam.
Propono cum gratia tua, non amplius of-
fendere te.

Doleo quoque de tot peccatis à mun-
di initio, hucusque à quocunque homi-
ne commissis, ijsque te tam graviter of-
fensum. *Opto* ex animo, vt compensa-
ri aliquatenus meo sanguine possent. V-
tinam vice cuiusque peccati singulis æ-
ternitatis momentis mille tibi obsequia
à SS. Angelis & omnibus Beatis deferan-
tur.

Dimitto ex animo, amore tui, omni-
bus qui me offenderunt, vel quomodo-
cunque læserunt: & opto illis pro singu-
lis offensis, à te peculiarem aliquam gra-
tiam seu beneficium. Et vtinam nun-
quam ipsa tuam offensam incurrant.

In

In manus tuas committo me, & omnia mea, præsertim finem vitæ meæ, vt disponas de me, vti re maximè tua, in tempore & æternitate, quod tibi placuerit, & visum fuerit fore ad Maiorem Gloriam tuam.

Postremò offero tibi, quicquid possum melius, & meliori modo; præcipuè verò VITAM, Passionem & Sanguinem D. N. Iesv Christi, in gratiarum actionem pro beneficijs omnibus Corporis & Animæ, quæ à te hætenus accepi, & deinceps accipiam, præsertim pro charitate, qua ab æterno dilexisti me. Et pro dono perseverantiæ obtinendo, vt tibi inseparabiliter adhæream.

Hunc ipsum Actum, quo ad singulæ membra, aliq; his implicitè inclusa, roties ratum esse volo, quoties aliquod è signis prestitutis vel prestituendis edidero: imò tot vicibus, quot creaturæ productæ sunt à te, aut produci possunt: quoties spiritum duxero. Denique quoties possibile vel imaginabile est, id ipsum iterari ac multiplicari. Atque hoc purè ob amorem tui, omnesq; bonos ac sanctos fines, qui ab vilo haberi possent.

DOMINE, quod dixi, dictum, factum, gratum, ratumq; volo; affectu, effectu, fructuque, quoad licet, maximo.]

Hunc actum hac forma prolixiore, semel in die, præsertim manè, vel ante seu post *sacrum*, exercere sufficit. Sed sapissimè ad signa constituta repetatur, quod haud erit difficile, eum solâ & unicâ mentis directione seu reflexione fieri possit. Item dicendo: O IESV. Vel: O DEVS. MEVS, & OMNIA.

C A P V T XVI.

*Gradum Licentiæ in Theologia Anno 1626.
suscipit.*

IVre Coloniensis vrbis pleraque curata beneficia gradum in Theologia requirunt, velut publicum eruditionis partæ testimonium, vt Curiones authoritate maiori plebi præsent, norintq; conscientia quæstiones ipsi definire. Non defuit officio suo Iacobus, nam A. 1618. Baccalaureatum Biblicum, sequenti formatum receperat. Itaque A. 1626. 4. Nouembris gradum eidem in Theologia Licentiæ contulit Ioannes Gelenius Decanus Apostolicus & Vicarius generalis, cui virtus
& do-

& doctrina recondita viri, pridem erat exploratissima, nam decennium eodem præfide & moderatore studiorum suorum usus erat Iacobus, eundem in consilium in rebus maioris momenti adhibebat: neque enim præfractè suam solitus fuit tueri sententiam, sed libenter aliorum placitis, quæ saniora videbantur, acquiescebat.

Adnotavit ipse diligenter annum diemq; recepti gradus, hac adiecta clausulâ: *Hic iubet Plato quiescere*; nam altiorē lauream, neque functionibus suis necessariam, neque proposito mentis, & *Cur gratiam Deo* voto postea concepto satis congruam re- *Et oratiss* batur, malebatque sumptus tam grandes *non ad-* in ea caritate annonæ, qua multi fame *miseræ* moriebantur, in usus pauperum dispensare.

Talentum verò doctrinæ sibi creditum à Deo quàm utilissimè cepit in proximorum & propriam perfectionem accurandam diligenter impendere, quem in finem excussit sedulò SS. Patres & Scriptores omnes, qui Pastoralis officij partes & obligationem tractant & contemplantur uberiùs. Nec ullie deinceps peperit sum-

*Cura Bi-
bliotheca*

ptibus, dum Bibliothecam à libris non-
tam curiosis, quàm ad scopum suum fa-
cientibus instruxisset. Hic eius post Deum
& officium thesaurus omnis, animiq; re-
laxatio, quæ tantam animo pariebat cum
utilitate summa voluptatem, vt somni ci-
biq; vix memor, ipsorum etiam quando-
que morborum acutissimorum dolores
ne persentiscere quidem videretur; quæ
tamen eò referebat, vt omnes officij sui
partes clariùs perspiceret & expleret stu-
diosius.

*Amor stu-
diorum.*

C A P V T XVII.

*Inducit in Parochiam frequentationem
Sacramentorum:*

IAcet D. Virginis Mariæ in Pasculo Pa-
rochia in templi Metropolitani cornu
sinistro versus Occidentem, ostio solùm
à reliqua Basilica discreta; nec concionan-
di munus adnexum habet, quo funguntur
à multis annis Patres Societatis Iesu in Æde
Principe manè & post meridiem. Vnde
totus in eo sub initium fuit, vt eorum Sa-
cramentorū induceret frequentiam, qui-
bus animæ puritas & gratia vel acquiritur
vel conseruatur. Ad sacrū tribunal quoti-
die

die ferè Sacerdotib. in æde summa facien-
 tib. pridie verò festorum aut Dominicę
 tam Paröchianis suis, quàm alijs fidelibus
 confitentibus operam dabat: nam ob mo-
 rum facilitatē, integritatē vitæ, ac de alijs
 bene merendi studium, adibatur à multis
 aliarū Paröciarum, obtenta à Vicario po-
 testate quosuis audiēdi, seriam adhibebat
 operā & curā, vt formaret rudes elementis
 fidei, pauperes solaretur, & egestati subue-
 niret, pecuniosos ad opera misericordiæ
 pelliceret, omniū necessitatibus vt Pastor
 bonus consuleret. Præcipuā verò pauperū
 & afflictorū ducebat rationem, in quibus
 Christum agnoscebat, fouebat, veneraba-
 tur, gnar⁹ diuites & lautioris fortunæ ho-
 mines faciles & obsequentes multorum
 nancisci aures, cū egeni miseriq; vix au-
 diantur, quandoq; vulgū seueriore repel-
 lātur, vel asperioribus excipiantur obiur-
 gationib. vt redire metuant. Nec vitiorū
 grauiorum fugam tantū suis inculca-
 bat, sed quos capaciores nanciscebatur,
 ad sanctiorem vitæ rationem incundam,
 puram Dei gloriam in operibus potissi-
 mū bonis absque vanæ gloriæ cupidi-
 tate spectandam, amorem inordinatum.

*Affidui-
 tas audi-
 endi con-
 fessiones.*

*Paupe-
 rum & af-
 flictorum
 cura.*

*excitatio
 poenitētes
 ad maiore
 pfectionē.*

creatarum rerum funditus extirpandum, voluntatem suam cum diuina conformandam exstimulabat: oblati chartis aut libellis vernaculo vel Latino sermone vulgatis, quibus istiusmodi virtutum affectus continebantur. Pendebant verò ab ore Pastoris ouiculæ, vt nutum eiusdem sequerentur: vnde ingens eorum apud morientem & in funere comploratio gemitusque, quibus orbitatem suam deflebant. Sic inducta in Parochiam paulatim octauo quoque die sacræ Communionis frequentatio, pietas fidelium aucta, concursus ad templum maximas & reuerentia cultûs diuini maior introducta.

Subiungo praxim, quæ vtebatur in Sacramento Poenitentia administrando.

METHODVS PRÆPARATIONIS
ad audiendas Confessiones.

Magni refert Confessarium debite estimare munus suum, ideoque magno animo & zelo, muneri suo operam dare. Vt verò de illius dignitate, vti par est, altè sentias, expendet:

1. Sacerdotem audientem & recipientem peccatores, esse Vicarium Christi

Sal-

Sakiat
dum
stis re
um re
suam
cerdo
crofa
Sangu
eo son
exorn
quem
hūm n
similit
precij
Christ
rium
peran
damn
Conci
à Deo
tute in
Homi
gustin
sum M
gaudi
resipis
non in

Saluatoris, eiusq; vices & munus gerere, dum poenitentes absoluit, gratia & coelestis regni hereditati per ministerium suum restituit. Vnde & Deus sententiam suam, quodammodo ad sententiam Sacerdotis restringit. 2. Licere tibi in Sacrosanctum illum Thesaurum, & fontem Sanguinis Domini manus immergere, ut eo sordidas noxiorum animas abluas & exornes. 3. Quam nobilis sit anima illius, quem ante te vides prostratum, non solum naturam suam, quia est ad imaginem & similitudinem Dei condita, verum etiam precij infiniti excellentiam, quia Sanguine Christi redempta est. 4. Te ut Confessarium, proximè ad salutem animarum operam tuam conferre: colligis enim quodammodo fructus, & metis sementem Concionatorum. 5. Delectum te esse à Deo Confessarium, ut ex Diaboli servitute in libertatem Filiorum Dei vindices Homines peccatis obnoxios, quod S. Augustinus maius dicit opus, quam uniuersum Mundum creare. 6. Maius esse gaudium in Cælo de vno qui ex peccatis resipiscit, quam de nonaginta iustis, qui non indigent poenitentia. Quare ut eius gau-

gaudij Ministrum & Auctorem, ex parte Muneris & Officij tui, te esse perpende.

II. Mens tua, in hoc munere, rectè ferri ad Deum debet, vt nil in hoc opere, nisi Diuinam gloriam & salutem proximorum spectes, non tuum commodum, non voluptatem, quam capias ex confidentiũ dignitate, numero, curiositate, &c.

III. Magnoperè decet, antequam aggrediaris tam arduum opus, præparare animum aliqua breui precatatione vel cogitatione, de eius negotij, præstantia, quod aggredieris: Es enim ægrotis animis Medicinam, cæcis lumen præbiturus, oppressos graui onere, errantem ouiculam ad Christi ouile reuocaturus. Confugito insuper ad opem alicuius Sancti, Patroni, & Angeli Custodis, tui & illius qui confitetur, simul offerens pro tua & confitentis salute, Patri æterno, opera, labores, merita, Vulnera & Sanguinem Christi.

IV. Necessè est, vt, antequam ad sedem tuam accedas, animum tuum diligenter præpares & munias, præsertim ad patientiam: Est enim difficile hoc negotium, tum propter scæda peccata, quæ audiuntur,

tur, tu
cidun
ingre
agen
ti, ad
ergo,
us in
Omni
faciam
V.
alios
medi
conta
liaq;
ad m
ac pe
lume
V
ex pa
velin
xima
tion
cend
pecc
Pate
gign
Hoc

tur, tum propter intricatos casus, qui incidunt, tum propter diuersa hominum ingenia, difficilia & morosa, cum quibus agendum, tum quia multi non satis parati, ad Confessionem accedunt. Ad omnia ergo, prius confirmandus est animus tuus insigni longanimitate, vt dicere possis: *Omnibus omnia factus sum; vt omnes lucrifaciam.*

V. Magnâ etiam curâ caueto, ne, dum alios purgas, ipse scedêris. Imitare ergo medicos; Hi, dum visunt agrotos, ne contagione lædantur, ferunt odores, aliaq; contra luem amuleta: Sic te aliquid ad manum habere oportet, quo te à scæda ac periculosa vitiorum contagione incolumem serues.

VI. Tametsi Ius absoluendi à peccatis ex parte Sacerdotis, non ex eius bonitate, vel improbitate, pendeat: Vis tamen maxima est, in eius sanctimonia & coniunctione cum Diuina voluntate, ad inducendum aliquem ad veram poenitentiam peccatorum & promouendum in virtute: Pater enim vt plurimum sibi similes filios gignit, qui verò sibi nequam, cui bonus? Hoc tibi quoque dictum puta.

VII. Præter scientiam, magna uti oportebit dexteritate. Cum enim sis Pater quidam Spiritualis, Medicus & Iudex, in Patris officio cauendum, ne vel indulgentior sis, vel seuerior, quàm res postulat; ne quem consolari debes, acerbitate verborum affligas. In officio Medici, ne præbeas medicamenta minùs accommodata, ad morbi & ægroti naturam, quibus malum non sanatur, sed potiùs augetur. Denique, in Iudicis officio, ne condemnes absoluentes, absoluas condemnandos, sed æquam, rectam & tempestiuam sententiam feras.

VIII. Audiens graua peccata, exemplo Christi, pœnitentis miserearis; sis Samaritanus, faucij curam suscipiens, & duos in te affectus excita. 1. Humilitatis, ut sentias te omnium peccatorum pessimum, in grauiora peccata ruiturum fuisse, nisi Diuina manus te tenuisset. 2. Timoris, ne dum aliorum sordes abluis, ipse conspurceris. Antequam igitur aurem præbeas confitentibus, doceas de tuis peccatis, ut nullum Spiritui Sancto obijcias impedimentum.

IX. Spem magnam concipias de auxilio
Di-

Diuin
nere
causa
à Dec
lis.

X.
bera,
Citare
profic
iusqu
cogita

XL.
tamen
præ te
biq; p
ipfor
ut Pat
& Ch

XL.
quod
feceris
mend
nister
pietat
gem p
culto
ad vit

Diuino tibi minimè defuturo in hoc munere, quod à Deo impositum est, & Dei causa exercetur. Lucem itaq; & auxilium à Deo efflagita, vt iuuare proximum possis.

X. Non solùm à peccatis hominem libera, sed magis magisq; prouche ad sanctitatem, suoq; in statu vnumquemque proficere contende. Ideoq; considera cuiusque ingenium. Hinc vias & modos excogita, quibus faciliùs iuari possit.

XI. In habitu exteriori sis grauis, non tamen asper, sed benignitatem Paternam præ te feras, qua homines alliciantur, sibiq; persuadeant, nihil te præter salutem ipsorum spectare. Vnde fiet, vt ameris vt Pater, & honoreris vt Christi Vicarius, & Christi persona in te spectetur.

XII. Opere absoluto, Deo gratias age, quòd te dignum tam nobili ministerio fecerit. Deinde, quod à te factum, commendabis Domino Deo, vt quæ tuo ministerio sparsa sunt semina, ea pro sua pietate, Christi Sanguine foueat, & ad frugem perducatur, vtq; absolutos à recidiua custodiat, & perseuerantiæ dono firmatos ad vitam æternam perducatur, Amen.

Ora-

Oratio Preparatoria ad audiendas Confessiones.

Antiphona.

Veni Sancte Spiritus, reple tuorum
corda fidelium, & tui amoris in eis
ignem accende, qui per diuersitatem lin-
guarum cunctarum, gentes in vnitae fi-
dei congregasti, Alleluia.

Vers. Cor mundum crea in me Deus.

Resp. Et Spiritum rectum innoua in vi-
sceribus meis.

Vers. Ne proijcias me à facie tua.

Resp. Et Spiritum Sanctum tuum ne auferas à me.

Vers. Redde mihi lætitiā Salutaris tui.

Resp. Et Spiritu Principali confirma me.

Vers. Docebo Iniquos vias tuas.

Resp. Et Impij ad te conuertentur.

Vers. Domine exaudi orationem meam.

Resp. Et clamor meus ad te veniat.

Oratio.

Mentes nostras, quæ sumus Domine,
Paracletus, qui à te procedit, illuminet &
inducat in omnem, sicut tuus promissit
Filius, veritatem.

Ad-

Adsit nobis, quæsumus Domine, virtus Spiritus Sancti, qui & corda nostra clementer expurget, & ab omnibus tueatur aduersis. Per Christum Dominum nostrum, Amen.

Domine IESV, qui promissisti Apostolis tuis, vt, si quid mortiferum biberint, innocato salutari Nomine tuo, non eis noceret: Da, vt tanta puritate, confitentium errata excipiam, vt nil terrenæ labis cogitationibus meis aspergant, sed potius ad conuertendos ad te peccatores, animi fortiter inflamment. Domine IESV, qui me Vicarium tuum, in officio sacerdotali, ad reconciliandos peccatores resipiscentes constituisti, & vis omnes saluos fieri, atque ad veritatis agnitionem peruenire, exaudi me, pro famulis & famulabus tuis, conscientiarum suarum abdita & arcana, mihi, tua vice, referaturis: Concede mihi Spiritum discretionis, vt eos dirigam in viam salutis. Da illis cor cõtritum & humiliatum, vt ab omnibus Diaboli laqueis foeliciter expediantur, dignisque pœnitentiæ fructibus abundantes, post huius vitæ cursum, ante Tribunal tuum comparere non pertimescant, sed à delictorum

Qui vivit
et regnat
cu Deo
Pater,

etorum omnium: inquinamentis, precio-
so Sanguine tuo emundati, sub sacratissi-
morum Vulnerum tuorum tutela, ad
gloriosum Divinæ faciei tuæ conspectum
admittantur. ~~Per Dominum nostrum Je-~~
~~sū Christum Filium tuum, qui tecum~~
~~vivit & regnat~~, in unitate Spiritus Sancti
Deus, per omnia secula seculorum, Am̃.

C A P V T XVIII.

Ante Paschale tempus inuisit Parochianos,
admonet officij, corripit.

Visitat
suos,

corripit

C Apta erat opportunitatem Parochia.
nos singulos adeundi cū opus, eos
sui officij commonebat in Paschate, quos-
dam amicis & blandis verbis corripiebat,
nonnullos etiam acrius perstringebat, &
vitia, quæ cum offendiculis aliorum con-
iuncta videbantur, velut vlcus pestiferum
sic obiurgationis nouaculâ incidebat, vt
virus latens educeret; ne hac in re tam vi-
rorum illustrium aut Prælatorum perso-
nas, quàm officij sui rationem & hanc
Principis Pastorum comminationem at-
tendebat: *Quod infirmum fuit, non consoli-*
dastis, & quod ægrotum, non sanastis, quod con-
fractum est, non alligastis, & quod abiectum est,

Exec. 34.

non

non reduxistis, & quod perierat, non quasistis.

Quòd si monitio carere fructu videretur, rem Deo, sanctis Regibus, alijsq; Patronis diligenter, nec sine fructu commēdabat: saepe enim ad serui sui fidelis voces & preces corda Deus occultè permouebat, vt suis non deessent partibus: Omnes enim eius verba, dicentisq; vim & quandam authoritatem virtute partam vergebantur, quam Deo nixa rebus in arduis fiducia, verborum ipsorum pondus & circumspēctio augebat. Solebat eodem tempore quosdam certis donare libellis asceticis, statui vel necessitati priuatæ congruis; idem amicis alijs extra parœciam præstabat fructu non pœnitendo. Cuidam ordinis Senatorij viro Heliotropium P. Drexelij donarat, is legere magna voluptate cœpit, & stetit lēctioni fructus; eādem hebdomadâ casus acerbissimus sic percussit eundem & penè prostravit, vt ingenuè Iacobo confessus sit, nisi se ruentem penè in desperationis barathrum libri monitis crexisset & gradum firmasset, collapsurum fuisse.

Ac licet laborarit, vt oues ad ouile suum duceret, cum religiosis tamen familijs arctā

*Fructus
donati p̄j
libri.*

Et familiaritate se obligabat, nec eorum
 priuilegia voluit infringere, vel subditos
 ab eorum sacris tribunalibus auertere,
 quin imò fundatores earum vel Patronos
 colebat ipse, festis eorum diebus læpius a-
 pud eos sacris operabatur: iisdem festis
 vota quandoque nuncupabat, vel testa-
 mentarias tabulas condebat, aut emen-
 dabat.

C A P V T XIX.

*Officia diuina curat diligenter, ornat Eccle-
 siam, pietatemq; promouet.*

CUm Psalmista regio diligebat decorem
 domus Dei, & locum habitationis ejus,
 & tam Sacrum, quoties canendum esset,
 quàm officia reliqua diuina, curabat, vt
 distinctè, articulatè, religiosè, augustèq;
 cum præsentium pietate peragerentur,
 talesq; sibi vel Vicarios sufficiebat, vel
 Diaconos, Subdiaconosq; adsciscebat,
 quos vultus modestia, morum maturitas,
 & cultus diuini reuerentia maximè com-
 mendabat. Quoties Ædituus vel alij Mi-
 nistri Ecclesiæ noui eligendi essent, nul-
 lius amici rogatu, vel alterius minùs sin-
 ceri affectus studio se abduci patiebatur.

quin

quine
 ram p
 eum a
 ad id
 propa
 Ara
 los lig
 pere fi
 dilibus
 clesia
 & Ioan
 familia
 ferè or
 statuas
 Huber
 menta
 taria p
 cibori
 tales è
 minùs
 diosus
 tam &
 ritatis
 Synaxi
 instru
 elegan
 tani C

quin ex omnibus officij candidatis (quorum plurimos proponi sibi peroptabat) eum assumeret, quem maximè iudicaret ad id munus idoneum, & cultûs diuini propagatorem præcipuum.

Aram Principem, Pedem eius, Cancellarios ligneos, suis ferè curauit sumptibus opere firmo & eleganti. A Dominis Adilibus Doctore Henrico Oekhofen Ecclesiæ Metropolitanæ Colon. Syndico, & Ioanne Kinchio Senatore & Bibliopola familiarissimis intimis suis, quibuscum ferè omnia consilia sua communicabat, statuas faberrimas Deiparæ Virginis & S. Huberti Patroni; ab amicis alijs ornamenta varia impetrauit. Ipso Pastore altaria pallijs pretiosis vestita, sacra suppellex ciborio calicibusq; aucta, vestes Sacerdotales è tela præstantissima elaboratæ. Nec minus ornatûs quàm munditiæ fuit studiosus, lineam altaris suppellectilem lautam & elegantem requirebat indicem puritatis animi, quam in hominibus sacrâ Synaxi reficiendis Deus exigit. Ob hanc instrumenti sacri & altarium nitorem & elegantiam libenter & ipsi Metropolitanæ Collegæ in ea Parcœcia faciebant.

D

An-

Aræ Prin-
cipem
construit.

auget sa-
cræ su-
pellectilē.

curat mū-
ditiam.

Anno 1625. die Paschatis eodem loci Illustrissimus Nuncius Apostolicus Episcopus Tricariensis, cantato solenni Sacro, Parochianos omnes sacra refecit Synaxi. Eodem anno D. Virginis Mariæ cognatam Elisabeth visitantis festo die R. D. Ioannes Horstius auunculus Iacobi Iubileum ibidem celebravit, quod ipse insigni symphonîâ vocum, neruorumque concentu concrepante cohonestavit. Ad hæc quoties 40. horarum Oratio ibidem indicebatur, præter diuersarum familiarum Religiosos ibi Sacra factitantes, Illustres etiam Canonici Metropolitani ob insignem Diuini cultûs Maiestatem eo confluebant: nam ipse Iacobi aspectus, cantus, & diuinorum mysteriorum administratio, præsentibus afflare pietatem, & inflammare mentis ardorem videbatur.

C A P V T XX.

*Stadium piè canendi vel dicendi Horas,
orandi voce vel mente.*

Æ Gerrimè ferebat præcipitem & nimia celeritate concitatum cantum Vigiliarum, vt satis in libris varijs & testamento suo

to suo significat , quem cū emendare non posset, ne præsentiā probare videretur, abesse malebat; summam adhibebat diligentiam, vt animam sat diu ante præpararet , & contra teporem & euagationem varijs adminiculis præmuniret. In-
Præparatio ante Horas.
 scripserat Breuiario subiectas sententias:
Si cor non orat , in vanum lingua laborat.
Ante orationem præpara animam tuam. & noli esse quasi homo qui tentat Deum. Illius est oratio perfecta, cuius & causa clamat & lingua, & actus & sermo, & vita & cogitatio. Cassiodor. super Psalmos. Et illud S. Isidori: Oratio cordis est, non labiorum; neque enim Isidor. l. 3. verba deprecantis Deus intendit, sed orantis cor c. 8. adspicit; melius est cum silentio orare corde sine sono vocis, quàm solis verbis sine intuitu mentis.

Adhæc hæc considerationes , quas subijcio , sæpe animo voluebat, vt tantò maiori cum deuotione Horas diceret.

I. Considera Dei Maiestatem, eiusq, *Præsentia* præsentiā tibi propone , & quomodo *considerationes.* omnis spiritus laudet Dominum , & omnia opera eius benedicant ei : atque æmulare.

II. Te constitutum, vt pro Magistratu

D 2 Ec.

Ecclesiastico & Politico, pro amicis & inimicis, pro secularibus, distractis, captiuis, infantibus de Baptismo, & omnibus de salute periclitantibus, pro viujs & defunctis Deum ores, quàm sit proinde æquum, vt deuotè id facias. Cogita voces & lacrymas multorum afflictorum suspirantium in aduersis, & dirâ seruitute peccati in æternæ damnationis periculis.

III. Ad finem singulorum Psalmorum, sub *Gloria Patri*, singulariter recollige animum, & renoua attentionem: SS. Trinitatem intimo corde lauda, reuerere & adora: Desiderans illos in te sentire affectus, quos Psalmi varios passim suggerunt; ideoq; diligenter obseruandi sunt, velut Amoris in Deum, Doloris de peccatis, Laudis diuinæ potentix, sapientix, bonitatis; Admirationis, Gratiarum actionis pro beneficijs, &c.

IV. Quanto pietatis fructu gustuque & gaudio spiritus Horas legere posses, si curares psallere sapienter, id est, si intellectui Psalmorum, quos Spiritus Sanctus dictauit, deuotè intenderes; vt eos, non tamquam à Propheta (vt Cassiani verbis vtar) compositos, sed velut à te editos,

Coll. 19.
6. 10.

tos, quasi orationem propriam, profundâ cordis compunctione depromeres; vel certè ad tuam personam astimares eos esse directos: quos viri sancti magno affectu & fructu recitare soliti sunt. Quàm displicet summo Deo, ea, quæ ipse inspiravit, ut ijs postulare nos faceret gemitibus inenarrabilibus, recitari quandoque cum fabulis & risu, aut saltem vanis cogitationibus, id est, sordibus sacratissima verba, quibus longè maior, quàm Sanctorum reliquijs, veneratio debetur, misceri! Quàm Sanctis displicet, verba, quibus ipsi Deum tam seriò & sedulò honorarunt, ea per te inhonorari & quasi prophanari! ijsq; vanas ac carnales cogitationes admisceri; ut fiat detestabile illud: *Populus hic labijs me honorat, cor autem eorum longè est à me.*

V. Deum ad hoc tibi de suo patrimonio largiri alimenta, ut ritè id officium sibi præstes; & quàm turpe, in eo negligenter versari! Sanè, si audias servus nequam & fraudulentus, quomodo effugies iram supremi Patrisfamilias?

VI. Orationem canalem esse, quo ad nos Dei gratia deriuatur; & quàm tur-

pe, illam tibi fieri, per negligentiam in peccatum, & gratiæ detrimentum!

VII. Esse sacrificium, quod, sicut Eliæ, igne cœlitus misso accendi debeat, vt fiat illud Psalmistæ: *In meditatione mea exardescit ignis.* Sed quemadmodum Abel optima quæque offerebat, Cain deteriora; ita tempus & locum deteriora aliqui eligunt, commodiora vilibus rebus, studijs & fabulis tribuunt.

VIII. Esse quasi sacrificium thymiamatis, quod ex suauissimis aromatibus conflatum; de quo Apocal. 5. dicitur, *Angelos apparuisse, habentes phialas aureas plenas odoramentorum, quæ sunt orationes Sanctorum.* Quidquid ergo virtutis in nobis est, in oratione succendi Deo debet, vt placeant verba nostra in conspectu summi Principis. Sapiens ait: *Aurum tuum & argentum conflat, & verbis tuis facito stateram, & frenos ori tuo rectos: & attende ne fortè labaris in lingua, & cadas in conspectu inimicorum insidiantium tibi, & sit casus tuus insanabilis in mortem.* Quomodo enim sanabitur, qui Orationem, quæ malorum omnium remedium est, efficit suâ negligentia venenum? Quàm autem indignū, bla-

blasph
noua, c
reueren
mnibu
rant,
quant
bemus
cum h
regum

O

A
tentè
in vni
tionis
ris,
cordis
adiuua
& vi i
defectu
nitutis
tui, ad
Ru
dam i
mibi v

blasphema, turpia, vana, otiosa, iocosa,
noua, cum sacris admittere. Sed quantâ
reuerentiâ te psallere par est, qui pro o-
mnibus, qui Deum inhonorant & igno-
rant, venis vt adores & honores? O
quantâ nos meritò verecundiâ affici de-
bemus, quos pudet irreuerenter agere
cum hominibus, & non cum DEO, Rege
regum!

ORATIO ANTE HORAS
Canonicas.

A Perî, Domine, os meum ad benedicen-
dum nomen tuum: cupio enim tibi at-
tentè & fideliter psallere, teq; purè laudare
in vnione & virtute illius perfectissimæ atten-
tionis, qua tu Patrem orasti & laudasti in ter-
ris, & hymnum in horto dixisti: præ meisti
cordis angustia, cum sudore sanguinis orans:
adinua me gratiâ tuâ, sine qua nihil possum,
& vis immensa charitatis tuæ suppleat omnem
defectum meum, vt placeat tibi obsequium ser-
uitutis meæ, quod offero ad gloriam nominis
tui, ad meam proximiq; salutem. Amen.

Ruminabat sub cantu, dum mora que-
dam interponeretur, similia: *Quorsum sub cantu
mihi vitam dedisti, ô summe Deus? quare me aspira-
tiones*

formasti ad imaginem tuam, & similitudinem
tuam? quare me Sanguine tuo redemisti? qua-
re me in hoc vitæ statu, cur hoc in loco colloca-
sti? Nonne vt seruiam, placeam & viuam tibi,
vt laudem te nunc & in æternum? Verè, Do-
mine, tu es pars hereditatis meæ & calicis mei,
ô Deus meus, & omnia. Quid enim mihi est
in cœlo, & à te quid volui super terram? In
manibus tuis sortes meæ, &c. Inops & miser
sum ego; ex te verò omnis sufficientia mea. Tu
ergo operi manuum tuarum porrige dexteram.
Adorna me virtutibus ac donis statui meo ma-
gis necessarijs: confirma hoc, quod operatus es
in me; tolle à me, quidquid tibi displicet in me,
& tribue, per quod perfectius amem & colam
te.

Id ipsum in diurna quadam recolle-
ctione versabat animo, & attentius medi-
tabatur.

ORATIO POST OFFICIUM, AUT
longiorem Orationem:

Dirigatur oratio mea sicut incensum in
conspectu tuo, ô Rex regum, optime, po-
tentissime, & sapientissime. Defectus & erra-
res eiusdem ignoscat, quæso, Paterna Clementia
tua, & suscipe eam in vnione omnium oratio-
num Christi Domini, & Sanctorum in cœlo
& in

& in terra, ex omni affectu triumphantis & militantis Ecclesie, ad gloriam tuam, & laudem B. Virginis, & Sanctorum omnium, & eorum, quos hodie, vel ex decreto Ecclesie, vel tanquam Patronos sponte mea colendos suscepi, ad memoriam Passionis Iesu Christi Saluatoris mei; in gratiarum actionem pro omnibus beneficijs tuis: ad salutem omnium, qui se mihi commendarunt: in satisfactionem pro peccatis meis, & gratia tua impetrandi, & hac virtute N. & concede, vt benedicam te in omni tempore; & sicut laus tua semper est in ore meo, sic etiam corde & opere te prædicem, vt sobrietate, modestia zelo & deuotione, puritate, obedientia, mansuetudine & patientia tibi placeam; vt omnes te ament & glorificent, qui es benedictus in seculum, Amen.

ORATIONES DE PASSIONE ne Domini,

Singulis Horis Canonicis accom-
modata.

Ad Masutinas.

Domine Iesu, per amorem, quo nos in
fine dilexisti, per sanguineum sudorem,

D quem

quem in horto fudisti , per iniurias & dolores quos à tuo Discipulo traditus & venditus , ab impijs Iudæis ligatus & distractus sustinuiſti , absolue meorum vincula peccatorum , trahere & liga hanc animam meam , tibiq; adstringe triplici charitatis funiculo , qui dissolui non possit , & in æternum non separer à te. Qui viuis, &c.

Ad Primam.

Domine Iesū , qui horâ diei primâ Pilato presentatus , Iudex cœlestis iudici terreno , & reus falsorum criminum ab impijs Pontificibus factus fuisti ; succurre nobis miseris peccatoribus in iudicio vt non æternis supplicijs cum impijs condemnemur , sed tuis fidelibus iungi in cœlestibus mereamur. Qui viuis &c.

Ad Tertiam.

Domine Iesū , qui horâ diei tertiâ flagellis casus , & spinis coronatus fuisti ; tribue nobis famulis tuis , vt corpora nostra voluntariâ castigatione macerantes , sub capite spinoso digna censerī membra mereamur. Qui viuis &c.

Ad Sextam.

Domine Iesū , qui horâ diei sextâ transfossis manibus & pedibus , è Crucis ligno pependisti , ijsdemq; clavis damnationis nostra chirogra-

graph
ma m
sancti
berat
mei.

Do
matis
ritum
genus
pecca
facto
nec ia
in per

D
depon
brach
cem n
voluer
morte
tris t
viuis

Do
pulch

graphum in patibulo confixisti; concede anime meae, vt liberata à seruitute peccati, has sanctissimas plagas tuas, tanquam insignia liberationis meae semper feram in medio cordis mei. Qui viuus &c.

Ad Nonam.

Domine Iesu, qui horâ diei nonâ, consummatis omnibus, inclinato capite Deo Patri Spiritum reddidisti, atque in mortuum hominum genus spiraculum vitae inspirasti; concede mihi peccatori, vt qui totum me tibi debeo pro me facto, totum me iterum reddam pro refecto, nec iam mihi sed tibi, qui pro me mortuus es, in perpetuum viuam. Qui viuus &c.

Ad Vesperas.

Domine Iesu, qui horâ vespertina è Cruce deponi mortuus in sanctissima Genitricis tue brachia voluisti; concede propitius, vt & crucem meam, quam mihi largiri pro tua bonitate volueris, nunquam in vita derelinquam, & in morte ex ea depositus, per clementissimam Matris tue manus ante te merear presentari. Qui viuus &c.

Ad Completorium.

Domine Iesu, qui horâ Completorij in sepulchro quieuisti, & à Matre tua mœstissima,

& ab alijs mulieribus planctus fuisti : fac nos
 quesumus , tuam sanctissimam Passionem ve-
 ris lachrymis plangere , nec vnquam ea , per
 qua iterum crucifigaris , admittere. Qui
 viuus, &c.

*Collectas
 seligit
 meliores.*

Familiares sibi Collectas quasdam fe-
 cerat, quibus certas virtutes, amorem,
 castitatem, humilitatem, patientiam & si-
 miles à Deo flagitabat; præterea eam de
 Venerabili Sacramento : *Deus qui nobis sub
 Sacramento mirabili &c. & pientissimam o-
 rationem, Anima Christi sanctifica me, fre-
 quenter vsurpabat, præsertim cùm trans-
 eundū templum &c. Reliquas eius preces
 vocales licet haurire ex Fasciculo thuris &
 myrrhæ A. 1629. vulgato, & Paradiso a-
 nimæ.*

*Medita-
 tio eius.*

Vocali mentalem adiungebat, vitam
 Christi Deiparæq; sepius contemplando,
 pios sēper affectus, proposita, colloquiaq;
 eliciendo ē singulis vitæ Christi mysterijs;
 videri de hoc citatus Fasciculus potest.
 Autumpiē meditandi studium, ex quo
 per octo dies aliquoties se asceticis S. Igna-
 tij Commentationibus exercuit. Exinde
 praxin viæ Spiritualis Ludouici de Palma
 Societatis Iesu voluit assiduē, mentemq;
 ma-

magis
 na cor
 Ob
 ne sol
 ruerat

O
 S
 quod in
 tis, obe
 in Passi
 tibi in
 exhiben
 nni eo
 ternita
 huius
 ad tua
 ctionem
 neficijs
 honoren
 Purgat
 satores
 uenit

magis à rerum creatarum amore ad diuina contemplanda erexit.

Oblationem, quam peracta meditatione solitus est adhibere, & Breuiario inse-
ruerat, subiiciam.

OBLATIO MEDITATIONIS.

SVscipe, Clementissime Pater, hoc medita-
torium sacrificium Passionis D. N. I. C.
quod in vnione omnis eius reuerentia, charita-
tis, obedientia, mansuetudinis, patientia, &c.
in Passione sua exercita, & omnium laudum
tibi in hac vita exhibitarum, & in aeternum
exhibendarum, tibi ego vilitatis abyssus cum o-
mni eo, quod sum & possum, in tempore & a-
ternitate offero; praesertim in vnione articuli
huius N. à me iam meditati aut meditandi,
ad tuam & ipsius gloriam, laudem & benedi-
ctionem perpetuam, in plenissimam super be-
nificijs gratitudinem, in omnium Sanctorum
honorem, in totius Ecclesiae profectum, vt in
Purgatorio existentes N. & N. liberentur, pec-
catores conuertantur, iusti in gratia conser-
uentur, & praesertim vt ego ipse & omnes
mihi in oratione commissi, tanto
sacrificio iuuentur.

* *

*

D 7

CA

C A P V T XXI.

*Cultum Venerabilis Sacramenti omni die Iouis
in Parochianis excitat, cum insigni diui-
næ prouidentiae argumento.*

*antiquas
fūdatiōes
obseruat*

*absque sti-
pendio.*

ANtiquas fundationes Sacrorum, licet iniuriā temporum stipendium & annuæ pensiones nullæ soluerentur, non negligebat, præsertim in ijs, quæ natæ erant in Parochianis alere pietatem. Exemplo sit, die Iouis solennis Sacri decantatio de Venerabili Sacramento, veteri instituto; iam quatuordecim ipsos annos nihil ex ea prouentuum annuorum perceperat, & vt se dabant tempora, nihil vnquam speraturus videbatur, quin & ipse de suo peculio Cantoribus, Ædifuo, cæterisque Ministris pendebat debitum stipendium; nec tamen eum augustissimi Sacramenti cultum, quo mirificè Parochiani magnâ frequentiâ confluentes, accendebantur, omittere decreuerat in omnem reliquam vitam. Id cū ad extremum vsque morbum constanter fecisset, Deus ne vinci se liberalitate videretur, permouit occultè cor eius, à quo solutio pendebat. Incidit is casu in librum à Iacob

bo

bo scriptum, & captus authoris spiritu, dum nomen inquit, & item cum eo comperit esse, cui pensiones tot annorum debebantur, vt debiti cognouit obligationem & virum; per litteras offert agro præter expectationem desperatas pensiones. *cū diuinā compensatione.* Hic pius vir sursum in cœlum manibus subleuatis exclamauit: Quàm verè Dominus regit me, & nihil mihi deerit, in loco pascua ibi me collocauit.

Dici non potest, quod arserit desiderio cultum huius augustissimi Sacramenti in se & alijs promouendi; hunc in finem quot hebdomadis die Iouis Sodalitatem Ecclesiasticorum Venerabilis Sacramenti adibat, è cuius Magistratu ferè semper erat, quod ipsum assiduitate nemo adæquaret. In hac Sodalitate sæpe Sacerdotes ad muneris obligationem ardenti dictione est cohortatus, iisdem aphorismos dedicauit, quibus omnia collegit, quæ ad diuinissimum Sacramentum piè sumendum & ministrandum alijs, possent desiderari. *auget cūl tū Ven. Sacramenti*

Complura congeffit alia in Paradiso eiusdem argumenti; vt ideo meruerit die Iouis etiam sanctissimè vitâ defungi.

C A P V T XXII.

Conuersatio & colloquia eius pacifica, vtilia,
pia, diuina

Lingua
damna

cauet

colloquia
pacifica.

Consola-
toria.

vtilia.

Thomas de Kempis de seipso queritur: *Quoties inter homines fui, minor homo redy.* Nimis hoc ex vero dicere plerique possunt; nam ad colloquia multos effrenis linguæ trahit licetia, solatia per sepe quærimus ab amicis, aliàs noua, curiosa, iocularia consecretamur. Alia Iacobi mens, à studijs ægrè se abduci patiebatur, qui cū Deo librisq; loqueretur assiduè & iucundissimè; si necessitas, charitas vel officij, ratio postulare, pròptissimus erat, & verba nō linguæ libertate, cuius si quis alius dominus erat, sed vtilitate vel necessitate metiebatur, præsertim si pax inter dissidentes componenda, æquum se partis vtriusque cōstituebat arbitrum, cuius arbitrato starent oēs; si tristes, afflictos & calamitatibus pressos conuenisset, mellifluā dictione solabatur, & conformationē volūtatīs cum diuinā, rationibus efficacib. persuadebat, cū doctis docta, non tñ vana, curiosa vel affectata; sed vtilia miscebat colloquia, discendi quā docēdi cupidior; nequaquā tñ ijs similis, qui sua nulli cōmunicare vel

inuen
omnia
MSS
aliud
pere
Atcu
sis mi
tunc
dilat
rum e
Nā q
nume
& ign
videb
missi
Relig
batu
cū Se
rit. I
Kaser
magna
maru
etiagn
chia d
sedem
ej Ch
hortat

inuenta vel scripta, vel aduersaria volunt;
omnia potiùs ipsius amicis cōmunia, libri.
MSS. recōdite quęuis historię, vel si quid
aliud vsus postularet, crederes eum acci-
pere cōmodando, non cōferre b. neficiū.
At cum nullis æquē libēter, accū Religio-
sis miscebat, & de reb. asceticis colloquia; *Ascetica.*
tunc n. vero gestire animus, ridere vultus,
dilatari cor & diffuere gaudijs, cū in vi-
runt eiudē propositi spiritusq. incidisset.
Nā qui parcissimus erat tēporis, hic nullas
numerabat horas, cordis intima pādebat,
& ignitis verbis alios succēdebat, quę sola
videbatur arcui semper intento studijs re-
missio, mentisq. plena relaxatio. Testatus
Religiosus, quo familiaritē & sapiūs vte-
batur, nūquam se cum eo locutum, qui
eū Seneca aliquā sui parte emendatior redie-
rit. De eo testatur is qui suprā, Adamus
Kaser: *Magnus in viro fuit zelus animarum,*
magna libertas spiritūs, vt in causa Dei & ani-
marum timeret omnino neminem, Magnates
etiam & Viros principes, si qui in ipsius Paro-
chia domicilium haberent, aut exules fixissent
sedem, adiret in Paschate, & suauiter offi-
cij Christiani commonefaceret, dissidentes
hortaretur ad concordiam, aliq. muneris

Pastoralis officia non diligentissimè tantum; sed & perfectissimè summa pietate & sensu animi, cum maxima spectantium edificatione perurgere conaretur, non aliud cor eius eructare, os loqui, penna scribere, quàm spiritalia norat; quod non modo tot ab ipso p̃ij libelli editi testatum faciunt, verùm ij omnes, qui cum viro sæpius egerunt, fateri cogentur: ipse enim de diuinis rebus loquendi scribendiq; modus & ardor satis manifestum faciunt, quo spiritus intus ageretur. hæc ille. Itaque non erat quod ipse vereretur, ne inter homines rediret minor ab hominibus; sed potius gauderet, quòd alios à se aliqua sui parte perfectiores dimitteret.

C A P V T XXIII.

Temporis accuratissima ratio in somno, cibo capiendo, conuiujs, &c.

ep. 9. ad
Lucil.

SENECÆ monitum hoc continuò velliscabat aurem Iacobi: Vindica te tibi, & tempus, quod adhuc aut auferebatur, aut surripiebatur, aut excidebat, collige & serua; persuade tibi hoc sic esse, vt scribo, quædam tempora surripiuntur nobis, quædam subducuntur, quædam effluunt, turpissima tamen est iactura, quæ per negligentiam fit, & si volueris

Ratio
temporis.

at-

attendere, maxima pars vitæ elabitur malè agentibus, tota vita aliud agentibus. Quem mihi dabis qui aliquod pretium tempori ponat, qui diem æstimet? Imò temporis ponebat pretium, & horas etiam vel momenta Iacobus æstimabat; nihil malè, nihil aliud agenti elabebatur; nihil subducebatur, ne per cibi quidem sumptionem, nihil auferebatur per intempestiva colloquia; paucas somno indulgebat horas, in multam noctem ad vndecimam & ultra lucubrare solitus. Primo diluculo *Manè.* vacabat precibus, inde Matutinis cantandis, legendo Sacro, diuinisq̃ue officijs & Parochialibus muneribus occupabatur: quod reliquum, studijs impendebat. Prandium quoties sumebat, vel cœnam, *In mensa* lectione sacra condiebat, vsus eam in rem versatili pluteo, quod sic adduceret, vt cibi sumptionem neutiquam impediret, & tunc potissimùm Scripturæ caput euolvebat, nec erat necesse manus oculosq̃ue, multum in ferculis deligendis occupare, qui vno ferè contentus, ciborum varietatem vt valetudini noxiam vitabat, simul vt gulam hostis ipse sui capitalissimus frenaret; neque enim ciborum indul-

*Declinat
conuiuia*

dulgebat suauitati, sed naturæ seruiebat necessitati; ad alimenta velut medicamenta cum S. Augustino adire solitus. Conuiuia, cum honestè poterat, declinabat; imitatus S. Chrysostomum, qui cum ob incredibilem abstinenciam ægrè posset cibos capere vel conficere, ne conuiuiis molestior esset eius temperantia, vitabat. At si subterfugere non liceret, tantum ad Vesperarum vsque tempus (quod clepsydrâ secum frequenter apportatâ explorare visus) accumbebat, facetus, iucundus, simulq; pius inter epulas; vtilitatis semper spiritualis captandæ memor; tum missionem postulabat: nam intempestiua conuiuia in multas horas vel noctem prorsus abhorrebat; temporis enim illius iacturam inæstimabilem rebatur. Frugalem amicorum vel Religiosorum mensam vtilitatis & honestæ recreationis gratiâ non inuitus adibat, vbi suus staret temperantiæ locus, & animus docto pioq; colloquio magis quàm epulis pascebatur. In hoc fœlices prædicabat Religiosos, apud quos studia florent, quod à refectione corporis remittere liceret contentionem studiorum.

erudito colloquio, quo plus sæpe proficit ingenium aliorum expeditis in quavis facultate & re dubia responsis, quàm multarum horarum priuata lectione. Addam, quæ familiarissimus eius in elogio de eo scribit: Omne propè tempus, etiam quod curando corpori destinatum est, aut lectioni, aut studio rerum spiritualium impendebat: maximæ eius delitiæ erant libri spirituales & SS. Patrum volumina, quibus identidem immorabatur, & imbecillo semper corpore & agra valetudine, quod de S. Gregorio traditum est, immoriebatur: neque ijs delectabatur solum, sed & pascebatur magis, quàm propositis in mensa cibus, vt moriens cum Socrate disceret, comedens & bibens cum S. Hieronymo Dei iudicia volueret: verèq; usurpare illud Ioannis cap. 4. posset: *Meus cibus est, vt faciam voluntatem eius, qui misit me.* Hæc ille. Ita seruabat præceptum Sapientis: *Fili, conserva tempus, Eccl. 14.*

& deuita à malo, non defrauderis à die bono, & particula bona dici non te pratereat.

* *
*

C A P V T XXIV.

Cura Domesticorum & Fratrum.

*Familia-
res & do-
mestici
eius*

*Fratres
duo.*

*Cura eo-
rum.*

*Cōplectū-
tur sta-
tum reli-
giosum*

Multis & præcipuis curæ Pastoralis
annis familiam non aluit, ne curâ
rerum temporalium nimium temporis
studijs detraheretur. Itaque cum fratre
solo qui eidem ab obsequijs erat, domum
habitabat Pastoralem; cibi verò vicina in
domo viduæ parati tempore refectionis
per sororem viduæ famulanti infereban-
tur. Fratrem ad Gymnasium trium Co-
ronarum eo destinavit anno, quo Paro-
chiam admisit, ei Religionem ingresso
successit alter, & huic sororis filius. Postea
cū sororem ascivisset in familiam, mor-
tua vidua cui famulabatur, pauperem
etiam studiosum ferè aluit; omnes verò
domesticos sibi cupiebat quàm simili-
mos, vitæ integritate, morum maturita-
te, & animi perturbationum victoriâ;
quod licet in teneris impetratu difficile,
obtinuit tamen continuâ vigilantia assi-
duisq; monitis: sic verò fratres instituit
ad omnem virtutem, ut prior decurso
Philosophiæ studio, Societatem IESV,
posterior Carthusianum Ordinem com-
ple-

plecteretur, & hoc minorem vterque dif-
 ficultatem in vitæ religioſæ tyrocinio ex-
 periretur, quod ei multis annis ſub arctiſ-
 ſima diſciplina domi præluſiſſent; eoſdem
 iam Nouitios crebris ad eos datis literis
 ad perfeuerantiam in ſancto inſtituto eſt
 cohortatus; iſdem affatim librorum vti-
 liſſimorum ſubmittebat, quibus ſpiritum
 acuerent, & munia ſua congruenter vo-
 cationi & decenter obirent. Ita Colonien-
 ſem, Conſluentinam, Embricenſem &
 Monasterio-Eiſſliacam Bibliothecas So-
 cietatis IEſu, fratris cauſâ, multis inſtru-
 xit libris, vbi morari compererat Patrem
 Philippum germanum ſuum. Is etiam de
 Iacobo hoc teſtatur literis : *Religioſus ex-*
tra Religionem vixiſſe viſus eſt multis; pauper-
tatis perquam ſtudioſus, vt ad rem familiarem
propè nimium quàm par erat, attentus videri
potuiſſet; ſed eo fine, vt in egenos & ornatum
templi poſſet eſſe liberalior. De vitæ innocentia
& integritate loquuntur crebra ieiunia, rara
& admiranda potiùs quàm imitanda tempe-
rantia, cuius fines in nullis vnquam conuiujs,
quæ aut vitabat, aut tempeſtiuè deſerebat, i-
pfum tranſgreſſum eſſe animaduerti octo ipſis
annis, quibus cum eo vixi. Omnes boni Paſtoris

Testimo-
nium P.
Philippi
de Iacobo
fratre.

Litania
vespertina.

numeros expleuit, nullam diem abire passus, quin rem diuinam faceret, etiam si iter facere contingeret. hæc ille. Domesticos vesperi certum in locum colligebat, ibi Litaniam cum varijs precibus publicè ipso præeunte dicebantur, & examen conscientiam instituebatur, Dominicis & Festis diebus Euangelium dici congruum vernaculo sermone legebatur. Denique domus instat religiosissime familię composita, nullus ut strepitus, fabulæ, risus, vel leuitas audiretur; etiam cum exulum familiam cum iumentis admisisset, præter laborantium strepitum, altum ubique vigeat silentium.

C A P V T XXV.

Oeconomica viuendi ratio, & prouentuum administratio similis religioſe paupertati.

VT verisimilior sit ea multorum Theologorum sententia, Clericos omnium prouentuum suorum esse Dominos, & posse saltem validè de ijs ut suis rebus disponere; Iacobus tamen in praxi tutiorem sibi statuit obseruandam, Christi secutus hoc consilium: *Quod superest, date Eleemosynam, & ecce omnia munda sunt*

Luc. II.

vobis. Beneficium habuit pertenuē, sed a-
 lendo viro paucis & vilibus contento suf-
 ficiens, imò redundans, cibus eius parci- *Cibus.*
 simus, obuius & parabilis, vestis congrua, *Vestis.*
 statui sine sordibus & ornatu, nam vtrun-
 que fugiebat. Supellex domûs munda, *Supellex.*
 vulgaris, non exquisita vel curiosa: pictu-
 ræ per domum, cubicula, ianuas, & alia lo-
 ca distributæ piæ, sacræ, de vita & passione
 Dominica, (quæ tam parietes omnes cu-
 biculi, quo recipiebat & audiebat hospites,
 quàm lecti totam interiorem spondam ve-
 stiebant) vel Deiparæ & Sanctorum; nec
 artificiosè vel oleagino colore pictæ, sed
 in charta rudi opere elaborate, quæ piete-
 tem prolicerent, non oculos pascere, ex
 passim incurrebāt per domum in oculos,
 & pias intuentibus ingerebant cogitationes:
 at quidquid reliquum, in res pias & utiles
 profundeat, certa tamen dispensatione
 ac distributione facta, ut primò merces
 operis & debita quotannis soluerentur; &
 benemeritis gratia vel remuneratio habe-
 retur, pars Ecclesiæ, pars pauperibus ce-
 deret. Inibat secum ipse rationes dati & *Rationes*
 expensi sub finem anni cuiusvis, Bel- *init quæ*
 latinini Cardinalis exemplum imitatus: *annu.*

E

ope-

operæpretium erit ideam ex libro rationum eius ad finem anni 1631. confecturum excerpere, quas Clerici possint quotannis æmulari.

ANNI M.DC.XXXI. RATIONES
IN FINE DECEMBRIS INITÆ.

Ad maiorem Dei gloriam.

ANno 1631. exeunte, siue in fine Decembris, Ego Iacobus Merlo-Horstius, pro more meo iam ab annis aliquot obseruato, computauim, persolui, & liquidauim omnia debita mea cum omnibus & singulis, ita vt iam nulli debitor sim, nisi Deo & benefactoribus. Et quamuis annis præterlapsis multa impenderim in ornatum & reparationem Ecclesiæ, non pauca in pauperes, peregrinos, studiosos, aliosq; afflictos & inopes pro modulo facultatum mearum erogauerim, adhuc curam rei æconomica sustinuerim, inueni tamen superesse mihi in parato (quæ benignissimi Dei liberalitas est & benedictio) quingentos triginta quatuor florenos circiter. Hoc igitur quantumcunque est, ad Dei honorem & proximorum subsidium, & salutem animæ meæ impendere cupiens, decreui tres ex residua ista pecunia facere portiones, & vnā quidem Ecclesiæ pro necessarijs vsibus

& or-

& orna
Religio
tertia
sitatib
nis, qu
iident
seruabo
Merlo-
Nimir
ministr
minus
contem
peribus
Quod su

C
Mise

Ar
cundus h
ponit ser
non com
iustitia
ius exal
cordis
tatum t

& oruamentis, alteram pauperibus, studiosis, Religiosis, Mendicantibus, peregrinis, &c. tertiam verò meis seu domus & familia necessitatibus attribuire, idq; singulis deinceps annis, quos mihi Deus pro sua clementissima prouidentia concessurus, certa & stabili lege obseruabo. Ita statuo & decerno ego Iacobus Merlo-Horstius Anno 1632. initio Ianuarij. Nimirum prouentus Ecclesiasticos vt administrator aliquis Religiosus, non Dominus distribuebat, ipse modicissimo contentus, maximam partem Deo pauperibusq; secernebat, Christi consilio: Quod superest, eleemosynam date.

C A P V T XXVI.

Misericordia in pauperes, studiosos, Religiosos, exules.

APtè Iacobo congruit illud Psaltis regij viri misericordis elogium: *Iu- Psal. lxx.*
cundus homo, qui miseretur & commodat, disponit sermones suos in iudicio, quia in eternum non commouebitur; dispersit, dedit pauperibus, iustitia eius manet in seculum seculi, cornu eius exaltabitur in gloria. Mens viri misericordis semper hilari- *Misericordis semper lari.*
tatum turbinibus obnubilata vel contra-

Non me-
ruunt
Christū
Iudicem.

Pauperū
vulgarium
cura.

Gazophy-
lacium
domi.

Et, terra hiatu dehiscat, aërq; fulguret,
tonet, fulminet, in æternum non com-
mouebitur, nec spe vel beatitate sua exci-
det. An Christum Iudicem metuat, quem
pauit famelicum, vestiuit nudum, hospi-
tem domo recepit, cuius chirographum
seruat: *Beati misericordes, quoniam miseri-*
cordiam consequentur? Hâc erectus fiducia
Iacobus, quidquid reliquum, Christo
pauperibusque liberaliter est impertitus.
In quatuor ipse capite superiore classes
eos distribuit, 1. vulgarium pauperum e-
rat, 2. studiosorum, 3. Religiosorum,
4. exulum. Singularum exempla pauca
colligo de multis.

Statas egenis dabat eleemosynas, sepa-
ratam domi seruabat arcam, quam gazo-
phylacium pauperum nominabat, in eam
mittebat, quoties egenis aliqd applicaret,
in eandē annuē tertiam prouentuum aut
pecuniarum partem conijciebat, & largē
quibusdam indigis erogabat. Cū viam
Romanam obiret, vt attentius oraret,
per fratrem aut sororis filium obuijs sin-
gulis stipem donabat. Viderat in Æde
Principe puerum, ex cuius ore oculisque
decentibus indoles præclara eluceret, elee-
mosy-

mosy-
sibi m
sciscit
prom
dium
donec
In
morte
bat Cl
bende
ornan
aleret
bebat
diebu
rentu
quate
opin
pran
Initio
prose
quadr
oldē
selece
P. Ad
nota
pecun
ad au

mosynas colligentem, de quo cum olim sibi magna polliceretur, domum deducit, sciscitatur de parentibus, adhibet mensæ, promittitq; deinceps eidem indies prandium, quod ei multo tempore præbuit, donec ultro puer emanere cœpit.

In studiosos verò profusus in vita & *Cur in e-*
 morte fuit, eorum enim plerosque spera- *gentiores*
 bat Clero vel Familijs Religiosis adscri- *studiosos*
 bendo, magnoq; futuros Ecclesiæ tam *profusus.*
 ornamento quàm emolumento, hos cum
 aleret familiam, indies ferè conuiuas ha- *adhibet*
 bebat, ita vt quidam statis hebdomadz *mensæ.*
 diebus, alij quotidie ferè mensæ adhibe-
 rentur, & quandoque eodem die terni
 quaterni; miratus ipse nō semel fuit, cum
 opinione sua plures inuitasset ad frugale
 prandium, nihil tamen cuiquam defuisse.
 Initio morbi 12. pauperes & ferè studiosos
 pro se viam obire Romanā voluit, singulis
 quadrantē imperialis elargitus. Scripsit e-
 oisdē moriēs bonorū suorū & bibliothecæ
 selectissimæ hæredes. Adiungā nō nulla, q̃
 P. Adamus Casen hac super liberalitate ad-
 notauit: Quandoq; mihi in studiosos pauperes
 pecuniā aut pannū distribuendū mittebat, alios
 ad audiendū Sacrum inuitabat, & quasi alieno

titulo pecuniam singulis impertiebatur, aut si qui in studijs aut pietate præ ceteris commendarentur, pane, cibo, veste, alijsq; quibus opus erat, fouebat. Quibus colophonem addidit moriens, quando Gymnasijs trium Coronarum pauperes studiosos ex asse scripsit hæredes. Ita cum Romanis apud Varronem fontem coronauit, ex quo sape prior hauserat, & ipse moriens meruit coronam iustitiæ, quam reddet iustus iudex omnibus, qui diligunt aduentum eius.

Scribit
hæredes.

Liberali-
tas in Re-
ligiosos.

Religiosis verò familijs partim esculentis & poculentis mittendis, partim donandis libris vel pecunia succurrebat; præsertim quos graui premi cognouerat necessitate. Compererat Cœnobium Sanctimonialium, in quo vigeat arctissima disciplina, ad extremam ferè redactum egestatem, misit eò continuò per Sacerdotem clam argenteam phialam, cum aliud ad manum non haberet, & donauit opportunissimo tempore, quod munus Virgines vt cœlitus datum summo gaudio receperunt, ignaræ tamen cuius obuenisset largitione, vctuerat enim seuerè, ne se viuo res emanaret.

Sub finem anni 1631. cum Gustauus Sueciæ Rex capta Herbipoli, Moguntia, Wor-

Wor-
bus de
perunt
Colo
res re
nihil
tus h
Iacob
quant
tur:
fcesq;
benef
ficiu
nerab
uis.

E
gent
ius o
hos in
caniff
caseo
gnâ t
tione
60.8
magi
creat
tunc

Wormatia Rhenanis partibus superiori-
bus dominaretur, ingens exulum, pau-
perum, & religiosarum etiam Virginum
Coloniam confluit multitudo, complu-
res rebus omnibus exuti, præter vestes
nihil admodum ferebant secum. Miser-
tus horum miseras & extremam famem
Iacobus liberaliter omnibus subuenit,
quantum angustia rei familiaris pateren-
tur: panes, caseos, butyrum, carnes, pi-
scesq; prodegit, ratus accipere se dando
beneficium, non tribuere: & verè bene-
ficium dando potiùs accipiebat: qui fœ-
nerabatur Domino, cum miseretur ser-
uis.

Eo tempore statim cognitâ eius in e-
gentes munificentia quotidie domum e-
ius obsedit ingens multitudo miserorum,
hos in atrium domûs inducebat, ibidem
canistrum onerarat panibus, scutellam
caseo, tum singulis manibus ipse suis ma-
gnâ beneuolentiâ & charitatis significa-
tione distribuebat, vt hac ratione sæpe
60.80 vel centum etiam vna die pasceret,
magis earum multitudine vel accursu re-
creatus, quàm deterritus. Narrat eius
tunc per nouem annos continuos fami-

liaris & domesticus D. Wilhelmus Rœmer, nunquam à se visum egenum stipem flagitantem, quem indonatum à se, vel tristem dimiserit, eidem dicere solitus, cum plures aduolarent: *Semper adhuc aliquid reperio, quod pauperibus largiar.* Ut non immeritò admodum R. D. Matth. Hoën Rector Magnificus tunc Vniuersitatis Colonienſis, Decanus S. Andreæ, pro concione paulò post mortem Paræcis suis exemplum liberalitatis in egenos, ut vrbe tota perauulgatum, proposuerit imitandum.

Eodem tempore Sanctimoniales, Regulæ S. Claræ, Moguntiâ Coloniâ descendèrant, & egre vitam ob defectum rerum necessariorum tolerabant: quo comperto Iacobus liberaliter omni septimanâ panes, caseos, pisces, & eius generis esculenta submisit, hoc profusior in Religiosas Virgines, quæ vita earum Christi moribus conformior: & ita se non homines, sed in ijs pascere Christum arbitrabatur. Solebat præterea die Iouis Sancto duodecim studiosos domum suam inuitare, quos mensæ adhibitos lautis excipiebat.

epu-

epulis, exemplo Christi, cibos ipsis & potum, omniaque necessaria manibus suis ministrando: tum eleemosynâ largâ donatos à se dimittebat.

Viderat prope Metropolitani Templi limina iacentem pauperem natione Gal- lum ægrò corpore: sic enim scabies cor- pus & faciem obtexerat, vt leproso si- milis vix hominis referret speciem: mi- seratione tactus Iacobus, ita prouolu- tum humi, & ob brumale frigus rigen- tem & trementem corpore, sustulit è ter- ra, manibusque domum suam deducit, inducit in musæum, suo imponit sedili, fornacem instruit, calore fouet, cibis & potu reficit, iucundis & pijs collo- quijs solatur, ad patientiam exhorta- tur: tum eleemosynam non modicam eidem elargitus abs se dimisit. Vbi nunc molles, effœminati, delicatuli, qui viso leprosi, vlcerosi vel scabiosi vultu contremiscunt, fugiunt, vultum & oculos auertunt, nec oculis paululum humanam miseriam, cui obnoxij sumus omnes, intueri sustinent? videant istum huius Sacerdotis manibus leuari è terra:

manu prehensa duci, propria in sede locari, vultis tam tetri magis aspectu, quàm comptulorum & cincinnatorum adolescentum specie delectari: isto pedore, illuie & vermibus pauperis, quàm effœminatorum suauissimis odoribus vel suffimentis recreari. Hæc est vera sapientia: suis res omnes momentis ad leges æternas & diuinas ponderare: Christum in tali paupere pluri, quàm Regem in solio æstimare & venerari, qui disertis promissit verbis: *Quod vni ex minimis meis feceritis, mihi fecistis.*

Exiles. Sed cùm miles hostilis barbara feritate patriam Coloniensem, Iuliacensem & Montensem Anno 1642. ferro flammâq; depopulatus agricolas domibus & fortunis omnibus exturbaret, Claustra Monialium effringeret, & Virgines Deo dicatas eijceret, cùm iterum innumeræ familiæ rebus omnibus exutæ Coloniam velut ad asylum vnicum & perfugium extremum confugerent. Eodem Rusticus cum vxore, liberis, iumentis & pecoribus venerat, quo diuerteret, ignarus, casu fores Iacobi pulsauit: is misertus exulis suam cum omni familia pecoribusque recepit in domum.

num, aptauit iumentis stabulum, prospexit per hyemem de habitatione, & maiorem anni partem, omnes ferè de suo gratis sustentauit, ac rudes officij sui sic breui tempore instituit ad pietatem, vt eadem ciues etiam æquare vel superare potiùs viderentur. Alteri rustico non solum omnibus spoliato, sed & diuturnâ Captiuitate detento; in qua plurimi morbis, pedore & squalore moriebantur, cum nemo misero pecuniam commodaret, vt ad Iacobum confugit, promptè vim sat magnam ei credidit, vt carcere solutus comparatis iumentis ad propria culturamq; agrorum redierit, is cum anno euoluto censum pendere iam ægrotanti vellet, oblati etiam muneris loco piscibus, totum ei remisit, pisces sibi habere iussit, & inde aliorum amicitiam conciliare; ipse potiùs eundem fractis licet viribus solari mœstum, spe diuinæ prouidentiae erigere, cibisq; recreare. Deus, ne vinci liberalitate videretur, eadem horâ Iacobum certiore per amicum (qui interuenit, cum afflictum leuaret solatio) fecit soluendam breui pētionem annuam tot annis desperatam; quæ paucis post

diebus, mediam partem est repræsentata. Inuitus eo tempore suscipiebat à Parochianis pro ornatu templi munera, qui parci videbantur in alendis pauperibus, nam SS. Augustini, Basilij & Ambrosij secutus consilium, arbitrabatur calices argenteos & vasa pretiosa potius esse distrahenda, quàm famelicorum viua Christi vasa vel membra cum animarum periculo defectu alimentorum interirent, pro quibus tamen seruandis Sanguinis sui pretium omnibus totius orbis thesauris nobilius sapientissimus Mercator Christus appendit. Sacerdotes quosdam exules & Pastores, exturbatos sedilibus stantibus in hebdomada diebus, inuitabat ad mensam, immò faciebat liberam potestatem, quoties egerent, vel ipsi vellent, redirent pro arbitrio.

Vandit su- Cum pecunia paulatim in ea communi
pellectile, annonæ caritate deficeret, supellectilem
electam distrahere suam cœpit pro alendis Religiosis Virginibus nobilibus & ignobilibus, quæ maximo numero confluerant Coloniam, rebus omnibus vitæ sustinendæ destitutæ; sed cum nec ista sufficerent, lectum etiam proprium per Gertrudem.

Wichem, D. Ioannis Kinchij vxorem matronam in pauperes beneficentissimam, vendidit & egētibus distribuit, ipse strato deinceps vsus reliquâ vitâ & morbi tempore duriore. Monebatur ab amicis, cum prouentus essent exigui, nec ijs tamen annis soluerentur, prospiceret familiæ suæ, prouideret vt aliquid senectuti vel aduersæ valetudini leuandæ superesset, respondere solitus est: *Dominus regit me, & nihil mihi deerit, in loco pascuæ ibi me collocauit.* Familiari suo non semel dixit: Alij, dum moriuntur, legatis pijs subueniunt pauperibus, ego viuus ijs malo succurrere, *In vita beneficiendum.* certus de auxilio præstito miseris, securus meriti præmijque. Foundationes etiam vel anniuersaria sacra post obitum constitutæ re noluit, metuebat enim ne sensim interirent, & fructus alijs rebus applicarentur: totum quod reliquum erat cum bibliotheca, pauperibus tribuit, quasi tam liberos, quàm rem omnem familiarem, Ecclesiasticos prouentus & laborum stipendia ad vsum tantum commodatò à Deo accepisset, non ad ditandos propinquos, sed ad Christi membra pauperesque reficiendos.

C A P V T XXVII.

Inuicta in morbis acutissimis patientia.

Tob. 12.

MOnebat Raphaël Tobiam: *Quia acceptus eras Deo, necesse fuit vt tentatio probaret te: omne igitur quod tibi applicitum fuerit, accipe, & in dolore sustine, & in humilitate patientiam habe; quoniam in igne probatur aurum & argentum, homines vero receptibiles in camino humiliationis.* Morbos quasi donum & amoris pignus à Patre amantissimo missum cum grati animi significatione recipiebat, & velut particulam Crucis Dominicæ oblatam exosculabatur. Corpus naturâ debile, ieiunijs, vigilijs, laboribus & verberationibus extenuatum, exhaustum & enervatum morborum ilias inuasit, & acutissimis quidem doloribus dentium sæpe torquebatur, nonnunquam colicis, sæpissimè calculi grauissimis aculeis lancinabatur, nec gemitum quidem, vix alijs tolerabiles cruciatus exprimebant: quid gemitum dico? vox animi constantis & excelsa nonnunquam ab alijs audita est: *Adde, Domine, dolores, auge patientiam.* Portenti simile fuit, aliquoties cum lapillos qui pisorum magni-

*Corpus imbecille**fractum morbis.**Calculi doloribus**oprat maiores.*

gnitudinem, imò fabarum longitudinem æquarent, sine studiorum intermissione velut indolenter excernere; nec ideo lecto decumbere, fomenta, balnea, vel alia corporis leuamenta sectari cum stupore Medicorum; horum tamen quoties opus adhibebat operam, nec vsum pharmacorum suo tempore negligebat: vnde corporis ægri leuandi gratiâ nullis parcebat sumptibus, quoties necessitas suaderet, at si vis mali curam superaret, in diuinę providentię brachijs & vulneribus Saluatoris suauissimè quiescebat: hic in aduersis omnibus asylum quærebat, & refugium paratum reperiebat: vt quàm moderatus erat in prosperis, tam lætus & securus Deo fretus esset in morbis & aduersis omnibus, recolens versiculum Psaltis regij: *Cum ipso sum in tribulatione, eripiam eum & glorificabo eum.*

C A P V T XXVIII.

Curam Sanctimonialium in S. Vincentio suscipit cum insigni fructu Cœnobij, delicatos cibos in morbis etiam refugit, & ad nosocomia mittit.

Cvræ Pastoralis curam adiecit aliam, non

non quæ reſcitibus amplis auget opes,
 vel præberet delicias, ſed quæ cum inſignē
 moleſtaque occupatione, perficiendi in-
 ſpiritu proximi deſiderium expleret ſine
 vlllo emolumento temporali. decennium
 enim circiter Monafterium S. Vincentij
 Virgineum velatarum fructu maximo re-
 xit & excoluit, votorum & regularum Or-
 dinis accuratiſſimam obſervationem, ri-
 gidam clauſuræ, vt vocant, cuſtodiam,
 templi ornatum eximium, cantum Eccle-
 ſiaſticum pium, tardumq; diligenter cu-
 rauit: cauē nimiam cum ſæcularibus &
 viris familiaritatem, ad pios & vtilēs labo-
 res manuum eas exhortatus: ſanè nullo
 ferè in totius ciuitatis Cœnobio tam ele-
 ganter opere Phrygio elaborantur veſtes
 ſacræ, vela, altarium pallia: quo ferè la-
 bore Virgines victitant, nihil tamen diui-
 norum officiorum negligitur. Porro
 vt ſacri Concilij Tridentini decretum
 ſeruaretur, non ter tantum, ſed ſæ-
 pius etiam faciebat Virginibus poteſta-
 tem alijs præſertim Societatis Ieſu Patri-
 bus conſitendi. Exhortabatur eas fre-
 quenter ad omnem perfectionem; vel
 in hoc, cum per occupationes non li-
 ceret,

ceret, dictis Patribus vices suas delegabat.

Subijciam modum, quem in Concionibus habendis vsurpauit.

METHODVS PRÆPARATIONIS
ad prædicandum fructuosè
Verbum Dei.

Meditatio Concioni præmittenda.

I. **C**ONSidera, ad quàm præcellsum opus sis vocatus, scilicet vt sis Christi Legatus ad Fideles eius, dicente Apostolo Paulo : a *Legatione pro Christo fungimur*, tanquam Deo exhortante per nos, ita vt lingua mortalis fiat oraculum Sancti Spiritûs, organum Diuinæ vocis; immodò, vt sis Pater quidam Spiritualis ad gignendos Christo per Euangelium Filios, vt Paulus de seipso affirmat : *In Christo per Euangelium ego vos genui* b. Quod officium, cùm Christus omnium primus fœcundissimè, cùm in terris prædicaret, obierit, eius partem tibi voluit communicare, vt Vicario suo, in re tanta, quanta est mortuos peccato homines ad vitam spiritualem, & dignitatem filiorum Dei reuocare.

a 2. Cor. 5

b. 1. Cor. 4

II. Por-

II. Porro idoneum esse Ministrum ad animarum conuersionem procurandam id prorsus superat vires humanæ naturæ. Ideo nec Eloquentiæ tuæ, nec Doctrinæ & Prudentiæ, sed Dei Gratiæ confide, cuius est lumen menti Concionatoris infundere, quod ad tam sublime munus requiritur. Hinc Gentium Doctor, *Sufficientia*, inquit, *nostra ex Deo est, qui & idoneos Ministros nos fecit noui Testamenti, a non litera, sed spiritu.* Concionem itaque meditaturiens, sic labora & stude, vt superflua sollicitudine abiecta, ad ipsum Fontem Sapientiæ recurras, animum tuum expandens ac præparans, vt suâ illum Deus gratiâ illuminet; & simul rogans, vt ipse mentem & linguam impellere & moderari velit, vbi ad rem ventum, ad Concionatoris munus ritè legitimèque obeundum.

III. Cumq; ad gloriam Diuinam prædicandam sis electus, humanæ existimationis atque commendationis studium omnino abijcies, Christum dictis & factis imitando, qui non suam, sed Dei Patris gloriam solertissimè quærebat.

IV. Sit insuper in animo tuo ardentissimus

simus erga eos, quos Christo gignis, affectus; ita ut quemadmodum mortales parentes nullum recusant laborem in liberis educandis, ornandis, locupletandis, eorumque malis & miserijs non secus condolent ac suis: ita tu intimis angaris sensibus, si quem videris in peccatum & Diaboli laqueos relabi, atque ita in alijs iuvandis, haud sine incommodo tuo, nunquam defatigaberis.

V. Quinetiam imitare Apostolos, qui ut se idoneos redderent in prædicando Evangelio Ministros, ex Domini præcepto sese abdiderunt in Domum, ibique in oratione ardentissimè persistentes, Divini Spiritûs igne succensi, paulò post vniuersarum terrarum orbem, prædicatione sua inflammaverunt: sic tu ad Deum confugas, oportet, ut in meditatione tua diuinus ille ignis exardescat, quo Auditores tuos incendas: a *Pete ergo à Deo, ut ver-* a *Psal. 38*
bis tuis pondus addat, ac sine dubio, si bene postulaueris, in fide nihil hesitans, b Dominus b *Psal. 67*
dabit Evangelizanti tibi verbum virtute multa.

VI. Magni utique apud Concionatorem momenti est, ab omni cupiditate pur-

purgatum esse, vt verè de illo dicatur:
a Psal. 10. a Quàm speciosi pedes Euangelizantium pacem,
Euangelizantium bona: Ferendæ item mo-
 lestiæ, quæ ob prædicationem veritatis in-
 currendæ, vt Christo Concionatorum Ar-
 chetypo similis efficiaris, & augeas meri-
 tum ac mercedem tuam in cœlo.

VII. Dum porrò operam nauas alio-
 rum profectui, ne te ipsum lædas, tui
 obliuiscaris, ne audias: *Peccatori autem*
b Psal. 49 dixit Deus, b quare tu enarras iustitias meas,
& assumis testamentum meum per os tuum?
Tu verò odisti disciplinam, & proiecisti ser-
mones meos retrorsum? Imiteris ergo e-
 xemplum Christi, qui priùs cœpit fa-
 cere, ac deinde docere c. Atque ita se-
 gerat Concionator, vt, veluti S. Bernar-
 dus ait, non sint canales, qui nil sibi re-
 tinent aque, sed transmittunt vniuersum:
 quin potius, veluti Conchæ, ex quibus af-
 fluentia, sine vllō ipsorum detrimento, ad
 alios redundat.

VIII. Fugito demum nimium ornatum,
 & operosam humani laboris industriam,
 in verbis ac sententijs, sed in Apostolico
d 1. Cor. 2 spiritu, d non ponens vim in persuasibili-
bus humanæ sapientiæ verbis, sed in o-
 sten-

stenfio
audien
mulce
phetar
Loquin

ORA

Præ
D
ri
Creato
video,
laborib
te, ni
tis labi
Da mi
casti n
tuam
Amen.

O
tanqu
viuent
lio Ma

stensione spiritûs & virtutis: Neque aures
audientium blando verborum sono per-
mulcere, sed corda penetrare satage, Pro-
phetam Esaïam audiens, te monentem:
Loquimini ad cor Hierusalem.

ORATIO ANTE CONCIO-
nem immediatè dicenda.

Premisso Hymno: Veni Creator &c.

Dignus es, Domine, accipere omnem glo-
riam & honorem, vtinam omnes ad te
Creatorem tuum conuertam! Etia, Domine,
video, vt infiniti pereant, tuo sanguine &
laboribus empti: & nemo potest venire ad
te, nisi tu traxeris eum: Quid ergo pollu-
tis labijs & corde ego prestare potero sine te?
Da mihi itaque gratiam ad hoc, ad quod vo-
casti me, & adsint mihi Angeli tui, vt ad
tuam vnius gloriam ritè fiant vniuersa.
Amen.

Alia Oratio.

O Pater luminum, à quo omne datum o-
ptimum, & omne donum perfectum,
tanquam à perenni fonte, puteoq; aquarum
viuentium, copiosè dimanat; respice de so-
lio Maiestatis tue: super me indignum fa-
mulum

mulum tuum, quem inter alia donatua, ad concionandi munus vocare dignatus es: largire mihi Spiritum sapientie & intellectus, qui mentem meam verbo tuo illustret, memoriam ad retinenda eloquia tua roboret, & linguam ad virtuosè & cum energia pronunciandum moderetur, & quæ ad Nominis tui gloriam & eorum qui me hodie audituri conueniunt, salutem dicturus sum, feruenti spiritu proferam, ne aures tantum inani verborum strepitu feriant, sed corda inimicorum Regis, velut acutissimæ sagittæ penetrent, & fructum optatissimum reportent.

- Ecce, Domine Deus meus, hæc mea est intentio: Docebo iniquos vias tuas, & impij
 a Psal. 50 ad te conuertentur a. Non mihi, Domine, non mihi, sed Nomini tuo da gloriam b.
 b Psal. 113 Dispelle à me omnem philautie & cenodoxie spiritum, vt præter te nihil aliud queram: Et dum alijs prædico, ne reprobus efficiar c,
 c 1. Cor. 9 fac vt quod auditores meos doceo, viuus operibus ad eorum exemplum & imitationem ritè exprimam & efformem. Quid enim proderit mihi, si vniuersum mundum lucrer,
 d Matt 16 animæ verò meæ detrimentum patiar d? Absit, ô Domine Deus meus, absit, vt ea proferam, quæ seruare contemniam; absit, ne meam sic

veritas
 sit, vt v
 euada
 verbo,
 onibus
 tur.

Dom
 sanctor
 nibus in
 nere co
 tui fruct
 securi a
 tua Gy
 struam
 tes, ad
 vitam
 dice no
 es bene

P
 C
 Verbi
 lium
 Nam
 qui pl
 Deus.

veritas moueat linguam, vt vitam feriat: ab-
sit, vt verbis mihi ipsi iudex & factis accusator
euadam; sed da, vt fortius opere doceam, quàm
verbo, ne cœleste pabulum culpâ meâ vitiatum
ouibus tuis sine omni profectu frustra propona-
tur.

Domine Iesu, & me & auditores meos,
sanctorum nobis assistentium Angelorum ma-
nibus in sacratissimi Cordis tui benedicti Vul-
nere colloco & repono, vbi ab inimico Verbi
tui fructum gnauiter impedituriente, tuti &
securi degamus, vbi velut in cœlestis Sapientiæ
tuæ Gymnasio in eloquijs tuis sufficienter in-
struamur, tibiq; deinceps fidelissimè seruien-
tes, ad æterna Beatorum consortia, post hanc
vitam dignè recipiamur, à te Salvatore & Iu-
dice nostro, qui cum Patre & Spiritu Sancto
es benedictus in secula, Amen.

POST CONCIONEM.

Commendabis Auditores tuos de-
nuò Christo Saluatori, vt semen
Verbi eius à te iactum in cordibus fide-
lium fructum multum adferre iubeat.
Nam neque qui rigat, est aliquid, neque
qui plantat, sed qui incrementum dat
Deus. Item commenda illos Angelis suis
cu-

custodibus, vt identidem segnes exstiment ad faciendum ea quæ didicerunt, & inimicum prohibeant, ne superfluum erizania, aut bonum semen eradat.

ORATIO.

T Vanos, quæsumus Domine, gratia semper praueniatur, & subsequatur, & bonis operibus iugiter præstet esse intentos.

Largire nobis, quæsumus Domine, semper Spiritum cogitandi, quæ recta sunt, propitius & agendi, vt qui sine te esse non possumus, secundum te viuere valeamus. Per Dominum nostrum Iesum Christum Filium tuum, qui tecum viuit & regnat, in vnitæte Spiritus Sancti Deus, per omnia secula seculorum, Amen.

Scripsit deinde breue compendium eorum omnium, quæ seruatu maximè necessaria sunt Monialibus, & quibus diligenter reipsa præstitis facili methodo possint ad summam perfectionem adspirare: sunt ea valde perfectionis cupidis in eo statu vtilia: quæ ideo ad calcem libri Latio donata reieci, ne narrationis filum interrompam.

Accidit verò frequenter, vt grauibus acutisque morbis Iacobus affligeretur.

Vir-

Virgin
gratifi
delicat
ratos
inspec
stantib
solebat
delicatè
tique ac
heus VV
rat, &
multos
indigen
cibus sa
gnatus
voluit
micis
tæ mie
quend
lato no
bat, vel
Sub
cisioni
maxim
& vari
vt mor
tur, &

Virgines, vt ei quo possent modo suum gratificandi studium declararent, cibos delicatos, exquisitis condimentis apparatus ægro trans mittebant: quibus ille inspectis, ridenti vultu familiaribus adstantibus, vt se magis vinceret, dicere solebat: *Næ illi cibi lautissimi videntur: delicatè parati, conditi optimè: facerent vtrique ad gustum, & stomachum meum: sed heus VVilhelme, is dum ei ab obsequijs erat, ad nosocomium propera: reperies sat multos, qui magis quàm ego talibus delicijs indigent: mihi vulgaris & parabilis adhuc cibis sapit.* Ita nec tactu vel gustatu dignatus lautiora fercula, domo abesse voluit. Solenne hoc illi erat, cùm ab amicis etiam vel Paræcis epulæ conquiritæ mitterentur, plerumque ad ægrum quendam, qui in vico *Sagenbuch* appellato nouem annis affixus lecto decumbebatur, vel ad hospitalia destinare.

Sub idem ferè tempus festo Circumcisionis Domini reuersus, post labores maximos domi pessimè habere cœpit, & varijs iactari, lancinariq; doloribus, vt mortuo quàm viuo similior videretur, & sudor è corpore præsertim è vul-

tu manaret vberimus : depositus ad ignem sex ipsas horas quasi cum morte colluctari videbatur , Medico protinus vocato : sed qui parum leniret tantos doloris aculeos : elapsis sex horis cum paululum remitteret inclementia morbi , gaudere visus est , & ridente facie conuersus ad adstantes , ait : *Quàm bonus est Dominus : ecce quàm hoc die mihi pretiosam strenam offerre dignatus est , ut pariticeps fierem doloris , quem nostrâ causâ pertulit : Interim nullum vel gemitum , vel animi impatientis leuissimum tota ægrotatione signum edidit : immò summis in beneficijs habuit , Circumciso Domino compati : nam si compatimur , & conregnabimus.*

C A P V T XXIX.

Egregia documenta , quæ familiari sacris initiando dedit , & varia eius præclara facta & dicta.

DEbetur hoc Caput & præcedens R. D. Wilhelmo Rœmer Virfensi , Vicario B. Virginis Dolorose in Scheib-
bahn

bahn, inferioris Diœcesis Colonienſis; hunc D. Iacobus, cùm Philippus germanus eius Societatis Ieſu tyrocinium adiſſet, puerum bonâ parentum veniâ Coloniâ An. 1629. euocatum nouem continuis annis domi ſuæ nutriuit, in ſtudijs ſouit & educauit, donec eimenſo curſu Philoſophico paulatim ad ſacros recipiendos Ordines aptus euaderet. Is lectâ eius vitâ, non ſolùm eam ſuo calculo confirmauit; ſed complura deſiderauit in ea, quæ litteris conſignauit, vt infererentur eorum pleraque P. Florentius Carthufianus frater ſuo teſtimonio comprobauit, qui eodem ferè tempore domum Paſtorales incoluit.

Putat D. Wilhelmus Iacobum & innocentiam & caſtitatē illibatâ conſeruaffe: arguimento ei fuit, quòd ita horruerit leuiora peccata, puta mendacium, vt ſap e cùm alios mendacij conuiſtos corripereſet, aſſeueratè diceret: *nunquam ſe auunculo, nunquam ulli Præceptorum impoſuiſſe, nunquam admiſſi in vita mendacij recordari*: itaque domeſticos omnes cupiebat à mendacijs quàm maximè abhorre-
re, dicere ſolitus, *Conſtenti ingenuè cul-*

pam, libenter ignosco, negantem & mentientem ferre prorsus nequeo: In adolescente nihil ita detestor, vt mendacium. Præterea domesticos ad pietatem cum excitaret, sæpe repetebat: Studiosum pium & indoctum longè pluris facio & diligo, quàm doctum & impium.

Cum Aspricollensem peregrinationem circa Annum 1637. vel sequentem obiret, vsus est hoc ipso Wilhelmo comite, qui tria notauit memoriâ digna: primò quoties transibat vel intrabat pagum vel alium locum, Ecclesiam petebat, & Christum in augustissimo Sacramento venerabatur: deinde nunquam in itinere neglexit sacrificium Missæ, superatis omnibus occurrentibus impedimentis, licet aliquando totam horam à via Sacri legendi gratiâ deflectendum esset: tertiò delapsus è curru casu Breuiarium erat & amissum, sub vesperum id primùm aduertit: ilicò Wilhelmum ad domum Pastoris vicini misit, vt aliud commodatò acciperet: sed Curio tunc aberat domo, nec ancilla subministrare poterat: quo comperito vehementer doluit: nec tristitiam celare vultu vel verbis potuit; dicebat enim:

Hæc

Hæc di
regrun
hoc n
num j
lijs p
fectu

Ide
cum n
do ab
præse
tam v
lius A
dies bi
ginita
mulie
suum
phe:
ctum
brieta
paucis
stem e
do per
ritate
ducel
cund
tes oc
quiac

Heu diem hodiernum perdidit, quo non licet integrum pensum horarium persolvere: primum hoc mihi in omni vita contigit, confido & ultimum fore. Compensauit deinde multis alijs precibus hunc inculpatum etiam defectum.

Idem testatur, nec morbi tempore, cum niti pedibus potuit, à Sacro faciendo abstinuisse: sed foribus clausis solo præsente ministro factitasse, ne vlllo se die tam vberi fonte gratiæ spoliaret; vt melius Angelicam seruaret castitatem, ac indies biberet *Vinum germinans Virgines*: virginitatis etiam amore, nullius utebatur mulieris familiaritate, nullam in cubile suum admittebat, præfixâ ei hâc epigraphæ: *Mulierum pedes huc non intrant*: lectum sibi ipsi sternere solitus erat. Sobrietatem vehementer amauit, vilibus & paucis contentus cibus, horrebat vt pestem ebrietatem: ideo è conuiujs, quando per honestatem & inuitantium auctoritatem abesse non licebat, maturè se subducebat. Contigit aliquando, cum ad secundum missum poculis certare præsentes occiperent, ipse Wilhelmo monito, qui aderat: *Heus*, ait, *arripe pallium*, fu-

giamus hinc. Nec tunc quidem salutaris hospite inde se proripuit, malebat enim inciuilitatis argui, quàm sobrietatis miniam iacturam facere. Eundem D. Wilhelmum iam initiatum Sacerdotio documentis saluberrimis instituit, vt tali statui congruentem vitam degeret.

Principio monebat, vt indies Sacerdotalis Ordinis dignitatem, finem, obligationemq; diligenter expendere.

2. Vt, quæ muneris impositi magnitudo requirit, seruaret accuratè.

3. Sciret creatum se, vt soli Deo seruiret, caueret igitur sedulò, ne diuinam Maiestatem vnquam peccato grauiore offenderet.

3. Sic vitam institueret, vt quotidie dignè Sacris operaretur: nec ab ea pia consuetudine deduci se vnquam pateretur.

4. Caueret sacrum Missæ officium obiter & perfunctoriè dicere: vitaret in eam nimiam celeritatem, quàm tarditatem, modum seruaret propriæ pietati, & acceptæ instructioni à se congruum.

6. Horarum recitationem nunquam negligeret, in eam tedium fastidiumq; vitaret, sciretq; ob earum omissionem vi-

ros magnæ dignitatis statim in enormia prolapsos esse scēlera : crederet sibi experto quibusdam sibi notis vnicam fuisse ad ruinam viam officij diuini neglectionem.

7. Scopulum Ecclesiasticorum ebrietatem fugeret, sectaretur sobrietatem.

8. Mulierum consortia sollicitè deuittaret : nec in familiam suam vllam, nisi fortè sororem adscisceret : id si fieri nequiret, suadebat solus vt habitaret.

9. Pauperibus pro viribus conaretur subuenire ; alios etiam, quibus posset modis, ad eleemosynæ largitionem inuitaret.

10. Ante Sacrum diligenter examinaret conscientiam : illud summo perè cauendo, ne peccati mortalis reus diuina tractaret mysteria, vitaret illiberalem & mercenarium animum eorum, qui sordidi quæstus gratia, solo inuitati stipendio tremenda Sacra peragunt : fugeret etiam eorum morem, quorum nimiam deplorabat multitudinem, qui nulla præuia animi præparatione, sola consuetudine ducti, Sacrum legunt : quin potius antè, quid acturus esset, expenderet sedulo : tum ageret, quod agit.

11. Sanctissimam Dei Genitricem Virginem Mariam quotidie præcipuo affectu ac pietate coleret, eiusdem laudes ac præconia: quoties posset, prædicaret, captaret occasionem alios ad cultum Dei paræ inflammandi, & in ritu ac modo colendi diligenter instrueret.

12. Detestaretur auaritiam, & nimiam habendi cupiditatem: seruaret Scripturæ monitum: *Beatius est dare, quàm accipere.*

13. Denique iubebat eum his similia colligere & adnotare, quæ vtilia & necessaria viderentur ad Sacerdotalem statum: iuxta scopum & obligationem eius piè dignèq; transigendum.

Hisce monitis pium formabat Sacerdotem; quæ magis è spiritu suo & propriâ viuendi ratione ac experienciâ, quàm libris hauriebat: nec desinebat alios, quos poterat, ad viuendum statui suo conuenienter excitare: proprium enim est viro-
rum Dei amantium, non propriâ perfectione contentos esse, nisi alios etiam ad amorem Dei salutisq; curam pellexerint. Et sanè, si vnique Deus mandauit de proximo suo, quanto magis de familiari-
bus

bus & domesticis suis? Si quis autem, ait
Apostolus, suorum & maxime domestico-
rum curam non habet, fidem negavit, & est
infideli deterior. Itaque sicut fratres ad sta-
tum Religiosum, sic hunc familiarem
suum annis novem ad Ecclesiasticum sta-
tum imbuir.

C A P I T U L U M XXX.

Lucta cum Dæmone diuturna & victrix.

VT coronaret Patriarcham Iacobum
Deus, & nomen Israël imponeret,
certamen forte dedit, ut vinceret, non oc-
cumberet; luctatus enim cum Angelo vi-
cit, & gratiâ cœlesti copiosiore donatus,
deinceps nec Fratris iram, nec hominis
pertimuit potentiam. Ita diuina maiestas
etiam forte certamen cum Dæmone Iaco-
bo nostro permisit, ut vinceret, & deinceps
Deo nixus, nullam in Dei causâ me-
tueret, hominis cuiusvis excellentiam.
Non poterat humani generis hostis iura-
tissimus ferre fructum, quem in lucran-
dis animabus, & è servitute Diabolica
vindican-
dis Iacobus proferebat; ita saga-
rum operâ maleficium illi sæpius intenta-
uit, quod diuina clementia sic auertit qui-

dem, vt tamen permetteret virtutis exer-
cendæ gratia Dæmoni potestatem, vt ter-
gum vigilantis & sentientis (quod Con-
fessario nonnunquam retulit) affiliret, &
quali calcibus premeret; sic vt dolore
non modico fatigaret, idque non domi-
tantum, sed etiam alibi in templo, vel cùm
Sacris operaretur: quamuis non expau-
sceret animo: sed leonina fortitudine di-
uino fretus auxilio, ridere solitus paula-
tim sit imbellis belluæ truces minas, vrge-
re cùm S. Antonio pergeret, tantum saui-
re dentibus, ferocire calcibus, quantum
Deus annueret, promptum ad vulnera
dorsum offerebat. Et maleficarum qui-
dem cogitatas & structas insidias Dæ-
mon sacris carminibus adiuratus con-
fessus est; vt ipse his verbis adnotauit:
*Anno 1627. 8. Februarij adfui energumena
Magdalena vbi ex confessione Dæmonis intel-
lexi, me quoque petiariibus malignis sagarum,
& aliquoties mihi intentatum maleficium
à quadam postea de crimine magiæ conuicta
plurimis indicijs, & publicè combusta. Sed
Deo semper ipsius conatus irritante, pro quo
sit ipse benedictus in seculum, sensi quidem ego
longo tempore durante exorcisatione molestum.*
& in-

& infestum mihi Dæmonem : sed in ipso loco exorcizationis, & sub exorcismis tantum. Sed eidem molestia alibi quoque postmodum obnoxius esse cœpi, primum quidem in templo; deinde quoque domi mea, primum quidem 28. Ianuarij sensi me tentari insidijs Dæmonis sub vespertinis precibus, à quo tempore hucusque nullus dies cessit immunis ab illis vexationibus externis, partim sub sacro Missæ officio partim ante Reliquias SS. Regum, maxime verò sub nocte. Diabolus quidem die octavo Februarij confessus est, vt supra ex pacto Sage, Dæmonem in me immittendum fuisse: sed Deum obstitisse, hoc tamen permisisse, vt aliquamdiu tentarer. O quàm bonus & fidelis Deus, qui non patitur hominem tentari supra id, quod potest, sed facit etiam cum tentatione prouentum. Vt verò se melius contra tantas hostis tartarei insidias communiret, illam exercituum aciem ordinatam Dei Genitricem Mariam voto peculiari delegit huius belli Ducem, & eius rei gratiâ ne tali in prælio succumberet, Aspricollensem vouit peregrinationem, vt ipse litteris consignauit: 5. Februarij feci votum Deo & B. Virgini Patronæ nostræ de instituenda

Vouet peregrinationem
Aspricollensem

peregrinatione ad templum & locum D. Vir-
gini sacrum in Monte acuto, prima occasione,
qua id pervires, & Parochia curam, & viæ
opportunitatem licebit, utinam Deus per Bea-
tissimam Matrem suam conterat etiamnum
caput Serpentis antiqui, ne suis insidijs aut
mihi, aut ulli Christiano perniciem seu cor-
poris seu animi adferat.

Circa Annum 1637. vel sequentem
votivam foeliciter confecit peregrinatio-
nem, & in reditu Marcoduri secessu octi-
duano mentem exercitijs asceticis S. Igna-
tij diligenter expoliuit, factus ad pu-
gnam vegetior & animosior, ut hostem
ultrò lacefferet diuino Numine confir-
matus, &c.

C A P V T XXXI.

*Amor & fiducia in Deum, eiusq; cum diuinæ
voluntate conformatio.*

IAm à puero mentem à rerum creatu-
rum amore traduxerat, ad Deum sum-
mum bonum suum medullitus comple-
ctendum: & quidquid illi Maiestati no-
uerat placere, statui suo conforme virili-
ter exequendum. Hinc uti castitatem vo-
to consecraret, ita paratus, vigilans, com-
positus.

positus semper erat, ad Angelicam hanc
 virtutem amore Dei integram & inuiol-
 latam contra quæuis carnis inuitamenta,
 vel Dæmonis insidias custodiendam, vt
 vno plenoq; aluco, cordis amor in Deum
 solum deflueret: huc omnia cogitata, de-
 sideria, verba, scripta & quæuis opera spe-
 ctabant; huc recollectiones horariæ, pre-
 ces studijs, & cuius operi præmissæ, tot
 adspirationes sub cantu diuinorum offi-
 ciorum adhibitæ, vel inter studendum,
 vespendum, agendum cum proximis, fa-
 miliares & vsitatæ referebantur, à quibus
 ignis amoris diuini continuò fovebatur:
 hinc pactum cum Deo quotidie sancie-
 bat manè, quoties æris campani signum
 audiret, vel cælum suspiceret, toties
 Deo se rursus consecrabat, & omnes a-
 ctus virtutum heroicos manè elicitos re-
 nouabat. Et sanè parum ei videbatur,
 vno corde Deum amare: proximo cui-
 que, cum res & tempus ferret, de Deo di-
 uinisq; rebus semper loquebatur, vt eo-
 rum pariter cordibus & linguis eundem
 diligeret, & laudibus exornaret: parum
 videbatur, præsentibus & vnius vrbs in-
 colis loqui, nisi vulgatis libris orbi toti,

posterisque, venturis etiam sæculis idem prædicaret: unde libri eius omnes hunc amoris diuini ardorem ubique insinuant, & legentibus inculcant.

*Fiducia
in arduis.*

Amor diuinus, Deiq; perspecta semper præsentia fiduciam generabat, quæ dum ardua Dei causâ suscipienda viderentur, diuino fretus auxilio fortiter aggrediretur, vrgeret constanter: nec desisteret antè, quàm ad exitum perduxisset, nec hic hominum offensam, iudicia, contemptumve verebatur, aut quidquam huiusmodi, vel vllius potentiam pertimescendam esse iudicabat: nam qui iam ipsis Dæmonibus fortior eos in certamen laceſſebat, nihil humanum, vel creatum formidabat, experienciâ doctus à diuina prouidentia res suas paternè gubernari, ad virtutis augmentum & Dei gloriam auctiorem expertus: etiam quoties vires deficerent humanæ, præsens & diuinum auxilium subuenire, nihilque spe & summâ in Deum conceptâ fiduciâ potentiùs ad quiduis in Dei causa feliciter perficiendum.

*Resignatio
in aduersis.*

Quòd si tamen euentus aliquando falleret expectationem, id etiam vt diu-

no Numini gratius libenter amplectebatur. Fructu carebat obiurgatio proximi, nec spes affulgebat emendationis, morborum acrimonia vim eludebat medicam, calamitatum tempestates magis magisque sæuebant, his & similibus inuentibus re Domino Patronisque suis diligenter commendatâ, suam ad diuinam accommodabat voluntatem: id enim rectius & melius sibi, suisque rebus esse nouerat, quod licet proprijs aduersum desiderijs, æternis & diuinis magis decretis vel permissioni congrueret. Hinc animi perpetua constansque pax & lætitia, quam nullæ res humanæ conuellerent, idem semper vultus in prosperis & aduersis; nam perpensis omnibus in vna Dei voluntate & amore quasi centro placidissime quiescebat.

C A P V T XXXII.

*S. Bernardi Opera magno studio
illustrat.*

Post Deum, Deiparam Virginem Mariam, cuius honori dicatâ Parochiam *Deipara cultus.*
ad-

administrabat, præcipuo cultu venerabatur. Sodales Ecclesiasticos aliosq; ad eius amorem, honorem & reuerentiam, verbo; mundum vniuersum varijs libellis & quæsitis occasionebus ardentè excitauit: ad eam in angustijs vt Matrem fidenter confugiebat, & vota sat crebra coram ipsa nuncupare solitus est: Aspericollensem etiam peregrinationem perdifficilem eius amore magnâ virtutum accessione fœliciter confecit. Hunc affectum mirificè S. Bernardi scripta nutriebant. Nam licet SS. Patres omnes suspiceret, & eorum monumenta diligenter euolueret: vnus tamen in cæteris Bernardus primatum obtinebat, huius spiritu capiebatur vnicè, quem tota mente combibere, factis exprimere, scriptis imitari, nimium quantum geliebatur.

*Auctus
lectiones
Bernardi*

*quem v-
nicè dili-
gebat:*

Huius vt operibus lucem afferret, genuina à spurijs secerneret, noua hætenus inedita donaret publico, lectorem ad eius amorem, cultum & imitationem prouocaret, omnem mouit lapidem. Sub initium suscepti laboris multa retardabant conatum, & à proposito velut iniectâ manu reuocabant: aduersa valetudo, difficul-

*Difficul-
tates in eo
illustrandis*

ficulta
ptuun
mitte
ditis
tem a
se reli
ficien
iam o
tur r
confu
siaz t
ter,
valetu
ces,
Conf
dege
ascen
mun
rit M
diu d
blioth
mult
etian
legiu
nien
biard
men

ficultas incepti operis, magnitudo sum-
 ptuum in colligendis, describendis, trans-
 mittendis è varijs orbis partibus eius ine-
 ditis opusculis: tantum absuit, vt men-
 tem ab instituto deiecerint, vt etiam voti
 se religione obstrinxerit maturandi, per-
 ficiendiq; propositi. Plures in adornando
 iam opere sub manum remore nasceban-
 tur: at ille Dei nixus auxilio, Patroni sui
 confusus patrocinio; iniquissimo rei libra-
 riæ tempore Francofurtense suscepit i-
 ter, non sine vitæ periculo, vel aduersæ
 valetudinis incremento, perrumpit obi-
 ces, & in ipso quidem itinere, cū ad
 Confluentinum Collegium, vbi frater
 degebat, diuerteret, & octo circiter dies
 asceticis S. Ignatij meditationibus ani-
 mum excoleret, ibidem complura repe-
 rit M. S. S. Melliflui Doctoris Opuscula
 diu desiderata. Deinde ex Oxoniensi Bi-
 bliotheca hæreticorum etiam studio per-
 multa submissa sunt subsidia, complura
 etiam Dominus Ioannes Kinchius, Col-
 legium Societatis Iesu, Carthusia Colo-
 niensis, & Cisterciensis Ordinis Cæno-
 biarchæ submiserunt adiumenta & orna-
 menta: dixisses ei quasi diuinâ virgulâ
 ple-

*perrumpit
 feliciter.*

*Dei pro-
 uidentia
 nixus.*

pleraque subministrata, quoties humana deficerent præsidia. Impresso & vulgato iam Opere sumptibus prædicti D. Ioannis Kinchij, mirificæ laudes eius, de Francia, Belgio, Germania, & Doctissimorum Virorum gratulationes adferebantur: ijs parum affici se litteris testabatur, gaudebat verò Cisterciensis Ordinis eruditissimum Abbatem animum adiecisse ad Opus inchoatum omnibus numeris absoluendum: ad quod etiam scriptis litteris eundem est cohortatus: iuvat hac super re fragmentum Iacobi responsoriarum litterarum excerpere ad Amicum admiratorem, & Encomiasten Operis.

In Bernardo meo conatum æstimari fortè patiar: sed quam in multis illic defuisse vires expertus sum, & ingenij & eruditionis? ad id quidem Operis melliflui me Doctoris amor impulit, amor, inquam, nesciens librare vires: ideoq; audacior, quàm par est, & maiora de se præsumens, quàm reipsa valeat. Gaudebo, si quis aptior defectum meum suppleat, & iam id moliri alium intelligo. Virum vndequaque Doctissimum è Ci-

è Cisterciensi Familia, Hispanum, Doctorem
 Theologum, nunc in Belgio agentem: &
 is quidem gratulatus est mihi prolixè & per-
 humaniter litteris, etiam nunc palam edi-
 tis ob nouam Operum S. Bernardi editionem:
 sed & vnà noui Operis Ideam methodumq;
 perscripsit, & iam specimen quoddam in v-
 no S. Bernardi Tractatu separatim edito de-
 dit, mirum scilicet & magnum omnis litte-
 raturæ tum Philosophicæ, tum Theologicæ
 apparatus ille conuehit, & in vno Ber-
 nardo iustam nobis bibliothecam dabit. Hor-
 tatus sum virum alacriter pergere in cæpto o-
 pere, adeo non refragabor nos ambos in eo-
 dem mustasco laureolam querere.

Similes Commentarios in S. Grego-
 rium meditabatur, huc moralia tanti
 Doctoris ipsum rapiebant, & pastoralis
 muneris exquisita documenta: sed mors
 pios conatus interceptit.

Addamus quorundam præsertim ex
 Ordine Cisterciensi Abbatum litteras,
 quibus Operis & Auctoris commendatio
 non vulgaris continetur.

Præ-

Primæ Parisijs, nomine totius Ordinis
 ab Abbate de Precibus, his verbis exarata:
Quem vestra Dominatio Bernardum nuper e-
didit, ita sanum & castigatum, tam auctum
at felici ordine digestum accepimus, vt penè
non idem, qui vulgò teritur, sed alius planè
Bernardus videri possit. In quo sanè vulgando,
cùm multum publicæ vtilitati, tum imprimis
nostro Cistercio contulisse plurimum nemo sa-
nus non iudicet. Quare in manus nostras sta-
xim vt diuinum opus, quasi diuinitus & prater
spem incidit, Dominationi vestræ, quam since-
ra iam mentis etiam absentem complectimur,
presentem verò osculamur in Bernardo, vnus
ego omnium nomine scripto qualicunque gra-
tulari me debere sensi, vnâq; testari, quantum
totum Cistercium suæ in ipsum pietati ac stu-
dio se deuinctum intelligat. Quam grati ani-
mi mei significationem cùm aliud, quod possim
referre, non habeam, quæso non dedignetur.
Vnum insuper rogatum velim, vt si mentem
nostram de Bernardo suo hic in Gallijs prelo ite-
rum subiiciendo non improbat, si quid in eo sibi
mutandum, si quid addendum, aut etiam de-
strahendum visum fuerit, ad me transmitti cu-
ret, mentem certè non improbat, cùm satis
agnoscat, quantum nobis hic eius labor prodesse
pote-

poterit: quibus etiam sumptibus huc è Germania, ubi prodire, comportari alias, quantum necesse sit, exemplaria queant. Pergat porro vestra Dominatio, vt cœpit de nostra Cisterciensi, imò totius Ecclesie republica bene mereri, & quam nobis spem fecit, aliquorum adhuc si daretur emittendorum à se operum, ne quæso succidat: maximè verò, quia vereri se ait, ne falcem mittere in alienam messem videatur, si Magno exordio, seu Viris Illustribus Ordinis nostri, quos se penes esse ait, manum admoueat, oramus impensius, vt posito scrupulo suam iterum operam huic operi tribuat, quod quis nobis inuideat, cuius vel vnum manuscriptum exemplar (lucem enim, quòd sciam, non vidit adhuc) nescio an nostra Gallia exhibere possit? adeo semper nobiscum iniquè cùm Hæreticorum rabies, tum bellorum egere tumultus; quod si Dominatio vestra prabuerit, totum quantum est Cistercium, meq; imprimis magis magisq; demerebitur: interim in Christo valeat. Lutetie Parisiorum 28. Octobr. An. salutis 1642.

Dominationis vestre

*Obsequentissimus seruus
Frater Ioannes
Abbas de Precibus.*

Littera
Ioannis
Cara-
muelis.

Alteras dedit eiusdem Ordinis lumen
ætate nostra clarissimum Ioannes Cara-
muel Lobkovvitz Melrosæ Abbas Loua-
nio 8. Cal. April. Ann. 1643. qui pridem
maius opus ad illustranda S. Bernardi scri-
pta molitus erat, vnde Iacobo prodromo
gratulatur, his verbis Operis editionem:
Ante annum tibi scripseram. sapientissime Vir:
sed vi intelligo, perierunt litteræ incuriâ verē-
darij, copiam adiungo, vt scias tuum me nomen
à longo tempore suspexisse & amasse. Desidera-
bam Bernardi tui dispositionem & argumen-
tum internoscere; sed antequam id ipsum à te
discerem. Opus prodijt. & mea expectationi sa-
tisfecit. O vt inam cognoscere velint Cisterciē-
ses Antissites quantum debeant tanti Auctoris
tanto reſtitutori! at si nolint ipsi. maſte animo
Vir generose, Bernardo collaboraſti, ipse tibi
mercedem & laboris immenſi premium impe-
trabit diuinitus & humanitus. Amici aderimus,
vt tibi æternū obligati ſeruiamus. Inſudaſti
illuſtrando Bernardo, ipſiq; recognoscendo &
illuſtrando inſudo: me tuis laboribus adiutum
proſiteor, & Ordini Cisterciēſi applaudo.
Subijcit ideam Operis ſui, & concludit:
Interim ſiquidem in eodem ſtadio, & ſub eodem
Principe meremur, communes curas & vigilas
gera-

geram
tuis lab
qualen
dioſan
Bernar
brabit
Vale, L

ES
opus
tum e
Etobr
cordat
operis
id ſun
tualis
Benea
ti diui
ad plur
ipſum
turum
me

geramus. Tibi præcursori congratulor, & dum
tuis laboribus perfruor, mei ingenij partum
qualemcumq; patienter expecta, & meam stu-
diosam diligentiam Deo Opt. Max. nec non
Bernardo nostro, de quo te benemeritum cele-
brabit posteritas, in tuis Sacrificijs commenda.
Vale, Louanij 8. Cal. April. An. 1643.

Ioannes Caramuel Lobkovritx

Melrosæ Abbas.

E Societate Iesu complures datis literis P. Ioannis
opus commendarunt: sufficiat fragmen- Bollandi
iudicium
tum epistolæ R. P. Ioannis Bollandi 2. O-
ctobr. Ann. 1642. scriptæ decerpere: Dico
cordatè & fucio omni procul, non primo solum
operis aspectu exsilijsse mihi cor: sed & quoties
id sumo in manus, gestire nescio quo sensu spiri-
tualis letitiæ, idem pios omnes experiri puto.
Benedictus Deus, qui quæ olim Sancto suo Clie-
nti diuinitus instillauit, ea vt rursus D. V. studio
ad plurium vtilitatem purius fluerent, effecit,
ipsum Sanctum peculiari suo studio remunera-
turum esse laborem, vt quæ olim ille scripsit,
mellicæ spiritus voluptati accommodatæ,
ea in se experiatur. Vtinam plures
prouocentur exemplo, & cete-
rorum opera Patrum
ita illustrent!

C A P V T XXXIII.

*Familiaritas pia & sancta cum Illustrissimo
Domino Nuncio Apostolico Fabio Chisio
Episcopo Neritonensi.*

*Occasio
familia-
ritatis.*

Utilitas.

SERò nimis coaluit ista necessitudo, summaq; animorum coniunctio Illustrissimi Fabij Chisij cum Iacobo, nec nisi postremo vitæ anno, quæ consuetudine sic aucta fuit, vt nihil esset ista familiaritate coniunctius. Inciderat eruditissimus Præsul in Paradisum animæ Christianæ, quo per quinquennium vsus assidue: spiritus & pietas Libelli, Scriptoris amorem mouit, eiusq; cognoscendi desiderium. Nescio qua verecundia, latendi cupidior, quàm inclarescendi, vix amicorum hortatu Iacobus adduci potuerit, vt tanti nominis Præsulem conueniret. Primus statim congressus amicitiam peperit, quam morum, spiritusq; similitudo sic auxit, vt vnus amborum idemq; videretur animus, vna voluntas. Crebra exinde librorum & officiorum communicatio, frequentiora colloquia de pijs & eruditis rebus, quibus ita proficere se Iacobus sentiebat, vt etiam venerit in delibera-

berationem , an non fouendo spiritui suo & virtuti confirmandæ congruum esset , Præsulem in Italiam sequi , & ab obsequijs esse : plurimum enim existimabat conuietum assiduum , & colloquia tam sancta genio suo apta & conuenientia collatura ad virtutis stabilitatem & incrementum.

Vix Sanctissimi D. N. Urbani mandato Illustrissimus Nuncius Colonia discesserat pacis sancientiæ gratiâ , cùm deterrius habere cœpit Iacobus , & acutissimo pleuritidis dolore lancinari ; maximo morbi leuamento fuerunt Illustrissimi Nuncij litteræ , quibus & suum aduentum ad locum tractandæ pacis explicabat , & pro suo Crucis Christi imitandæ desiderio dolenter querebatur , se dignum non esse habitum , qui aliquid in itinere pro Dei gloriâ pateretur , cùm tamen non defuisset exercitiæ patientiæ seges , dum esuriali & hyberno tempore per altas niues , fluuios & paludosa loca rhedâ difficulter cum socijs veheretur , vt aquarum exundantia currum & vectorum talos humectaret.

G

Hic

Hic æger animo confundi, quòd pretium morbi, Crucisq; Dominicæ præstantiam & decus sublimissimum non satis hætenus ponderasset, ideo gaudere se deinceps monstravit, quòd dignus eo fuisset honore à Christo iudicatus, qui Passionis Dominicæ tempore, particulam Crucis Dominicæ sustineret.

*Patientia
ex literis
cōfirmata*

Postea per amici communis literas Iacobus Illustrissimum Nuncium & salutavit, & Episcopalem petijt benedictionem. Indoluit vehementer Legatus, comperta inualetudine, quæ diuortium factura metuebatur, tam piæ doctæque consuetudinis & familiaritatis, quàm in impari gradu dignitatis spiritus idem, paribus moribus, studijs, vita & virtute animabat, ita perhūmaniter salutato per R.P. Franciscum van der Veken Societatis Iesu Doctorem & Professorem Theologiæ D. Iacobo benedixit, non sine rubore ægri, quòd tantus Præsul sui tam indigni & vilis, vt aiebat, homuncionis meminisset. Exinde litteris ostiduanis Legatus Apostolicus statum ægri peruestigauit, cognitaq; morte, funebre peregit Sacrum, multumq; laboravit, vt vi-

*Amor Le
gati in
mortuū.*

ta

ta literis consignaretur, & pro suo in Virum amore, Diurnale & Decadem, quibus vsus, Tabellam, qua preces, quibus assidue per diem utebatur, manu sua inscripserat, ac funiculos nodosos, quibus se verberare consueuerat, seruare voluit, tesseram amoris & sanctæ coniunctionis.

C A P V T XXXIV.

Cura agrorum & morientium, morbum & mortem ei accelerat.

Maiorem charitatem nemo habet, quàm Ioan. 15. vt animam suam ponat quis pro amicis suis: & hoc certum ac euidentis optimi Pastoris argumentum, animam ponere pro ouibus suis. In hoc cognouimus, ait S. Ioannes, charitatem Dei, quoniam ille animam suam pro nobis posuit, & nos debemus pro fratribus animas ponere. Itaque nihil antiquius habuit, vt erat Iacobus Pastor vigilantissimus, quàm vt ægros Parœciæ cognosceret, & studijs alijsq; quibuscunque rebus sepositis inuiseret, admoneret officij Christiani, consolaretur mœstos, & Sacramentis vltimis ad supremam luctam præmuniret; egentibus autem pecuniario

*Æger totis
noctibus
adest agris*

*Morientibus cur
adstaret
placenter*

*Occasio
morbi.*

subsidio subueniret. Hic iterum qui temporis parcissimus erat, non horas supputabat, dies integros vel noctes, cum necessitas vrgeret vel æger flagitaret, traducebat: saepe cum ipse debilis magnis doloribus affligeretur, sui, somniq; oblitus, noctes integras perdurabat: licet aduerteret periculosos & contagiosos morbis imbecillem valetudinem grauiter affici, tentariq; nihili tamen id pendeat, quod gloriosissimum æstimaret tam pijs occupationibus immori. Morientibus verò hoc adstabat libentiùs, quòd maior animæ necessitas vrgeret, periculosior instaret Dæmonis tentatio, adeoque charitas maior præstaretur, & beneficium excellentius: quæ causa morbum & mortem ei videtur attulisse.

Cum enim Anno 1644. quidam quadragenarij ieiunij tempore morbum insanabilem incurrisset, eiq; paulatim intestina putrescerent, vt viuum & spirans cadauer aliquot diebus intolerabilem adstantibus mephitim afflaret, essetq; æger excellenti virtute ac pietate & incredibili patientia vir, quam nulli morborum acutissimorum cruciatus labefacerent: Ideo

Ideo
monit
à later
tur: i
cho t
mani

C
tioner
mant
remo
in ad
tis n
cum
sibi n
dum
& si
ritu
cent
mòr
ple
ris

Ideo Iacobus noctes & dies adstitit, sermonibus sacris fouit & confirmauit, vt à latere suo æger vix eum diuelli patere-^{ex agri} tur: ita diebus esurialibus, ieiuno stoma-^{crebra vi} cho tabem hausit, quæ die Iouis Sancto ^{sitationis.} manifestius prodijt.

C A P V T XXXV.

Incrementa morbi, & singularis patientia.

CVm iustus in principio accusator sit sui, *Humili-*
ideo peccatis suis adscripsit ægrota-^{tas initis} tionem, & correptionem vt patris a. ^{ægrota-}
mantissimi suscepit, ac licet eo tempo-^{tionis.} re molestum videri posset, Parochianis in administrandis Paschalibus Sacramentis non adesse: libenter tamen suam cum diuina conformauit voluntatem, sibi non parum in hoc gratulatus, quòd dum Ecclesia Christi cruciatus recolit, & fideles omnes exoptat pœnitentium ritu publicè testari, Christum innocentem peccatis nostris pœnas debitas morte Crucis expiassè, mereretur & ipse Saluatori nostro toleratis corporis doloribus, & interiore tristitia

150. *Idea p̃ij Sacerdotis*

mentis assimilari : secum verò nimis cle-
menter agi, dicere solebat, cui minima
tantum guttula propinaretur, cum Chri-
stus totum fellis & absynthij calicem ad-
fæces vsque exhauriret.

*Collo-
quia pia.*

Die Veneris Sancto binas circiter ho-
ras cum Confessario iucundissimè diuinis
de rebus sermocinatus, dolebat quidem
non licere pro more & lege, quam sibi tu-
lerat, cum cilicio & ieiunio in noctem vs-
que protracto, viam obire Romanam
præcipuis Urbis Ecclesijs visitatis : ite-
rum voluntate pro re Deo consecrata, e-
ius se totum subiecit arbitrio. Postridie
pleuritis accessit, nec sola; sed capitis do-
lere, tussi, febrîq; stipata.

Tunc laterum aculeatissimæ lancina-
tiones, perforatarum Christi manuum &
pedum dolores exhibebant: aberat in istis
cruciatibus gemitus : intercalarem sæpe
versum iterabat: *Adde Domine dolores, auge
patientiam.*

*Morbi sui
ma incle-
mētia die
Raschatis*

Ipso Resurrectionis Dominicę die ma-
nè sic aucta mali violentia, vt vsum lo-
quendi sat diu sustulerit, ac licet dolores
laterum continuò pungerent, tussis affli-
geret, facultas exscreandi sputi defecisset.

vt

ut cumulus malorum accederet, qui defectum viribus iuaret, aderat nemo: quo sic Christo in Crucem acto similior euaderet, pariter ab omnibus derelicto. Sed à meridie non nihil remisit dolor, & inclementia morbi, sic ut more suo recepto loquendi usu iucundè pijs de rebus differeret, optimè morbi molestijs & Dei voluntate contentus, nihil ut his melius quæreret. Sed cùm medicus vterque corporis & animi lectionem Horarum Canoniarum in grauissimis doloribus interdicerent, nihilominus ad colloquutionem ægrum inuitarent, festiuè more suo reposuit: *Cum hominibus loqui me vultis, & cur cum Deo prohibetis?* Perstantibus in sententia, morbiq; incrementum ob nimiam precantis contentionem obtendentibus, morem gessit, decademq; Deiparæ Virginis exinde digitis versare cœpit, nec vnamquam ferè deposuit. Ei nummisma transfigurationem Dominicam altera sui parte referens, appensum erat, quam cùm solus degeret, speculabatur, & pios ad Deum gemitus, ad adstantes salutaria colloquia conabatur elicere, nec de morbo dubitabat dicere: *Bonum est nos hic esse,*

*Studium
lectionum
Horarum.*

Obedientia.

Deum enim afflictis proximum sentiebat, qui promisit, cum ipso sum in tribulatione, eripiam eum & glorificabo eum.

C A P V T XXXVI.

Morbo nonnihil remittente votum concipit

S. Caroli Borromæi vitam illustrandi.

*Remittit
infirmi-
tas.*

Octauus morbi dies, qui erat dies Iouis Paschæ, crisin ostendit iudicio medici bonam & salutarem: nam sudore sponte promanante e corpore, febris remisit, laterū aculei hebetati, tussis rarior, dolores capitis leuiore videbantur, licet cibi fastidium, & virium imbecillitas periculum non abesse satis indicarent. Nocte quadam somnum solito ceperat arctiorem: excitatus animum sensit in S. Caroli Borromæi cultum rapi vehementiùs, & quia diuinitus moneri se credebat, vt eum sibi Patronum adoptaret: deliberauit, quā posset ratione sibi faciliùs eiusdem patrocinium demereri; succurrit, si sanitati restitutus, primo quod aditurus esset opere, eundem exemplar proponeret omnibus Ecclesiasticis, quod numeris omnibus absolutū intuerentur sæpiùs & imitarentur. Id se consecuturū sperabat, si vitam S. Ca-

*S. Caroli
Patronū
eligit.*

roli n
& vo
con
men
Cofe
pertū
giū vi
cuper
datas
Ad
Italic
riū ope
rētur.
(quāC
famili
deinde
rissim
mend
& Eco
diurna
virtute
diuini
rem a
ac tor
virtut
tam v
mit, v

roli notis illustratâ publico donaret: mox & voti se religione obligauit, vt primum conlansceret, se vitam eiusdem cum cōmentario literis consignaturum, idem Cōfessario venienti statim indicauit. Repertū post mortem in chartis eius est elo-
giū vitę Caroline, quasq; vehementer ipse cuperet virtutes ex ea Clericis esse cōmen-
datas; & quid pararet scribere his verbis:

*Acta illa (S. Caroli) maiori ex parte exstant Italicè, optandum videretur, vt periti interpre-
tis operâ ad totius Ecclesię vsum Latinè loque-
rētur. Interim vitam eiusdē sanctissimi Præsulis
(quā Carolus à Basilica Petri eiusdem Cardinalis
familiaris & arcanorū consiliorum particeps, ac
deinde Episcopus Nouariensis elegātī sanè & pu-
rissimo stylo fideliter & egregiè scripsit) satis cō-
mendare nequeo: dignissima est, quam Præsules
& Ecclesiastici nocturna versent manu atque
diurna. Omnes in ista Hierarcha maioris partes
virtutes ac dotes zelum maximè ac studium
diuini hōnoris & alienę salutis, quo ad stupo-
rem arsit, odium sui, sobrietatem, modestiam,
ac totius vitę rigorem, ac omnes boni Præsulis
virtutes ac officia tam accuratè prosequitur,
tam viuīs omnia coloribus tam solerter expri-
mit, vt ipsum nobis Carolum viuū & in omni-*

*Vouit vñ.
ta eius il-
lustratio-
nem.*

bus officij Episcopalis muneribus strenuè agentem, quasi presentem representet. itaque delectat, flectit, & trahit lectorem suum, vt. coram cernere potius, quàm legere videaris: adeoq̃ non immeritò, qui vitam vertit Germanicè ex Italico, Coronam Prælatorum inscripserit. Felicem sanè dixerim Carolum illum, tum quòd ijs donis & charismatibus eum diuina benedictio repleuerit, tum quòd talem vita & virtutum. Scriptorem nactus, efficaciter etiamnum vt virtutum exemplar posteros quoque ad sui imitationem excitet.

Hanc itaque vitam. (adde & aliorum SS. Præsulum) tanto profuerit legere diligentius, quo efficacius ad virtutem mouemur exemplis quàm monitis; hæc enim ducunt, illa trahunt. Verùm labor ille, quod doleo, rarus est, & vix separatus exstat in Germania. Itaque vti animum ita manum ego apponam, & commodiori ordine in capita digestum, & adnotationibus illustratum edere statui.

Ex superioribus etiam nonnulla separatim denuò edi. quadam in fasciculum colligi, & prælo committi iudicarem expediens, si alij idem iudicarint. Et ego istam operam & industriam offero, tam cupio Ecclesiastica discipline consultum, vtinam votis annuat Deus, & summos

*Ecclesie Prasules, quorum interest, efficaciter
excitet. Hæc ipse.*

Ita viuens & moriens hoc vnum animo
calamoque spectabat, vt vires suas omnes
reliquas detereret in talibus lucubratio-
nibus, quibus Dei gloria, proximique salus
promoueretur, & potissimum Ecclesia-
sticæ disciplinæ consuleretur: sed ad æ-
grum reuertamur. Libenter interea de
prouidentia Dei circa electos, & eam
quam expertus ipse sæpius in vita: nunc
etiam in morbo circa pensionum tot an-
nis desperatarum sponte oblatam solu-
tionem, loquebatur, nonnunquam In-
dorum conuersiones & Virorum Apo-
stolicorum illic in vinea Domini labores
audis auribus excipiebat: tum hilari
fronte adstantibus: *Eamus & nos in Indiam,
& moriamur cum eis:* mox se corrigens,
*metuerem, aiebat, ne ante nauigationem, vel
in ea morerer.* Agnouit deinde suam sibi
datam Indiam, morbum esse præsentem,
quem egregia animi alacritate inter late-
ris redeuntes aculeos ferebat, & pijs istis
colloquijs leniebat; sed cum abessent, qui
solarentur, icones Passionis Dominicæ li-
benter contemplabatur: ijs interior spon-
da.

*Aspectu
piarum
imagini*

dæ pars tota veltiebatur: & quidem in oculos iacentis duæ potissimum incurrebant, altera Christi purpurea chlamyde vestiti, spinis coronati, manu tenentis arundinem; altera Crucem baiulantis: hæc parieti sic affigebatur, vt Iacobo Christus occurrere videretur, eiq; Crucem offerre

*Solacium
infirmi.*

deportandam, vnde mirum iacenti solacium, & animi prõptitudo, maiora (si Deo placeret) perpetiendi. Quodd si quidam adstantium augere doloris magnitudinem viderentur; ijs placidè reponebat, longè mitiùs ac mereretur, Deum secum agere, hocq; se beneficij loco numerare, quodd guttulam sibi delibandam amari Calicis propinaret, quem ipse felle plenum & absynthio totum esset bibiturus. Hanc patiendi cum Christo promptitudinem ei Rosarium dolorosum conciliabat, quodd identidem voluebat, id ipse sibi pridem ad memoriam septem effusionum Sanguinis Christi digesserat, in septem Decades, postea seorsim editum cum amicis communicauit, est verò huiusmodi.

R. O.

R. O.
CHR
gelt

Pram
Orat

A
tecun
sio &
Vuln
fudif
Sin
missa
Por
nis Do
effud
In
In
In
In
In
In
In

ROSARIUM D. N. IESU
CHRISTI, IN SEPTEM DECADES DIG-
gestum, ad memoriam & honorem se-
ptem Effusionum Sanguinis
IESU Christi.

*Premisso Symbolo Apostol. CREDO, & dicta
Oratione Dominica decurre Primam Deca-
dem sequenti Salutatione de-
cies repetita.*

AVe dulcissime Domine Iesu Chri-
ste, Gratiâ plenus: Misericordia
tecum. Benedicta sanctissima Vita, Pas-
sio & Mors tua; & benedictus Sanguis
Vulnerum tuorum, quem pro nobis ef-
fundisti, &c.

*Simili modo percurre Decades sequentes pra-
missa singulis Orat. Domin.*

*Porro ad recolendas septem Effusiones Sangui-
nis Domini, ad singulas Salutationes adde poss
effudisti.*

In I. Decade, In Circumcisione tua.

In II. In Agonia tua.

In III. In Flagellatione tua.

In IV. In spinea Coronatione tua.

In V. In Detractione vestium tuarum.

In VI. In Crucifixione tua.

In VII. In Apertione Lateris tui.

In fine cuiusque Decadis, seu ultima Salutationi subiunge sequentem Aspirationem ad Beatiss. V. Mariam.

Sancta Maria, Mater Dolorosa, per gladium doloris, qui transfixit animam tuam, impetra nobis fructum Sanguinis IESU Christi Filij tui, nunc & in hora mortis nostræ, Amen.

Si cui libet & vacat, poterit dictam Aspirationem singulis Salutationibus annectere.

NOTA I. Facillimus hic est & pio homini utilissimus, Deoq; gratissimus modus recolendi quotidie Passionem D. N. Iesu Christi, cuius precipua puncta facile hac methodo reuocantur in memoriam.

II. Alijs pijs affectibus, industrijs & intentionibus condiri posset oratio vel recitatio huius Rosarij: si nempe singula Decades dirigantur Affectu Contritionis contra singula Vitia Capitalia.

V.g. I. Contra Luxuriam.

II. Contra Superbiam.

III. Contra Iram.

IV. Contra Gulam.

V. Contra Auaritiam.

VI. Contra Acediam.

VII. Contra Inuidiam.

Item, si singula Decades ordinentur Affectu Imitationis, pro septem precipuis Christi virtutibus imitandis, quas passim proponunt Canisius, Costerus, & alij.

I. Pro

I. Pro Christi Humilitate.

II. Pro Mansuetudine.

III. Pro Patientia.

IV. Pro Obedientia.

V. Pro Benignitate.

VI. Pro Charitate.

VII. Pro Liberalitate.

Et in hunc quidem finem, per singulas Decades initio Salutationis addi posset Epitheton ad huiusmodi virtutes recolendas conueniens, v.g. Aue. 1. Humillime, 2. Mansuetissime, 3. Patientissime, 4. Obedientissime, 5. Benignissime, 6. Amantissime, 7. Liberalissime Domine Iesu Christe, &c. Item potest recitari hoc Rosarium, pro septem donis Spiritus Sancti, &c.

Si cui graue est, una vice pertexere hoc Rosarium, is per septem dies hebdomada distribuat. Sic nulla tibi, o pie Asceta, abibit dies sine Exercitio Dominicae Passionis, cuius assiduam memoriam tantopere nobis commendatam Christus ipse voluit.

ACTVS CONTRITIONIS

AD REMISSIONEM PECCATORVM

obtinendam efficax: eoque semper in-

promptu habendus, quia est prae-

sentissimum malae mortis.

antidoton.

Domine Iesu Christe, verus Deus & homo,
Creator ac Redemptor meus, Pœnitet me

ex toto corde , quòd offenderim te Dominum
& Deum meum , quem amo super omnia. Et
propono firmiter amplius non peccare, omnesq;
peccandi occasiones deuitare , confiteri & im-
plere pœnitentiam, quæ mihi fuerit iniuncta.

Et in satisfactionem peccatorum meorum
offerò tibi Pasionem tuam , merita B. Mariæ
semper Virginis, & omnium Sanctorum, atque
omnia opera mea, & totam vitam meam.

Et confido in bonitate & misericordia tua
infinite , quòd per merita pretiosi Sanguinis
tui, mihi remissurus sis omnia delicta mea.

Et gratiam vberem largiturus , qua vitam
sanctè instituere , tibiq; perfectè vsque in fi-
nem seruire valeam. Qui cum Patre Sanctoq;
Spiritu viuis ac regnas Deus in sæcula benedi-
ctus, Amen.

C A P V T XXXVII.

Mors pia vita consentanea.

QVatuor ipsas hebdomadas morbus
extremus tenuit : prima & vltima
quàm acerbissimum inussit dolorem: duæ
intermediæ mitiorem & tolerabilem: nam
tertiæ Paschatis hebdomadæ die Iouis
pungere rursus & fodere laterum cœpit
acrior

acrior morbi vis, intermissis nec cōtinuat-
tis interuallis, quæ quartæ hebdomadæ
Paschatis die Iouis ad extrema deduxit:
Itaque cūm nox præcedens aucta virium *Dies fa-*
debilitate loquendi difficilem vsum & æ. *talis.*
gram respirationem permetteret, & hunc
fatalē suum diem agnosceret, manē præ-
missa peccatorum exomologesi, cum in- *Confessio.*
signi pœnitudine commissorum multūm
se fidei, spei, charitatis & resignationis a-
ctibus occupauit, dici vix potest, quo mē-
tis affectu, quā tenero pietatis sēsu se ad
viaticum recipiendum prepararit: prælegi
sibi lentē distinctēq; petijt orationē præ- *Cōmunio*
paratoriam: *Ad mensam dulcissimi Conui-*
uij: tum tenero pietatis sensu & ardenti fi-
de, cœlesti refectus epulo, sacro petijt ad
vltimā inungi luctā oleo: respōdit ad sin- *Inunctio.*
gula verbis articulatis: peractis omnibus
protestatus est corā præsentibus, animitus
omnibus se condonare offensā, vicissim à
præsentibus & absentibus, si quos vnquā
offendisset, veniam demissē precatus est:
tū gratijs Deo piē persolutis & patriæ cele- *Venia pe-*
stis excitato desiderio, quieuit paululum. *tatio.*
A meridie prælegi nonnullos virtutum
actus è Paradiso suo petijt, tum è Tho-
ma

*Amor
Crucis.*

*desideriū
patria cœ
lestis.*

*Optat in
terra mori.*

ma de Kempis: è quo de Regia Crucis via:
legenti sic diligenter auscultauit, vt moneretur Anagnasten à textu ne aberraret, quem cū memoria ferè teneret, & congruos affectus eliciebat: miscebat vel integros Psalmos, præsertim hunc: *Latatus sum in his, quæ dicta sunt mihi, in domum Domini ibimus, vel decerptos è varijs versiculis, & hos versabat ardentius: Quàm bonus Deus his, qui recto sunt corde: Mihi adharere Deo bonum est: Quid mihi nunc est in cœlo. & à te quid volui super terram: Vnam petij à Domino, hanc requiram.* Circa quartam vespertinam accersito medico quæsiuit de mortis propinquitate: comperto sat vicinam esse, eo digressio leuari de lecto petijt, & in pauimento substrato cinere mori, S. Francisci secutus exemplum, teste S. Bonauentura, c. 13. idem sub initium morbi lecto iam affixus, vt fieret, non petierat tantum, sed & iusserat: nec deerant præsentium nonnulli, qui pijs obsequendum esse votis existimarent; sed cū moneretur, ne sibi ipsi mortis accelerate præberet occasionem, acquieuit. Rogatus sub quintam à Confessario, peteretne peccatorum absolutionem? respondit,

tem-

tempu
mortis
circa
remiss
gni de
cifixi v
lies & n
dabo te,
de sapi
excita
quam
Sol oc
dito sig
ardent
laute;
te mo
nunci
subint
tatis &
medic

C

Funer

Fv
Fq

tempus nondum adesse, nec se præsentis
 mortis adhuc indicia persentiscere. At
 circa sextam ardentem cum indulgentijs
 remissionem peccatorum flagitavit insi-
 gni de commissis elicitò dolore: tum Cru- *Exoscula-*
 cifixi vulnera dulcissimè diffuauatus, *mil-* *tio Crucis.*
lies & millies aiebat: O dulcissime Iesu, lau-
 dabo te, Iesu miserere mei, Iesus, Maria: subin- *Vltimi*
 de sæpius salutifera nomina compellauit, *affectus.*
 excitato cœlestis patriæ desiderio: ad
 quam circa septimam vespertinam, cum
 Sol occumberet, placidè nullo doloris e-
 dito signo dexterâ Crucem, leuâ Cereum
 ardentem complexus, vt speramus, euo-
 lauit; quo tempore cum Sole occumben- *Mors.*
 te moriturum. medicus paulò antè de-
 nunciarat, quando præsentium quidam
 subintulit: ergo cum Sole Sol huius Ciui-
 tatis & Cleri occumbet? sicut de S Basilio
 medicus eiusdem asseuerarat.

C A P V T XXXVIII.

*Funeris ratio ab ipso præscripta, & tabulis te-
 stamentarijs sancita.*

F Vit Iacobus paratior ad mortem, *Prepara-*
 quòd eam multis iam annis provide- *tio ad*
 rit, *mortem.*

*Scriptio
Epitaphij*

rit, ad eā necessaria præpararit: quid in ea
& post eam fieri vellet, lōgè antè designa-
rit. oñtēnio antè sibi scripserit Epitaphiū,
quo breuem vicē regulam cōplectebatur,
id amicorum rogatu nomine *Epitaphij
hominis Christiani* publico donarat in pa-
tenti folio: ruminabat sæpius emendatis
& additis nonnullis alijs.

*Tumba
parata.*

A triennio tumbam curarat, quam
lecto impositam quotidie contemplaba-
tur, cui hoc distichon inscripserat:

Cum capulum cernis, cur non mortalia spernis?

Tali namque domo clauditur omnis homo.

Sepulcrū

Sic & sepulchrum designarat, facta tali no-
minis incisione: *Iacobus Merlo Horstius Pare-*

*Testa-
mentum.*

chus huius Ecclesiæ obiit Anno Testamentū
pridem scripserat, idem annuè ferè reuol-
uebat, & vel cōfirmabat, vel mutabat, hæ-
redibus semper pauperib. nominatis, fu-
neris etiam omnem rationē consignarat,
& priuatā semper decreuerat, absq; pōpa
vel sumptib. qui mortuo non prodescent,
& pauperibus necessaria subsidia decerpe-
rent, eiq; solos cum Sacerdote præsentēs
esse 40. pauperes iusserat, qui noctem ipsā
delato in tēplū funere vacarent precibus,
dicerent vigilias, animam Deo cōmenda-
rent, id etiam ad mentem eius factitatum.

Nam cū 21. Aprilis die Iouis vitam *dies mor-*
 cum morte cōmutasset : die Veneris post *is.*
 Solis occasum in templum delatus est, fu-
 nus stipantibus 40. studiosis cum Sacer-
 dote & ministris, die Sabbathi manē so- *sepultura*
 lenniter eidem Vniuersitas Colonienſis
 præſente Rectore Magnifico, Collegæ
 permulti Metropolitani, cum R^m. D. Suf-
 fraganeo ac Parochianis parentauit in eade *parenta-*
 Parochiali funebri Sacro, cui adſiſtentes, *ti nis.*
 multi dolorem ſuum lachrymis teſtaban-
 tur, dum corpus humo conderetur.

Reliquit ſanè magnū ſui apud ſummos
 infimosq; deſideriū: quippe qui apud oēs
 vti doctiſſimus, ita vitā integerrimus, æq;
 amātiſſimus, & honoris diuini propagādi
 cupidiſſimus habebatur. Vnde Principes
 Viri cognita Iacobi morte vehementer
 indoluerunt: quē varij pro diuerſis Diœ-
 ceſibus ad officia maiora pro Dei gloria
 proximorumq; ſalute promouenda deſti-
 narant & inuitarāt. Inter ceteros Sermius &
 R^m. Maximilian^o Coadiutor, Dux Baua-
 rię &c. dolenter accepit mortem eius: nam
 operā ipſius vti in arduis rebus ſuo tēpore
 decreuerat. Ita quo vehemētius ipſe nomi-
 nis eſtimationē & Principū fauorē declina-
 bat, hoc fugientē magis vltro ſequēbatur.

C A P V T XXXIX.

*Dicta sententiæq; eius selectiores, quibus vt
principijs vita perfectioris
vteretur.*

INnumera sunt axiomata, maximaq;
libris eius omnibus inspersæ, quibus vi-
tæ sanctioris cupidi tutò possint niti, mo-
resq; conformare, seligam pauculas, vel
quarum in familiari colloquio frequens
vsus ei fuit.

- Psal. 22.* DOMINVS REGIT ME, ET NIHIL MIHI
DEERIT, IN LOCO PASCVÆ IBI ME COL-
LOCAVIT. *Galat. 5.* Vtinam MIHI MVNDVS CRVCI-
FIXVS sit, ET EGO MVNDO. *Vtinam MIHI*
Philip. 1. VIVERE CHRISTVS sit, ET MORI LVCRM.
Si anima bene est, facilis & levis ceterorum
omnium iactura erit. Clerici se bonorum suo-
rum non vt dominos, sed dispensatores habere
1. Tim. 6. debent : HIC IAM INTER DISPENSATO-
RES QVÆRITVR, VT FIDELIS QVIS INVE-
NIATVR. HABENTES ALIMENTA, ET
QVIBVS TEGAMVR, HIS CONTENTI SIMVS.
Maior est, & ad maiora genitus homo Chri-
stianus, quàm vt pecuniæ mancipium sit, &
mammonæ seruiat.

Non

Non bene conueniunt militare Deo, & dignis seculo curis implicari. Quando peius habuit Ecclesia, quàm cùm eius ministri coeperunt contemptis vel malè contortis Canonum decretis beneficia beneficijs, & curas curis superaddere? Vide quid singulis diei horis agendum sit, & hoc vnum age, quod agis prescripto tempore. Nullius sanè temporis certior nobis constat fructus, quàm quod Deo impensum est. O quàm prodigi temporis dùm seruiendum est vanitati: quàm parci cùm pietate vacandum est? cui meritò omne tempus debebatur.

Ama libros pios, & sacrarum litterarum studia, & carnis vitia non amabis. Bene nouit viuere, qui bene nouit orare, nec bona vita sine oratione diu consistere, nec oratio sine bona vita multum prodesse potest.

Vis psallere vt placeas Deo, sic versetur laus in ore, ne fraudetur mens sapore. Hoc est lucrari vitam quotidie sibi, vitijs & mundo mori.

Si diuino tribunali causam tuam probaueris, salua res est; hominum iudicia nihil officient.

His & similibus nixus principijs, recto tramite calcatis mundi legibus Christi legebat vestigia: suosq; lectores ad eadem sequenda sic exhortatur: *Alie sunt, ait, c. 9. Mo- nit. sap. leges*

leges mundi, aliæ Christi: mundus sectari iubet
 sublimia, at Christus humilia. In mundo serui-
 tur carnis desiderijs & voluptatibus, lusus, ioci,
 risus, gaudia, vndique personant; lites, rixæ, e-
 mulationes & odia regnant. At Christi lege
 spiritus facta carnis mortificat, voluptas exu-
 lat, castitas, charitas, pax & concordia princi-
 patum obtinent. Mundus diuites, potentes, ho-
 noratos suspicit & admiratur: at Christi sen-
 tentiâ pauperes, humiles, afflicti, tristes, &c.
 beati predicantur: quis hisce Dominis adeo di-
 uersa suadentibus vnâ seruiat? sed tu perge a-
 lacriter & generoso pectore viâ, quâ cœpisti.
 Pugna fortiter, ô Christiane miles, nec hosti
 hunc cede: facile vinces hostem, si contempseris.
 Multi profectò rariùs peccarent, si hunc hostem
 minùs timerent. Sed, ô misera seruitus, mundi
 metu Deum offendere, virtutem deserere, con-
 scientiam ledere, quin potiùs illum solum time,
 qui vita & necis potestatem habet, quemq; in
 fine solum habiturus es iudicem. Hactenus in
 Monitis Sapientiæ Christianæ: quæ tota
 redundant similibus effatis mundo con-
 trarijs; nam sapientia huius mundi stultitia
 est apud Deum, qui Cosmophilis seueris mi-
 natur verbis: Perdam sapientiam sapientium,
 & prudentiam prudentium reprobabo: tunc
 vide-

1. Cor. 3.

1 Cor. 1. 19

videli
 nixos
 gloria
 Hi sun
 sum,
 sensati
 & fine
 comput
 eos for
 ritatis
 diuina
 vobis
 pietis
 mundi

ST
 pro
 fronte
 destina
 macil
 sis.
 Sen
 nunq

videlicet, cū quos similibus principiis
 nixos in fatuis numerarant, ijs cœlesti
 gloria donatis, & visis seriùs ingemiscunt:
Hi sunt, quos aliquando habuimus in deri- Sap. s.
sum, & in similitudinem improprij: nos in-
sensati vitam illorum aestimabamus insaniam,
& finem illorum sine honore: ecce quomodo
computati sunt inter filios Dei, & inter San-
ctos fors illorum est. Ergo errauimus à via ve-
ritatis. Ita verum est, errastis, cū
diuinæ sapientiæ effatis contrarias leges
vobis stolidè posuistis: serò tandem sa-
pientis, cū stulta sapientia vestra toti
mundo patefiet.

C A P V T XL.

*Forma corporis, Statura & Lucu-
 brationes.*

STatura fuit ex mediocri, magis ad *Statura.*
 sproceram accedente, ore liberali,
 fronte ex porrecta, vultu semper ad mo-
 destiam & grauitatem composito, genis
 macilentis, rubore tamen grato resper-
 sis.

Sermone vtebatur suaui & leni, non-
 nunquam etiam in delinquentes vehe-

H menti,

menti, habitus gestusq; corporis moderatus & maturus, ingenium clarum, memoria fœlix, labor assiduus, & mirum in ea corporis infirmitate. Pastoralis officij partibus omnibus diligentissimè ob-
eundis, tantum superfuisse temporis & virium ad eam studiorum contentionem totannis continuandam, & toti Orbi lucubrationes publicandas.

Edi-
tri.

Anno ætatis 26. edidit ENCHIRIDION Officij diuini tum Ecclesiasticorum tum aliorum diuinis Officijs pie interesse cupientium vsui accommodatum, cum exercitijs & orationibus, in 12. An. 1623. impressum.

VIATICVM Quotidianum hominis Christiani, 24. an. 1633.

MONITA SAPIENTIÆ Christianæ, ad mores & vitæ spiritualis officia omnemq; pietatis cultum vtilia, in 24. a. 1629.

FASCICVLVS Myrrhæ & Thuris, in 24. a. 1630. impressus.

PARADISVS Animæ Christianæ, lectissimis omnigenæ pietatis delicijs amœnus, in 24. an. 1630. & 1644. editus.

SEPTEM TVBÆ Orbis Christiani, ad reformationem Ecclesiastica disciplina toto orbe, & præsertim in Germania ad præsentium & gra-

graviorum malorum Remedium necessario instituendam excitantes.

I. CONTINET S. BERNARDI de Considerat. ad Eugenium, & de vita & moribus Prælatorum, Clericorum, &c.

II. S. GREGORII MAGNI de Cura Pastorali.

III. CHRYSOSTOMI de Sacerdotio.

IV. PROSPERII AQUITANICI de Vita Contemplatiua & Actiua Sacerdotum, Virtutibus, &c.

V. S. PETRI DAMIANI Opuscula, de fuga dignitatum, de dignitate Sacerdotij, Vita Canonicorum, inertia &c.

VI. PETRI BLESSENSIS Canon Episcop. & disciplina Ecclesiast.

VII. SALVIANI MASSILIENSIS Opera omnia. Hæc uti & superiora maiori ex parte nouis in capita & paragraphos sectionibus, præmijs & annotat. illustrata. Appendicis loco accedunt Quæstiones variae hoc tempore plurimum utiles & necessariae, in 4. a. 1635.

APHORISMI Eucharistici, id est, pie & S. Celebrationis & Communionis Monita, in 12. a. 1638.

CHRISTIANVS THEODIDACTVS, seu doctrina pie viuendi & beatè moriendi, forma colloquij inter Christum & hominem, verbis ferè sacris expressa, in 12. 1643.

VIATOR Christianus, rectâ ac regiâ in cœ-
lum viâ tendens duce IESV Christo, de cuius Imita-
tione libros à Thoma de Kempis scriptos, aliâq̃
p̃ijssima Opuscula nouâ curâ recensuit, & Notis
strauit, in 24. a. 1643.

S. BERNARDI Vitam & Opera magno stu-
dio collegit, auxit, correxit, Annotationibus il-
lustrauit, conuenientiore ordine distinxit, &
in sex Tomos distribuit, Indice copioso Rerum,
Locor. comm. & S. Scriptura.

Tom. I. continet S. BERNARDI Epistolas.

II. Sermones per Annum, & de diuersis, item
in Psalm. Qui habitat.

III. Sermones in Cantica Canticorum.

IV. Libros & Tractatus varios seu Opuscula.

V. Aliena, dubia, & supposititia.

VI. siue Appendix, GVERRICI Abbatis Igria.
rensis, & GILLEBERTI de Hoylandia Abb.
in Anglia, Discipulorum S. Bernardi Opera com-
plectitur.

Premissa est Vita septem Libris distincta,
cum Elogijs & Chronologia Vita & Scriptorum
eiusdem annotat. in folio 1641. apud IOAN-
NEM KINCHIVM Colonia, qui & pleraque
alia impressit.

Plures libros alios relegit ac correxit,
quibus nomen non apposuit, & alia pia
euulga-

euulga
ante m
sic en
erit, n
ralis in
passim
siascor
recitan
dum,
nanota
& lang
Nok
GORII
parem,
ZANTU
qui his
morbi
Me
rum pr
breues,
rias &
Specim
di: sca
tis ipso
pareat
ratibus
siopum

euulgauit, plura meditabatur, quæ paucis
ante mortem mensibus amico flagitanti
sic enumerat: Si quid edam deinceps, primum ^{Edend.}
erit, ni fallor, Commentarius literalis & mo-
ralis in omnes PSALMOS DAVIDIS, insertis
passim monitis pijs. & exemplis ad vsum Eccle-
siasticorum & Religiosorum Psalmos quotidie
recitantium: Opus affectum iam ante Bernar-
dum, cuius recognitioni hanc hyemem desti-
naueram, si valetudo ferret, iam satis attrita
& languida.

Novam quoque editionem Operum S. GREG-
ORII M. meditabor, sed vereor me operi fore
parem, PÆDAGOGVM ÆGRORVM & AGONI-
ZANTIVM parabam, tam in gratiam eo. u. n.,
qui his operam nauant, quàm qui ipsi piè in
morbis & morte se gerere cupiunt.

MEDVLLAM SAPIENTÆ, tum sacra,
tum profana, colligo ex varia lectione, id est,
breues, acutas & neruosas gnomas seu senten-
tias & axiomata, moribus formandis idonea:
Specimen quoddam ex BERNARDO aliàs de-
di: sed non ita nuda & ieiuna, verùm apposi-
tis ipsorum Auctorum locis, vt vsus statim ap-
pareat, & illustrata similibus aliorum auctori-
tatibus, exemplis, testimonijs, &c. in eundem
scopum sensumq; collinantibus.

THEATRVM AGONIS CHRISTIANI erigere paro, id est, Sanctorum & illustrium hominum in morbis & morte, dicta, facta, apophtegmata ex varia, veteri & noua historia illustrata. Multa quidem alia conceperam, sed ad iam dicta vberior in aduersarijs apparatus, seu futuri operis materia congesta est, quis det vt perficiam & absoluiam? Vita summa brevis spem me vetat inchoare longam.

Scopus in
libris e-
dendis
propositus

Petit deinde preces, & scopum in his spectatum aperit, vt ex pusillis meis conatibus aliquid ad augmentum diuini cultus & profectum salutis meae & proximorum adminiculi expectari possit. Ita nihil voluebat animo, vel scribebat calamo, nisi quod sibi proximoq; fructuosum & diuinæ gloriæ propaganda congruum existimabat: nihil, in quo vanam doctrinæ famam & nominis claritatem intenderet: quamuis eiusdem libris non Catholici tantum, sed & Hæretici applauderent, quidam etiam Coloniā excurrerent, vt hominem noscent. Hunc Deus Opt. Max. Coloniæ Virum dedit, Lumen Ordinis Ecclesiastici, Pastoralis Vitæ Decus, Exemplar & Ornamentum: quam vti semper libris asceticis illustrare conatus est, ita moribus

bus expressit sanctissimis, cuius omnia desideria, cogitata, verba & opera, diuini nominis cultum & honorem, auctiorem & ardentem amorem spectare videbantur, hoc vnum meditabatur, in hoc se exercebat, hoc calamo scribebat, vt se cunctosq; mortales, memores salutis & perfectionis cuiusque statui consentaneę efficeret, & ad Deum summum bonum, centrum & scopum vitę pertraheret. Hoc Epitaphium in funere pręsentibus distributum, & testamentarię tabulę loquuntur cum codicillis, quę visum est attexere, vt Ecclesiastici possint imitari. Nec ita de vani nominis memoria perpetuanda in mundo, sicut de pręmio eternę glorię in cęlis augendo velint laborare. Profecto si mediam laborum partem in meritis cęlestibus cumulandis impenderemus, quos mundi, carnis aut voluptatis causā suscipimus, immensam glorię segetem post mortem in cęlis colligeremus.

* * *

H 4

CA

C A P V T XLI.

Testamentum eius.

Maturè testamentum & sanus condiderat, quale Christianum & Ecclesiasticum propriæ salutis amantissimū decet: vtinam imitatores habeat: mirū est, cum ne teruncium quidē ad ditādos propinquos (licet eorum seruitia rependerit) pompam funebrem, vel nominis celebritatem adhibere voluisse: sic etiam Executores adiurasse, ne quis honor vel apparatus funebris haberetur mortuo, vel pauperibus hæredibus ideo quidquam detraheretur.

COPIA TESTAMENTI R. D.

Iacobi Merlo Horstij Pastoris, B. Mariæ
in Pasculo Colonia, defuncti, Anno
1644. 21. Aprilis, ætatis
suæ 47.

IN NOMINE SANCTISSIMÆ TRINITATIS,
Patris, & Filij, & Spiritus
Sancti, Amen.

Aduersus certissima mortis casus incertos remedium certissimum est, continua mortis semper & ybique imminentis memoria.

moria. Ergo ne illa aliquando me fortè imp-
ratum deprehendat , volui maturè disponere
domui meæ , vt qui iam atate in senium ver-
gente , & debili corporis valetudine indies ma-
gis magisq; fatifcente , & crebris quotidie mo-
rientium, etiam equalium, immò etiam annis
ac atate minorum , exemplis , responsum quo-
daminodo vicine mortis acceperim.

Sed heu mihi, Domine, quia incolatus meus
prolongatus est. Desiderat quidem anima mea
ad te, & mori optat morte iustorum , quorum
mors sola pretiosa est in conspectu tuo, sed hor-
ret nihilominus mori , & egredi timet , vt pote
misera & inops, & malè sibi conscia, ob tot an-
nos vitæ , & tot talenta gratia diuinitus acce-
pta, sine fruge infelicitè & negligenter deper-
dita. Vnde non sine causa tergiuersatur & tre-
pidat, cùm tempus istud reddendæ de villicatio-
ne sua rationis cogitat.

Verùm quid agis , anima mea , deprehensa
inter angustias? cùm visum fuerit supremo illi
Patri familias te citare ad reddendam ratio-
nem effugere aut detrectare non licet , nec vlla
dantur induciæ. Prorsus parere & confestim
comparere necesse est.

Sede ergo prius, & computa, arripe & euol-
ue librum conscientie , subduc rationes. Et si

soluendo non es, vti profectò non es; ne tamen despera, sciens quia copiosa est apud Deum redemptio, & quia bonorum tuorum non eget, cor verò contritum & humiliatum non despiciet. Adde, si feceris tibi amicos de mammona iniquitatis, qui, cum defeceris, recipiant te in eterna tabernacula. Hoc modo faciliùs tibi conciliabis gratiam Patrifamilias, qui sibi factum aestimat, quod vni ex minimis istis feceris.

Quapropter, ò supreme mundi Iudex, ne intres in iudicium cum seruo tuo, quia non iustificabitur in conspectu tuo omnis viuens. Memento te ideo olim ante iniquissimos Iudices stantem, iniustam mortis durissimam sententiam subire voluisse, vt ego aeternam mortis sententiam euaderem, & coram supremo tribunali clementiùs iudicaret. Hoc supremum votum & desiderium meum nunc esse deinceps & in extremis fore, coram te & tota coelesti curia contestor, vt me non pro meritis meis, sed pro inexhausta misericordia tua iudices, & clementer absoluas.

Ecce itaque, mi Domine Iesu, nunc valens etiamnum ac viuens per gratiam tuam reddo tibi Creatori & Saluatori meo animam meam. Accipe eam, aut potiùs recipe, & educ eam de

carcere isto seu corporis custodia, ad confiten-
dum nomini tuo: Accipe, inquam, quando sic
visum tibi: nam in manibus tuis sortes meae, tu
solus nosti introitum meum & exitum meum,
& numerus mensium meorum apud te est. Vti-
nam mundus mihi crucifixus sit, & ego mundo!
Vtinam quoque mihi viuere Christus sit & mo-
ri lucrum!

Porro animæ in regionem longinquam ite-
ra fidos & gnaros viæ Duces ac Comites, immo
apud summum Iudicem, Patronos & Aduoca-
tos, adiungo Beatos cœlestis Curia Cives & in-
colas, quos mihi iam pridem Patronos singula-
riter colendos elegeram. Inprimis beatissimam
Dei Matrem Virginem MARIAM singularem
peccatorum, quorum ego primus sum, Aduoca-
tam, quam doleo, tam languidè ac segniter
hactenus coluisse. Item Sanctos cœlestis militia
Principes, S. Michaëlem, S. Gabrielem, S. Ra-
phaëlem, & præcipuè S. Angelum Custodem.
Item sanctissimum Christ. Præcursores Ioan-
nem Baptistam, SS. tres Reges, qui Christum
infantem mysticis muneribus ex Oriente hono-
ratum venerunt. Item Apostolici Collegij Prin-
cipem S. Petrum Apostolum, S. Iacobum Apo-
stolum, S. Ioannem Euangelistam, S. Stepha-
num Prothomartyrem, S. Laurentium, S. Hu-

bertum & mellissimum mihiq̄, dulcissimum pa-
riter & dilectissimum, Bernardum, S. Annam
Christi Auiam, S. Franciscum, S. Catharinam,
& quem hodie superioribus addo, & quem mi-
hi in singularem deinceps pro felici morte Pa-
tronum eligo, Sanctissimum Ecclesie Doctorem
AVGVSTINVM, cuius hodie festum diem cele-
brat Ecclesia.

Hos omnes per pretiosum Christi Sanguinem,
eiusq̄ infinitam gratiam, quo ad superne pa-
trie gloriam felicissimè prouecti sunt, obnixè
precor & obtestor, vt cum iam in portu consti-
tuti, securi sint de se, pro me velint esse sollici-
ti, vt & ego illuc superatis diuinâ gratiâ huius
magni & turbulenti maris procellis salua nauis
appellere valeam.

Hac de præcipua mei parte, id est, anima,
cuius si detrimentum (quod auertat Deus) pa-
tiar, quid mihi proderit totum mundum lu-
crari? At si animæ bene est, facilis & leuis ca-
terorum omnium iactura erit. Attamen de his
ita pro Dei gloria disponere visum est.

Corpus meum loco & modo sepeliri
omnino volo & iubeo, sicut in peculiari
charta designauī.

Ceterum de bonis temporalibus in multas
fundationes aut donationes, seu legata disper-
tiendis,

riendis,
& mou
psa die
pauper
ste Pos
didit,
habuit.
quid ha
pe paup

Rom
vii ne
in for
partem
tum &
prater
Dei, id
sa me
tionem
consun
rum, s
tum m
Et
rigrat
non on
ferrim
educat
satis.

riendis, non est cur multum laborem. Monet
& mouet S. P. & Doctoris Augustini, cui hac ip-
sa dies sacra est, qua hac scribo, exemplum &
paupertas apud Deum ditissima. Is quippe, te-
ste Possidio, moriens testamentum nullum con-
didit, quia vnde conderet, pauper Christi non
habuit. Et ego vnde faciam, parum habeo, & si
quid habeo, his debetur, qui nihil habent, nem-
pe pauperibus.

Bonis quidem cumulandis nunquam studui,
vti nec decebat facere eum, qui computatus
in sortem Domini, ipsum Dominum sortem
partemq; suam agnoscit. Habens quidem vi-
ctum & amictum, his contentus fui; si quid
præterea potui impendere ad decorem domus
Dei, id est ad reparationem & ornatum Eccle-
siae meae, item domus meae; si quid ad sustenta-
tionem pauperum, imò etiam ad educationem
consanguineorum, fratrum, sororum cognato-
rum, spero me non defuisse, pro viribus facultat-
um mearum.

Et Deo omnium bonorum Fonti & Autho-
ri gratias medullitus ago, quia expensas meas
non omnino sine fruge esse voluit, duobus præ-
sertim fratribus meis, meâ curâ & impensâ
educatis, & ad Religiosum statum gratiosè ro-
catis.

Et, vt ad rem denique veniam, Pauperes heredes meos dico, facio & scribo; modum autem & dispositionem hereditatis distribuenda vel reipsa exequenda, in alia charta separata designabo, quam designationem vel per modum codicilli, vel alio quocunque titulo & modo valere & ratam haberi volo: non minus ac presentem heredis institutionem, quantumvis fortè contingeret, utrobique deesse solennitates Iuris solitas & requisitas, id est, subscriptionem Notarij & testium, &c.

Sorori meae N. N. ex hereditate Pauperibus assignata vsum fructum reseruo, quousque caelebs & casta permanserit, iuxta designationem in alia charta notandam.

De Patrimonio meo ita dispono, &c.

De Bibliotheca, Vestibus, Supellectile, ordinationem & dispositionem singularis chartae exhibebit.

Legata quadam nunc primum mente concepta, deinceps in alia charta notabo, quae Testamenti huius mei seu vltimae dispositionis robore pariter gaudere volo.

Deni-

Denique, potestatem mihi reseruo, hæc mutandi, ampliandi, vel his addendi, & dēdendi, &c.

Executores huius vltimæ voluntatis meæ nomino, & vt amore Dei & pauperum officium Executionis in se suscipere non grauentur, obnixè per viscera misericordiæ IESV Christi, rogo; nomino, inquam, Ambos Ædiles Ecclesiæ meæ, Dominos & amicos meos longè charissimos; nempe Clariss. D. IOANNEM KINCHIVM Senatorem Urbis ac Reipubl. Colonienfis, & Clariss. ac Ampliss. DD. HENRICVM OECKHOVEN I.V. Doct. Capituli Eccles. Metropolit. Colon. Syndicum, quibus omnia committo; & vt tacitè, sine omni strepitu, omnia expediant, vnice rogo.

Hæc ego scripsi manu propria, in domo mea, ipsa nocte. Festum S. Augustini Eccles. Doct. antecedente, circa horam 11.

Anno 1642.

IACOBVS MERLO-HORSTIVS,
B. MARIE in Pasculo Pastor.

DIS-

DISPOSITIO SEPULTURÆ eiusdem R. D. Jacobi Merlo Horstij.

Incertum quo me tempore & loco mors expectet. Ego itaque omni eam loco & tempore expecto: Vnde si contigerit per Dei gratiam (quod vehementer desidero) me hic Colonia, & in hoc statu mori, circa sepulturam meam hæc, quæ sequuntur, inuiolabiliter & rigide sine exceptione, vel quacunque alia interpretatione observari volo & præcipio.

1. Ad cauendos inutiles & inanes sumptus, atque ut tantò magis consulatur causa pauperum (quos, uti alibi, sic & hic, heredes meos dico & facio) sine omni pompa & apparatu, corpus meum terra mandari iubeo, idq; sequenti modo:
2. Si contingat me de die mori, eodem die sub vespertinum crepusculum funus meum impostum capulo (quem iam diu paratum domi habeo) & debite, id est, Sacerdotis habitu, cuius requisita tum in promptu erant, pro more vestitum, per quatuor validos studiosos pauperes deferatur ad Ecclesiam meam, idq; per hortum meum rectâ viâ: nec putetur hoc indignum, si mortuus istâ viâ deferor ad templum, quam toties viuis calcavi, immò quâ toties SS. Sacramentum ad infirmos detuli.

Per-

Porro funus impositum feretro collocetur 3.
in medio templi ante sepimentum vsque ma-
nè; tumba seu capulus tegatur albo laneo pan-
no: accipiatur autem pannus in qualitate &
quantitate, qui seruire possit ad vnam cap-
pam Religiosi Carthusiani, & detur postea
fratri meo Florentio Carthusia Colon. alu-
mno, vel alteri pro arbitrio Superiorum eius
Monasterij.

Ad funus non erit necesse vocare Choros, a 4.
micos, sufficit adesse duos Executores meos. v-
num Sacerdotem vel Officiantem Ecclesie nostra
cum Custode & Ludimagistro. Alexianos aduo-
care necesse non est, Crux & dua facula ex Ec-
clesia accepta praeferantur per studiosos paupe-
res.

Si noctu contingat me decedere, deportatio 5.
funeris differetur vsque in finem sequentis diei,
& sub noctem, quando ingruunt tenebrae, fiet
vt supra.

Coram funere ter ista nocte legetur totum 6.
Officium Defunctorum more Romano, idq; per
pauperes studiosos ex superioribus Classibus Gy-
mnasij trium Coronarum, per R. P. Regentem
(quem desuper singulariter rogatum volo) de-
signandos, singulis vicibus conuenient 12. ita vt
seni & seni per choros legant alternatim.

Præ-

Prima statio seu prima vices legendi officium seu vigilias Defunctorum, erit præcisè horâ nonâ vespertinâ. Secunda statio, horâ duodecimâ noctis. Tertia statio, horâ tertiâ matutinâ. Legent autem singuli distinctè, tardè, clarè, deuotè: quorsum enim anima mea murmur istud Psalmorum & precum funeralium, quale, proh dolor! hæctenus nimis diu vsque ad nauseam audiuius? præficiatur singulis vicibus vnus Sacerdos, pius, pauper, modicus, vel Religiosus, si haberi potest, qui lectionem totius officij dirigat: & detur singulis vnus florenus aureus. Ceterum illis studiosis legentibus officium singulis dabitur Dalerus Imperialis: item panis octo alborum.

7.° Postridie seu proximo die post lectas modo præscripto vigilias horâ sextâ cantetur Sacrum pro defuncto cum duobus ministrantibus. Post Sacrum legatur Commendatio, in altaribus lateralibus legantur duo Sacra in singulis. Sacerdoti summum Sacrum celebranti dabitur vnus Dalerus Colonienfis: ceteris 26. alb. ministrantibus 16.

Sic peractis exequiis omnia peracta sunt, quæ pro sepultura mea fieri volo. Statim itaque mandetur corpus terræ, cereum aut aliud quidquam sepulchro ad tempus imponere nihil opus.

De Epitaphio aut incisione lapidis sepulchralis non est cur solliciti sint DD. mei Executores: tantum hoc vnice eos rogo & moneo, vt prædicta diligenter, serio & accuratè obseruari curent, idq; iuxta obtestationem & obiurationem alibi positam, quæ talis est:

Oro & obtestor meos DD. Executores, immò adiuro per Deum Iudicem viuorum & mortuorum, vt modum & ordinem hic à me præscriptum per omnia rigidissimè & accuratissimè seruari curent. Præposterè illi & intempestiui respectus seu pretextus moris, honoris, decetia, &c. nullum hic locum habeant, quod alibi sapius contigisse non sine fastidio vidi: De honore Dei, causâ pauperum, & salute animæ meæ potissima cura sit. Heu quam sæpe ista negligitur, dum cetera ista tam studiosè curantur. Curate quod peto, DD. mei Executores, & habebitis mercedem in cælis.

Ita ordinaui & scripsi manu propria ego IACOBVS MERLO HORSTIVS B. M. in Pasculo indignus Pastor, An. 1639. ipso Transfigurationis Domini, ingressus in festo S. Iacobi Apostoli 25. Iulij ætatis annum 43. & ex nunc Saluatorem exspecto D. N. IESVM Christum, qui reformabit corpus humilitatis meæ configuratum corpori claritatis sue.

IN:

IN INFORMATIONE SVPER
 statu rerum suarum , Executoribus suis
 vsui futura , hæc idem piè memoriæ
 R.D.IACOBVS MERLO HORSTIVS
 scripta reliquit.

1. **T**estamentum magnum non condidi, quia
 unde conderem , non habui , nec habere
 volui: Benefeci hætenus , quibus potui, pro
 tenuitate mea , propinquis & pauperibus. Il-
 lis parum relinquere possum, his debetur, quod
 reliquum est.
2. In sumptus funerales parum fortè suppetet
 in prompta pecunia: quia nunquam studui col-
 ligenda pecuniæ, suppedient velim DD. Execu-
 tores , recepturi ex venditione meorum mobi-
 lium.
3. Studiosè caui à debitis, & hoc scire Execu-
 toribus expediet: Consueui hætenus singulis an-
 nis in Decembri circa finem Anni computare
 cum omnibus, quibuscum mihi toto anno nego-
 tium est, velut Pistore, Cereuisiario, Sartore,
 Sutore, caterisq̃, ijsq̃ solvere & satisfacere
 per omnia, & curare singulariter, ne quid vete-
 ris debiti in nouum annum inferrem. Videan-
 tur ipsorum Quitantia. Hæc ibi.

O quàm

O quàm paucos est hodie reperire, sic salutis propriæ, sic instantis iudicii & reddendæ Iudici seuerissimo rationis memores? Quàm pauci, dum valent & vigent, seipsos ita scelerum reos agunt, testes ipsi sibi, iudices & tortores, ne iudicentur à Domino? Rari tales sibi Patronos adsciscunt, & dum abundant, amicos faciunt de mammona iniquitatis; vt in plerosque cadat ea iusta Moylis indignatio & optatio: *Gens absque consilio & sine prudentia: vtinam saperent, & intelligerent, ac nouissima prouiderent.* Qui, dum iam emortuis ferè membris iudicium imminet, tunc primùm condendi testamenti, confessionis & elemosynarum meminerunt: nec obulum quidem pauperibus elargituri, nisi relinquendi necessitas premeret: præmonuit huius lectores sui PARADISI paulò ante mortem, cùm eum au- *Paradis. sect. 7. §. 6. & 7.* geret: & quæ cura scribendæ vltimæ voluntatis, quæ pauperum habenda ratio esset, rectè consuluit: sed antè conatus est opere perficere, quàm scriptis consignare. Sic autem Christum facit hominem *Codendū testamētū tempore sanitatis.* instruentem: *Maturè dispone domui tuæ, dum adhuc sana mens est in corpore sano:* *Huc*

Huc spectat, vt maturè condas testamentum, aliena restituas, liquidas rationes procures. Periculose hæc in horam mortis differuntur, non sine graui sæpius iactura tum animæ tum rei familiaris. O quàm multi hic errant, qui vel ex negligentia, vel ex inani persuasione rem hanc differunt in horam mortis, & tunc primum rebus terrenis disponendis animum apponunt, cum terra iam relinquenda erat, & cœli salutisq; potior esse cura debebat: sic enim sollicitudo intempestiua mentem auocat à Deo, distrahit à cura salutis & animæ, & inuoluit curis seculi, adeoq; tempus vitæ residuum, sed breue & nimis pretiosum, soliq; beate mortis studio tribuendum, miserè perdit.

Quale verò debeat esse testamentum, In eo quæ ita prosequitur: In condendo Testamento obseruanda hoc potissimum cura, vt sit æquum, pium & perspicuum, vt concordia sit non litium seminarium. Et in primis sic dispone de bonis tibi à me concessis, vt ostendas te dispensatorem eorum à me constitutum esse, non dominum. Sanè, si negligas me, à quo habes omnia, nimis iniquus & ingratus es. Si tibi ipsi nequam es & pareus in animam tuam, cui bonus eris? Optimum sic dispensare bona temporalia, vt non amittas, immò per ea lucreris aeternā.

Do-

Docet deinde, pauperibus in vita potius
quàm morte benefaciendum esse, cauteq;
providendum, ne legata pia vanæ laudis
intentione vitientur.

Manus pauperum meum est gazophylacium,
quod illic recondis, inuenies. Ante mortem ita-
que benefac amico tuo. & secundum vires tuas
exporrigens da pauperi, amicos autem de mam-
mona iniquitatis tibi fac pauperes, ut cum de-
fegeris, recipiant te in æterna tabernacula:
sed, o caca & stulta auaritia mortalium: the-
saurizant & ignorant, cui congregent ea: ha-
bituri heredem post se, quem ignorant utrùm
sapiens an stultus futurus sit, & ille dominabi-
tur in laboribus eorum, quibus ipsi desudarunt:
an est quidquam tam vanum? Non est ma-
gnum, dare pauperibus in morte, quod tecum
auferre, aut quo diutius frui non possis, quodq;
velis nolis, relinquendum est. Gratiam quidem
habeo omnem eleemosynam, eo tamen disci-
mine, ut vnus sæpe nummus viuentis & sani
gratia mihi sit, quàm centum morientis: nec
enim tam censum, quàm affectum ego pondero:
is verò quantò maior in viuentibus quàm mo-
rientibus, quos ferè relinquendi necessitas po-
tius quàm pia voluntas liberales facit. Que-
cumque verò alijs pro te facienda committere

vis. per teipsum perficere stude : nam si moriens in æternum iueris supplicium, (verba Ioannis Lansbergij) testamenti tui apparatus, pompa funeralis, eleemosyna ac sacrificia post mortem quid conferunt damnato ? Hæc potius, dum uiuus, mibi sacrifica, vt non solum à peccatis libereris, sed etiam in gratia mea crescendo ad damnationem non peruenias, sed à peccatis me præseruante liber in bonis operibus ad finem vsque perseueres. Hæc qui multis ante mortem annis opere compleuerat, iure potuit scriptis suis idem alijs faciendum præscribere.

C A P V T XLII.

Epitaphium.

CYgneam iam Iacobi parænesin, quam sibi viuens vt vitę regulam concepit, moriturus correxit, & alijs etiam offerri voluit, libet auscultare, Epitaphium dico: quod non tam voluit incidi lapidi funerali, quàm omnium optarit fidelium insculpi cordibus, ideoq; præsentibus in funere distribui, quo cunctis relinqueret testatam vltimam suam voluntatem, omnesq; ad serium salutis proprię curandę studium inuitaret. Id verò est eiusmodi;

EPI-

EPITAPHIUM
HOMINIS CHRISTIANI,
VITÆ REGVLAM EXPRIMENS.

D. O. M.

Siste gradum, Viator;

HIC TERMINVS VIÆ ET VITÆ
TVÆ AC MEÆ.

ILLE EGO, QUI NATVS PRIDEM,
AC NOTVS ERAM SÆCVLO;

En denatus hoc iam lateo
nudus nullusq; Sepulcro.

PVLVIS, CINIS, ESCA VERMIVM.

VIXI ANNIS (N) PAVCIS,
SI SPECTETVR ÆTERNITAS:

Ad hanc tamen currendum mihi fuit
in stadio fugacis vitæ.

TEMPVS VIVENDI, vt BENE MORERER,
& VITAM MERERER IMMORTALEM,

Dedit mihi, & dat etiam pum tibi clemens DEVS.
ILLIVS, & OMNIVM QVOQVE MOMENTORVM
STRICTA à ME IVSTO IVDICI reddenda fuit ratio.
VTIQVE ERIT ET TIBI.

VIXI IN EO (N) STATV,
AC ID (N) MVNVS GESSI.

Qui mihi HONOS, idem ONVS fuit,
ô molestum & graue!

Miserum, esse qui non CAPIANT;
Mirum, non deesse qui CVPIANT.

I O . QVAM

O QUAM ME IVSSIT RIGIDAM
SUPREMVS PATERFAMILIAS

REDDERE RATIONEM VILICATIONIS MEÆ!

SI SAPIS, ET CREDIS AMICO
SYNCERE MONENTI,

Huc tu quoque te pars Quotidie;
NAM ex meo periculo te cautum reddi;
felicitis simul & sapientis erit.

POSSEDI DE TERRÆ BONIS
MODICA;

*(Attamen satis ad Vsum Vitæ, satis ad Votum,
quod NECESSITAS rexit, non Cupiditas.)*

Etiā horum, ad nouissimum vsque quadran-
tem reddenda fuit ratio.

*Esto. Res ANGUSTA fuit mihi;
sed (experto fas est credere)*

Sic tutius ad ANGUSTA pergitur.

O VIRI DIVITIARVM thesaurizatis;
& ignoratis, cui!

EGO NIHIL INTVLI IN HVNC MVN-
DVM, NIHIL EXTVLI.

Quod in Coelum pramissi per manus PAUPERVM,
Inueni; & hoc SOLVM;

Vos similiter, cum dormieritis SOMNVN vestrum,
aliud inuenietis nihil.

O AMICI, VIVITE LÆTI;
AT NON IMMEMORES LETHI:

En quondam lætus vos illeum, vos iam reliqui,
& à vobis relictus,

INI-

INIVI SOLVS ÆTERNITATIS ITER:
 QVOD ESTIS, FVI: QVOD SVM, ERITIS;
 QVIS SCIT, AN CRAS, AN HODIE,
 AN HAC IPSA FORSAN HORA.

*Memores estote iudicij mei, sic enim
 erit & vestrum.*

O HOMO BULLA, QVAM BREVIS HÆC VITA!
 QVAM LONGA ÆTERNITAS!
 VERE MOMENTVM, VNDE
 PENDET ÆTERNITAS;

Æternitas GLORIÆ & POENÆ:

Ad illam VIRTVS ducit;

Ad hanc VOLVPTAS.

ELIGE, SEMEL PERIISSE,
 ÆTERNVM EST.

HOC POSTREMVM TE ALLOQVOR:

Desiderans te habere consortem mecum in Terra
 Viuentium, vnà cum CHRISTO IESV,

In quo solo SALVS est & VITA Mortalium.

ILLI ò VIATOR VIVE, ILLI MORERE
 ET ÆTERNVM VIVES.

Ante mortem MORI vitij, mors est optima.

Beati mortui, qui in Domino moriuntur.

Dignum profectò Epitaphium, quod marmori incisum aureis literis inscribatur, & in latere templi, quod sepulcrum respicit, erectum, incurrat in oculos qui templum ingrediuntur, idque vt DD. Executores testamenti faciundum curent, multi eos obtestantur. Dignissimus eo honore Iacobus est, vt vel sic mortuus viuos hac cygnæa sua Parænesi non desinat memores salutis & nouissimorum reddere.

Vtinam verò beneuolus Lector ex hoc statuât, si non omni hebdomada, saltem in mense vel anno semel accuratè non legere tantùm hoc Epitaphium: sed pietatis consideratione trutinare, præsertim circa diem natalem suum: tunc etiam consultum est testamentum siue condere, siue conditum renouare, corrigere, perficere: pia legata decernere: nec sibi sequentem annum totum polliceri. Sic non imparatus ex hac vita quis euocabitur, qui sibi quotannis semel saltem mori didicit, omnibus ad mortem rectè comparatis.

Novit solertissimus animarum venator diabolus, quàm certa sit euasio laqueor-

queor
morta
men
lapid
ciar
deu
quea
Has v
cobo
Soda
cis pr
ribus
nator
Cleri
& sol
merc
pace
Ada
re

queorum & retium, (quæ ubique tendit
 mortalibus) per crebram nouissimorum
 memoriam: quare nullum non mouet
 lapidem, ut opum, honorum & deli-
 ciarum inescatos mortales cupiditate, sic
 deuinciat, ut irretiti præsentibus ne-
 queant sursum ad cœlestia subuolare.
 Has ut pedicas declinemus, addam à Ia-
 cobo nostro spiritualementem venationem in
 Sodalitate Ecclesiastico-Mariana Cleri-
 cis propositam, qua viuus depingit colo-
 ribus è sacris litteris petitis ingenium ve-
 natoris Diaboli: multiplices eius laqueos
 Clericis intentatos: Christi verò curam
 & sollicitudinem ut beneficiorum innu-
 merorum largitione, cœlestibus solatijs,
 pace, gaudioque bonæ conscientie veris
 Adæ funiculis sic animas obliget, ut nulla
 rei creatæ cupiditas possit à Christi
 charitate separe.



ORATIO PARÆNETICA

Habita à R.D.

IACOBO MERLO-HORSTIO

AD SODALES ECCLESIASTICOS

Ann. 1628. in Profesto S. HVPERTI,

& die Commemorati. omnium

Fidelium Defunct.

T H E M A.

*Dicet Dominus, Susceptor meus es tu, & refu-
gium meum, Deus meus, sperabo in eum:**Quoniam ipse liberauit me de laqueo venan-
tium, & à verbo aspero. Psal. 90.*

P A R S I.

*De Venatore Diabolo, eiusq; venatione.**Adm. R^d, Eximij, Clarissimi, & Vene-
rabiles Domini Sodales Parthenij.**Um demandata mihi esset paucis
ante diebus à R. P. nostro Sodali.
Praeside hoc die & hoc loco dicen-
di provincia, primum dispicere
mecum cœpi, casu an consilio hic
ipsa dies mihi ad dicendum obligasset, ut quæ
ipsum*

ipſus ad hoc munus me iure propè quodam in-
 uitare ac impellere viderem : Siue enim atten-
 derem primum Eccleſiæ inſtitutum, quo nobis
 hoc die Fidelium Animarum memoriam pro-
 ponit, amplum & perutile dicendi argumen-
 tum ſuggeri mihi videbam, vt de hoc Eccleſiæ-
 ſticorum officio ad animarum refrigerium piè ſticorum
 ac fideliter exſequendo in hoc conſeſſu verba fa- officium.
 cerem, quippe qui ex Eccleſiæ ordinatione &
 pia fidelium liberalitate ad hoc munus ſingula-
 riter vocari ac deſtinari videmur, vt animabus iuuare a-
 fidelium defunctorum quâ ſacrificijs, quâ pre- nimas in
 cibus opem ac ſuffragia præſtemus : Siue hunc purgato-
 diem conſiderem, quatenus peracto iam Veſpe- rio.
 rarum officiis feſtiuam S. Huperti memoriam Feſtum S.
 recolit, præclaram quòque mihi videbam dari Huberti
 dicendi materiam. Quidni? Hupertus illuſtris Venatoris
 ille quondam in ſeculo Princeps & venator, ſed
 longè poſtmodum illuſtrior in Eccleſiâ Sacerdos
 & Pontifex tot tamq̃ præclaris fulget virtu-
 tum inſignibus, vt meritò Sacerdotibus velut
 exemplum ac ſpeculum virtutis ac pietatis pro-
 poni debeat. Quod ergo dicendi argumentum
 capiam ? Prius hoc loco hætenus ſat luculenter
 tractari audiuiſmus, & doctiſſimâ pariter &
 p̃yſſimâ myſterium Miſſæ explicatione ad deuo-
 tam ſancti ſacrificij pro viujs & defunctis ob-

lationem instruimur & quasi maru ducimur:
 Itaque posterius mihi referuari video, idq; ego
 volens pro gloria & honore tanti Antistitis,
 quem utpote Patronum & tutelarem Ecclesiæ
 meæ iure veneror, quin & pro amore vestri.
 Sodales Ecclesiastici, non inuitus arripiam, &
 & Huperto duci sacram quandam seu spiri-
 tualem venationem instituam. Ne nimen offen-
 det, spero, sed omnes afficiet argumenti noui-
 nationem tas, aut potius excitabit utilitas: Ostendam e-
 nim quantum nostra inter sit, Venatores huius
 mundi eorumq; mores ac studia probe nosse; &
 veram nobisq; dignam venandi artem intelli-
 gere.

I.

Cogitanti mihi, quid sit hic mundus, in quo
 Mundus velut exules & peregrini à cœlesti patria degi-
 desertus est mus, videtur recte vastum quoddam desertum
 ac horridam syluam posse appellari, in qua o-
 mnis generis feræ ac bestia immane vagantur.

Duo mun-
 di vena-
 tores.

Hoc porro desertum suos quoque venatores ha-
 bet: eorum duo sunt, Deus & Diabolus, uterque
 animas. sed artibus studijsq; multum disparibus
 venatur: hic charitate, ille odio omni ac crude-
 litate ad venandum agitur: Hinc malignus Dæ-
 mon Princeps mundi huius ab ipso Christo
 vocatur, & Christus orbis reparator ac domi-
 nus, conditor ac moderator nominatur: hi am-

bo sunt primarij seu principes, qui venandi sibi
ius in hoc mundi deserto, quamuis non pari iure
vendicant. Ambo suos quoque vicarios, & velut
subordinatos ministros habent, quorum operâ
& ministerio suas exercent venationes.

Et quidem Diabolum venatorem dici, quis
miretur? Princeps quippe, vt dixi, mundi
dicitur: Principibus verò ius venandi competit.
Et si artes & studia venatorum attendere libet,
meritò venatorem dici apparebit. Quid enim?
aspicite venatores, quo studio ac labore innocuis
pariter ac nocuis animalibus parent insidias,
disponunt laqueos, retia tendunt, foveas oscul-
tè preparant, per saltus, arbusa, dumeta, ac
inuia quæque pergunt, vt bestiolam aliquam
in suam potestatem redigant, ac miseram dein-
de mactent, aut tractent ad libitum; & quam-
uis plerumque frustrentur spe sua, inanes lasi-
q; ac malè pasti domum remeant, non ideo vena-
tionem valere iubent, velut fracti laboribus
aut fatigati sumptibus; quin potiùs noua sem-
per ad venandum spe, noua alacritate, nouo de-
siderio rapiuntur. Semper illis aliquid crasti-
na promittit dies, quod hodierna negauit.
Hæc mecum perpendite, & an non hæc, reipsa
maligni venatoris studia ac mores adumbrent,
vos ipsi cogitate.

II.
Diabolus
venator.

Non e totus infaciendis laqueis, struendis insidijs & hominibus capiendis occupatur; vix: vt credi possit, quanto desiderio teneatur capiendi animas, quàm indefatigabili labore in eiusmodi venationem incumbat? Sed audite

1. Pet. 5.

Apostolum id luculentiùs exprimentem: Fratres, sobrij estote, ac vigilate; quia aduersarius vester Diabolus tamquam Leo rugiens circuit, quærens quem deuoret. Fingite vobis Leonem dierum aliquot inediâ laborantem, & quâ ille rabie obuiam fortè prædam insequitur, rapit, lacerat, & in viscera condit, eadem & longè maiore crudelitate Diabolum animas persequi & perdere velut in typo cogitate: vt non possit commodiùs venatoris illius ardor & rabies, quàm titulo leonis rugientis exprimi.

Quid mirum? ingens superbia illi magnam præbet audaciam: odium verò ingens humanum eius crudelitatem acuit, naturalis astutia ac intellectus subtilitas auget vires, ac tot annorum experientia fiduciam illi vincendi ac venandi feliciter præstat: vnde & vni huic operi velut trahente voluptate peruigil, ac infatigabilis insistit, cibi, somni, alteriusve negotij curâ, utpote corporis expers, non tangitur, quo minùs dies noctesq. venationi suæ vacet.

Quis

Quis tam callidi ac truculenti venatoris ex-
positus insidijs non metuat? quis non horreat? Crudeles
quis de salutis praesidijs non cogitet? Sanè vt ad
salutare in metum ac sollicitudinem nos exci-
taret Apostolus, graphicè huius venatoris rasti-
tatem ac potentiam describit: Induite ergo Ephes. 6.
vos, inquit, armaturam Dei, vt possitis
stare aduersus insidias Diaboli; non enim
est nobis colluctatio aduersus carnem &
sanguinem, sed aduersus Principes ac Po-
tates, aduersus mundi rectores, tenebra-
rum harum, aduersus spiritualia nequitiae
in coelestibus. O quàm multa his verbis indi-
cantur, quæ hos venatores potentes admodum
ac erudeles nobisq; formidabiles faciunt, ad-
uersus quos tamen nobis ipsis fragili carne cir-
cumdatis est depugnandum.

Quamobrem hic infernalis venator ijs pas-
sim titulis & nominibus in S. Script. describi-
tur, quæ non nisi metum ac horrorem spirant: lis de
velut i sunt, Draco, Serpens, Aspis, Basiliscus, ac
similia. Dominus ipse apud Iob horribilem Dæ-
monis formam depingit. De ore, inquit, eius
lampades ignis procedunt, sicut tæda i
gnis accensa, de naribus eius procedit fu-
mus, sicut ollæ succensæ & feruentis: ha-
litus eius prunas ardere facit, ac flamma

de ore eius egreditur. Deinde subdit: Non est potestas super terram, quæ comparetur ei; qui factus est, ut nullum timeat: omne sublime videt, ac ipse est Rex super omnes filios superbiæ. Merito ergo clamat
Apoc. 12. Angelus in Apocalypsi: Væ terræ ac mari, quia descendit Diabolus ad vos, habens iram magnam. Sed quorsum hæc? nimirum: ut cognitâ hostis nostri & infernalis venatoris potentia, serio cogitemus, qualibus presidijs, quàm sollicitè nos aduersus tantam rabiem muniri oporteat.

Nouerat hæc vtrique S. Prophetæ David, ac hinc merito Deum, velut salutis & libertatis suæ vindicem, quasi exultans præ gaudio, grata mente & deuota prædicat, dicens: Quia ipse liberauit me de laqueo venantium.

V.

Quos il-
laquea-
re tentet.

Electos.

Iobum.

Vt ergo id ipsum & nos melius cognoscamus, pergamus vltcrius, & videamus, quas qualesve feras hic potens & ferus venator artibus laqueisq; suis imperere audeat: nimirum escam potentis venatoris & Principis mundi huius non est, teste Iob, vulgaris & vilis, sed Electa, vnde piissimos & sanctissimos quosque aggreditur. Ecce Iob virum illum innocentem & vel ipsum Dei testimonio rectum ac timen-

tru-

truculentus ille venator eum exagitat? Sic vas
 I. Iectionis Paulum vehementer impetijt, ad- S. Paulū.
 uersus quem angelum Sathane, id est. scelerum
 incitorem destinauit, qui eum continenter
 vexaret; tanta enim eius erat superbia, vt ne
 illum quidem desperaret posse capi, qui iam
 pridem aërijs potestatibus sublimior in ter-
 tium cælum conscendisset.

Antonium quoque inuictum illum Athletam S. Antoni.
 quàm acriter preßit, quot illi laqueos, quot re-
 ria tetendit; ac quamuis diuino fultus robore
 Christi pugil ex acri quodam certamine Dia-
 boli fraudes fortiter elusisset; non tamen, vt
 inquit Athan. Antonio securitatem vincendi
 vnus dedit triumphus, nec Diaboli semel fra-
 ctæ defecere vires.

Verum audite ac obstupeſcite, qualem in de- Christo
 fertor prædam truculentus ille venator capturus Iesum.
 abeat: Ductus est Iesus in desertum à Spi-
 ritu, vt tentaretur à Diabolo, nempe hoc
 omnem superat admirationem, quòd ipsum
 Angelorum Dominum, ipsum cæli terræq; Re-
 gem, quem cœlesti testimonio Filium Dei esse
 audierat, laqueis suis irretiri posse non despe-
 raret. Viderat aliquoties hanc feram robore
 & viribus præpotentem dirumpere laqueos
 suos, non cessat tamen, sed nouas illi fraudes,

Leo Papa.

nouam audaciam insita nocendi libido suggerebat : tantum scilicet de natura nostra mutabilitate sibi promiserat , vt quem verum ex-
periebatur hominem , præsumeret fieri posse peccatorem.

Quod si ita est , quis nostrum huius tam audacis ac callidi venatoris artes non metuat , qui tam impares congregimur Achilli ? qua non confidentia vermiculos ac velut locustas aggreditur , qui Dominum Maiestatis tentare ausus est ? Hac quotidie legimus , audimus & scimus , & tamen non desunt , qui ducunt in bonis dies suos , qui otio & ignavia diffiunt , viuunt secure & splendide , carnis delicias & oblectamenta querunt , seculi mores & luxum sectantur ? quid est hoc aliud , quam hostem & venatorem tam potentem ad arma lacessere , immò quid aliud , quam ipsi laqueos & arma in nostrammet perniciem ministrare ?

VI.

Qualibus
laqueis
vitatur.

Ecccl. 9.

Quod quidem vt tanto maiori cura & sollicitudine fugiamus , non erit abs re , si , qualibus laqueis crudelis ille venator vtatur , dispiciamus , quis verò laqueos illos enumerabit ? tanta illorum multitudo est , vt Ecclesiasticus dicat nos in medio laqueorum ingredi , Propheta Regius eos pluuiæ ex aëre in terram cadenti comparet , cuius gutta omnem numerum excedunt : Pluet ,

in-

inquit
hac
laque
quad
disse
culu
tot in
bus no
tionem
inger
tot co
na, tot
quos i
& bib
Mira
ture
tent
mus
Græc
defixi
bens i
laque
impr
illici
creat
Cona
diuin
nostr

inquit, super peccatores laqueos. In via *Psal. 142*
 hac qua ambulabā, absconderunt superbi
 laqueum mihi. *Beatum sanè Antonium ferunt*
quadam vice aèrem laqueis vndiq; plenum vi-
disse, ac ille quidem inusitatum miratus specta-
culū intellexit, laqueos esse venatoris infernalis,
tot inquam fraudes, tot artes ac machinas, qui-
bus nos Daemon secum trahere nititur in perdi-
tionem. Verè quocunq; nos vertimus, laquei sese *Oīa plena*
ingerunt; quid enim sunt tot occasiones mali, *laqueis.*
tot conuersationes periculose, tot colloquia pra-
ua, tot peccandi pericula, nisi laquei Daemonis?
quos ille vigilantibus & dormientibus, edentibus
& bibentibus, loquentibus ac tacentibus tendit?
Mira est, attamē vera Sapientis sentētia: Crea- *Sap. 14.*
ture Dei, inquit, in odium factæ sunt, & in
tentationem animabus hominum, & in
muscipulam pedibus insipientium: vel ut
Græcus habet textus, εἰς πᾶσιδα, i. in laqueum
defixū. Indicatur hu verbis, inquit Eorinus, scri-
bens in hāc locum, Demones tanquā venatores
laqueos ac tendiculas ponere, quibus incautos
improvidosq; capiant, creaturarum dulcedine
illiciendo. Rectè quidem, non n. noxiæ sunt hōi
creaturæ, conditione naturæ suæ, aut voluntate
Conditoris, sed malitiā & inuidiā Daemonis, qui
diuina benefici i dolo inuidiæ suæ in animarum
nostrarum veneficia conuertit. *Tru-*

VII.

Triplicia bona nature, alia bona fortuna, alia bona gratia; quæ omnia in nos tam liberali manu effundit diuina bonitas, ut his in laudem Authoris & donatoris tam benefici vreremur, sed pro dolor his ipsis sepius ad iniuriam & contumeliam tanti benefactoris abutimur. Quàm multis natura bona, velut ingenij acumen, iudicij vigor, memoriæ firmitas, lingua facundia, corporis decor, & virium robur, vita longauitas fuerunt occasio ruinae, laqueus perditionis?

VIII.

Fortuna quoque bona, id est, diuitias & opes huius sæculi, inter diaboli laqueos accenseo; imò non ego, sed Apostolus: Ecce qui volunt diuites fieri, incidunt in tentationem & in laqueum Diaboli, ac desideria multa inutilia ac nociua, quæ mergunt hominem in perditionem; radix enim omnium malorum est cupiditas. Quid apertius? Multos sanè, teste Sapiente, perdidit aurum & argentum, multi dati sunt in auro casus, à minimo enim vsque ad maximum omnes auaritiæ student, Isaia teste. Hoc laqueo Iudam cepit, qui lucro ex preditione Magistri acquisito malè gaudens laqueo sese suspendit, & Diaboli præda factus est. Hoc laqueo cepit Simonem Magum, qui, quod gratis dari

aut accipi debebat, pecuniâ possidere tentauit. Verè beatus vir, qui inuentus est sine macula, & qui post aurum non abiit, nec sperauit in thesauris pecuniæ; sed quis est hic, & laudabimus eum?

Sed & Honores & dignitates huius sæculi, IX.
 ô quàm multis laquei mortis & perditionis æ-Honores.
 ternæ fuerunt! Sicut perdidit, inquit Eccles.
 inducitur in caueam, & vt caprea in la-
 queum, sic & cor superborum. Hinc Apo-
 stolus diligenter monet Timotheum, ne ad Epi-
 scopatum prouehat Neophytum, ne in super-
 biam, inquit, elatus, in iudicium, in op-
 probrium, ac in laqueum incidat Diabo-
 li. Hoc laqueo ipse Damon captus est, & hinc
 vim eius intelligens, libenter hoc laqueo uti-
 tur, vt quo scit homines velut honoris & emi-
 nentiæ cupidos facilè capi posse, & in eundem
 interitum trahi, nec sanè dubitauit Christum
 ipsum hoc laqueo & hac esca tentare. propositâ
 enim ante oculos mundi gloriâ, cunctisq; eius
 opibus & regnis: Hæc, inquit, omnia tibi
 dabo, si cadens adoraueris me. O quot fe-
 ras, quot (inquam) animas duobus hisce laqueis
 honorum & opum infernalis venator capit,
 quàm feliciter illi cedit his duobus laqueis in-
 stituta venatio? quàm multos trahit ad infe-
 ros?

ros: immò homines ipsi, vt se verè bestias, id est, insipientes ostendant, gaudent his laqueis irritari: dolent expediri, & quod miscrius est, certatim currunt ad laqueos, & inuident captis, qui capi non potuerunt.

X.
Gratia
bona.

Iam verò & ipsa gratia bona hominis agente id demonis malitiâ, in laqueum conuerti quis crederet? id tamen non rarò contingit, si enim videat malignus venator, se non posse à bonorum operum studio piorum mentes auocare, ipsius operis intentionem, à qua potissimum eius integritas pendet, corrumpere nititur, quod si ne hoc quidem assequitur, superbia & arrogantia laqueos inicit, vt homo sibi complaceat, ac præeminentia & sanctitatis opinione blandiri incipiat: nam cum alia vitia vitijs nutriantur, superbia eiusq; filia ambitio, & inanis gloria virtutibus ipsis pascitur & insolescit, cum solis virtutibus laudem & gloriam deberi intelligat, hinc fit non rarò, vt qui longo tempore fideliter Deo seruientes, & virtutum opera non segniter exercentes omnia iam propemodum pericula euasisse videbantur, in hunc quasi postremum Diaboli laqueum incauti & imprudenter impingant. Verùm breuius hæc persequor quàm fuerat instituti ratio, prolixius quàm patiatur temporis angustia: itaq; modum venandi illius maligni venatoris paucis ostendamus.

Et quidem illius venandi modum pulchrè de-
 scribit Gregorius: Priùs. inquit cōplexionem
 vniuscuiusq; aduersarius noster perspicit,
 ac tum tentationis laqueos apponit, alius
 namque lætis, alius tristibus, alius timidis,
 alius elatis moribus existit, quò ergo ad-
 uersarius occultius eos facillè capiat, vici-
 nascōplexionibus deceptiones parat. Què
 admodū n. aucupes varijs escis vtūtur pro varia
 auiū natura, quas illaqueare cupiunt, ita calli-
 dus hostis, diuersis malorum irritamētis ad illa-
 queandas animas pro varijs hominum ingenijs
 vtī solet, eos n. homines qui more pecudū viuūt,
 vilissimis carnis voluptatib. ad quas pecudū mo-
 re rapiuntur, inuitat; alios verò carni minùs
 deditos pecunie desiderio inflammat, generoso-
 res verò, qui pecuniā neglectā gloriæ student, ac
 populari magis auxiliū pascuntur, ambitionis ac
 superbiæ laqueo inuadit: ceterū pios homines
 & virtutis amantes frequēter sub imagine vir-
 tutis incautos decipit: facillè enim hys est huius
 venatoris laqueos agnoscere, cum detectā facie
 ad manifesta crimina impellit, et cū speciē vir-
 tutis ostēdat, facillè virtutis amātes illaqueat, sic
 & venatores, vt facilius certas quasdam feras
 capiant, ceruorum sibi terga obuoluunt, aut vi-
 ridi veste, aut plumatis tuniculis amiciuntur;

an non similiratione Princeps ille tenebrarum sapius transfiguratur se in Angelum lucis, non nisi virtutis ac honesti speciem præseferens, ut simpliciores & improuidos hac arte trahat in laqueum & perditionem?

XII.

Quæ cum ita sint, & tam immanis ac potentis venatoris insidijs exposita sit vita nostra, qui nos tot laqueis, ac tanta calliditate detinentes, persequitur: an ne hic locus aut tempus est dormiendi, ridendi, iocandi & lasciuiendi, an non potius vigilandi, & totis viribus vocibusq; clamandi ad Dominum: Heu mihi, quia incolatus meus prolongatus est, Libera me, Domine, de ore Leonis, ac de cornibus vnicornium humilitatē meam, Custodi me à laqueo, quem statuerunt mihi, & à scandalis operantium iniquitatem, Ps. 140. Verè ille felix ac beatus dici meretur, cui cum Propheta dicere concessum est: Anima nostra sicut passer crepta est de laqueo venantium; laqueus contritus est, & nos liberati sumus.

XIII.

Potuit id quidem sanctus Antistes noster Hubertus. Exemplo S. pertus iure merito dicere, utpote qui sese operibus diuinæ gratiæ ab omnibus his laqueis feliciter expediuit: Mox enim, ut desertis gentilitatis erroribus Christo nomen dedit, illustrem sæculi principem

Principatum & mundi gloriam contempsit, o-
pes & bona pauperibus distribuit, ne ullis ini-
mici teneretur laqueis, quo minus Christum
sequeretur, & Deo vacaret. Itaque cum Ro-
mam pietatis ergo viseret, & Sergius Pontifex
Rom. intellecto Lamberti decessu, dignum tan-
to Prasule in Tungrensi Cathedra successorem
quereret, Hupertus diuino iudicio tanti hono-
ris apice dignus est proditus, quem ille tamen
constanter planè recusans, postmodum tamen
inuitus & quasi coactus accepit.

In hoc verò vitæ genere totum se Deo & pro-
ximorum saluti dedit, ieiunijs vigilijs, oratio-
nibus instantissimè incumbens, docendo, visi-
tando, nulli vnquam labori pepercit, & qui
antea in seculo feras venari solebat, iam vena-
tor hominum factus, studio Religionis ac amo-
ris Dei succensus, longè ardentius feras venatur
Christo mactandas, id est, Brabantos iam tum
Idololatræ efferatis moribus viuendi ratione
parum bestijs dissimiles, Christiana religione,
charitate & mansuetudine imbuat, & quidem
vt diaboli laqueos declinare oporteat, tum do-
ctrina monitis, tum vitæ suæ exemplis ostendit.

O præclara, Deoq; chara, & nobis, ô Eccle-
siastici, digna venatio! alia quæ feras in campis
ac syluis persequitur, Conciliorum & Canonum

XIV.

Venatio
honestæ
ac licitæ
Clericis
de qua.

decretis, Clericis prohibita est, ut videre licet
 apud Gratianum, cap. Quorundam, dist. 34.
 in Concil. Aurelian. decretali, cap. Episcoporum,
 in Concil. Vien. & habetur in Clement. de statu Monach. denique in Concil. Trident. Sess. 24. de Reformat. Eadem malè quoque
 in Scripturis audit. Vnde Hieron. in Psal. 90. Penitus in Scripturis sanctis sanctum venatorem non inuenimus. At hac venatio sancta est, ad quam vos duce Huperto inuito: hac est illa venatio. de qua Dominus apud Ieremiam loquitur: Mittam eis multos venatores, & venabuntur eos, de omni monte, & de omni colle, & de cauernis petrarum, quem locum eleganter ac appositè ad nostrum institutum explicat P. Cornelius à Lap. Mittam eis venatores, id est, viros Ecclesiasticos & Religiosos, qui omnes homines etiam feros, uti Indos, Brasilijs, Peruanos, &c. in montibus & cauernis ferarum instar habitates venantur, ut Christo mansuefaciant: tales olim venatores fuerunt Apostoli, & qui Apostolorum vestigia secuti sunt, Lambertus, Hupertus, Xauerus, alijsq. innumerabiles: talium venatorum plena est omnis antiquitas.

XV.

Sed reflectamus oculos, & nostrorum tempo-

FUM

rum faciem contemplemur, o quomodo obscuro ^{Temporis}
 ratum est aurum, mutatus est color opti- ^{nostri mi-}
 mus? Dolens gemensq; dico, Sodales Ecclesiasti- ^{seria.}
 ci, qui Legatione pro Christo fungimur,
 qui feras, id est homines bestiales venari & la-
 queis maligni venatoris expedire debemus, ipsi
 laqueis eiusdem tenemur implicati Recolligite
 paulisper animo, quos antea descripsi laqueos,
 & an minus in Clero, quam in populo sauiant,
 vos ipsi iudicate. Quid de auaritia laqueis di-
 cam? quos nominare pudet & piget quid de
 ambitione, id est, de effrangi illo captandi hono-
 res, praelaturas & dignitates studio loquar?
 quam pingues hoc vno laqueo pradas in Clero
 capit crudelis ille venator?

Olim quidem sanctissimi viri & dotibus omni- ^{XVI.}
 bus ad regendum idoneis ornatissimi ad Ecclesia ^{Sancti vi-}
 primatum & ad sacras dignitates timide venie- ^{ri olim ho-}
 bant, anxij, imò & inuiti trahebantur, nunc vi- ^{nores fu-}
 deas permultos, qui cupide inuolet, & qui inui- ^{giebant.}
 tas (vt ita dicā) Ecclesias omni ad se cura ac con-
 tentione trahere non dubitent. Ecce Episcoporu
 illud lumen S. August. Adeo, inquit, timebam
 Epātū, vt qm cœperat esse iā alicuius mo-
 menti inter seruos Dei fama mea, in quo
 loco sciebā nō esse Epū, nō illo accederē;
 cauebā aut hoc, & agebā quantū poteram,

ut in loco saluaret humili, & non in alto
periclitaretur.

D. Gregorius quas non quasiuit latebras,
quid non fecit, ut summi Pontificatus apicem
fugeret? & nisi fulgentis de cælo columna in-
dicio deprehensus fuisset, nunquam ad illam se-
dem peruenisset. Mitto S. Ambrosium, S. Mar-
tinum, S. Hupertum, aliosq; innumeros, tam
studiosè ac sollicitè præfecturas & curas Eccle-
sia fugientes, quàm nunc auidè à multis qua-
runtur.

*Et plurali
tatem be-
neficiorū.*

Et illi quidem, etsi diuino nutu vnus tan-
tùm Ecclesie, vnus Episcopatus curam suscipe-
rent, gemebant, tremebant, querentes, quòd
impares tanto oneri ac curarum moli humeros
submitterent. imò si quando secum tanti mu-
neris difficultatem ac pericula perpenderent,
velut subito horrore ac stupore tenebantur ar-
toniti; illi, inquam, qui orationi instantes e-
rant, quibus hoc vnice propositum erat, aut
cum Deo, aut de Deo loqui, docebant, scribe-
bant, predicabant, vigilabant pro salute popu-
li, & pro commissi sibi gregis custodia se totos
& omnia lubentes impendebant. Nunc verò
curritur ad Ecclesiasticas Curas, tanquam sine
curis iam quisque victurus sit, cum ad Curas
peruenerit. Videmus enim nunc passim multos,
non

non vn
ra gra
tate v
non a
vllam
tatem
stande
S Bern
Altior
tiores
locus
gister
cuffit
diceba
na: A
Op
di ze
haben
cat: j
Erit f
spectes
quis D
verita
& in
Vaq
& ag
scient

non vnus tantum, sed plurium Ecclesiarum Cura grauari, & interim tamen in magna securitate viuere, otuari, ludere, stertere, venari feras, non animas, & congerendis studere diuitijs, nec vllam tam formidandi muneris sentire difficultatem, non angipericulo, nec vllò reddendæ tandem rationis metu turbari. Liberè sed verè S. Bernardus, scribens ad Eugenium, loquitur: Altiolem fortitus es locum, sed non tutiorem. Terribilis prorsus, terribilis est locus iste, vbi sedet potius egregius Magister, qui docuit terrena calcare, qui excussit manus suas ab omni munere, qui dicebat de corde puro, ac conscientia bona: Argentum & aurum non est mihi.

Optandus esset hoc saculo in multis Bernar- XVII.
^{voluntate, canone.}
 di zelus ac parrhesia, seu loquendi libertas: nam Monendi habentibus omnia, sepe deest, qui veritatem di- Libertate
 cat: sed an verum dicere ac docere nefas erit? ^{opus.}
 Erit sanè, si mores saculi ac hominum iudicia spectes. Dicat tamen liberè & intrepidè, quisquis Dei fauore contentus pro amore & honore veritatis inuidiam contempsit; dicat, inquam, & in vitia, non in homines aculeum figens:
 Væ qui coniungitis domum ad domum, Contra
 & agrum agro copulatis. Qua enim con- ambien-
 scientia Vos Curas Curis, Ecclesias Ecclesijs, tes plura
 beneficia.

beneficia beneficijs cumulatis? Vos qui pauperis Christi Ministros vos esse dicitis, eiusq; patri-
monio viuitis, qui & habentes victū & ami-
cū contenti esse iubemini? vos qui statum pro-
fitemini, cuius honor & integritas mundi opūq;
contēptu & cælestium bonorū desiderio potissi-
mū constat? an vnus forsan Ecclesiæ, ac pauca-
rū animarū cura non sit periculosā apud su-
premiū tribunal causam vestrā non faciet? Verē
p multa beneficia itur ad multa supplicia,
sed hic mentitur iniquitas sibi, ac auctori-
tatis dignitatisq; prætextu splendidius lau-
tiusq; vitæ gen⁹ sibi licere persuadet. Verū
& exter-
um splē-
dorem. erratis, o Ecclesiastici, qui externarū rerū appa-
ratu ac pōpa auctoritatē quaritis: Hæc est pru-
dentia filiorū huius seculi, Regum ac Principum
terre, dignitatis titulo vestiri, mollibus indui
& purpura ac bysso; epulari quotidie splendide,
magnos post se trahere famulantium greges,
diuitias ac gloriam suam ostentare; at verō fi-
liorum Ecclesiæ, cuius gloria ab intus est, id est,
Ecclesiasticorum, qui selecti de populo longē a-
lias viuendi leges profitentur, est, non hic con-
formari huic seculo nequam. Illorum est mo-
deste se gerere, ac dignitatem suam charitate,
eternus
stornat⁹
celesiæ. zelo, prudentia, pietate, modestia, cate-
risq; virtutibus magis, quā externo splen-
dore

dore t
Chri
moru
gnific
dore
conci
tur, q
gnitat

Ma
sacra
vita

Quar
debet.

ac An
norat

gibus

rori

quid

quid

rico,

ritate

nimir

liu ver

bus g

tas

mini

nihil

ore tueri. Hac humilitatis Evangelice, ac Christianæ moderationis professione plus sibi amoris & honoris apud homines, quàm magnifico famulatio, aut regie mensæ splendore, aut vestitu vario ac luxurioso sibi conciliarent, nimis enim fragili fulcro nituntur, qui rebus tam inanibus Hierarchicam dignitatem fulciri putant.

Maioribus utique ac dignioribus præsidys sacra illa Ecclesiæ Maiestas, id est, fide, ac vite meritis, ut inquit Canon Concilij Quarræ Carthaginensis Africani, stabiliri debet. Respicite præscos illos Ecclesiæ Patres ac Antistites summis infimisq; gratos ac honoratos, quorum scilicet auctoritas ipsis Regibus & Imperatoribus admirationi & terrori Imperatoribus rori fuit. Quid S. Ambrosium Theodosio, quid Augustinum Gratiano & Valentiniano, quid Annonem Colonensem Antistitem Heriberto, quid Heribertum Ottoni tanta auctoritate venerandos ac formidandos reddidit: nimirum illos virtus orbi suspiciendos ac Augustinus. S. August. S. Anno. S. Heribertus. lris venerandos fecit, frugalis vita Principibus gratos & amabiles, ipsa Christi humilitas in eorum moribus clarè resplendens omnibus fecit honorandos, ac exosculandos, nihil frugalitas gloriæ detraxit; nihil ho-

nori modestia , nihil simplicitas Authori-
tati derogavit : quæ quidem dignitatis tu-
ende ratio , si multis hoc tempore magis cor-
di esset , facesseret mox exitialis illa honorum
ambitio , ac opum furiosa cupido concideret,
exularet zelus ac contentio, coniungerentur o-
mnes in vinculo pacis ac charitatis, & contritis
inimici venatoris laqueis , ad sacra & cœlestis
venationis studia alacrius & expeditius perge-
retur.

Votum S. Bernardi Quis mihi det, vt verbis Bernardi loquar,
Lernardi votum meum exprimere ? quis mihi det,
antequam moriar, videre Ecclesiam Dei,
sicut in diebus antiquis? quando Aposto-
li laxabant in capturam non argenti, vel
auri; sed in capturam animarum? Quan-
do Pastores Ecclesiæ pascebant non se-
metipsos, aut canes, & equos : sed oves
Christi assidua sollicitudine curabant: ni-
hil vanitati, nihil mimis, ludis ac nugis im-
pendebant; sed velut Ecclesiæ fideles Oe-
conomi, imò patres pauperum, quidquid
supererat frugali & hospitali alimonix, id
omne pauperibus liberaliter erogabant :
Mitto exempla sacra, vnum laudabile omnino,
ac imitabile Amedei Ducis Sabaudia, non pos-
sum, quin memorem: Ipse, teste Munstero, ex-
ternis

ternis Oratoribus canes ipsius venaticos videre
 poscentibus, mendicos totius vrbis produci ius-
 sit, dicens: Hi sunt canes mei venatici, quos
 quotidie alo, ac quibus me cœlum vena-
 turum confido. Verè cœlo dignus venator.
 Remanent in seculo cuncta, quæ sunt sæculi, pauperes.
 sola misericordia comes est defunctorum. Nec
 memini, inquit, ni fallor, Hieron. mala morte
 obijisse, qui libenter opera misericordiae exer-
 cuit: sed quàm amarum aliquando est nonnul-
 lis accepisse panem filiorum, & misisse ca-
 nibus, quàm triste ac lugendum pauisse canes,
 equos, accipitres, quibus Dominus oves suas
 pascendas commiserat, dicens: Pascite oves
 meas, ipsi verò pauerint semetipsos, & canes
 maiori cura & sollicitudine, quàm oves Christi
 sanguine redemptas.

Ducis A-
 medei ca-
 nes vena-
 tici erant

Temporum iniquitate iam diu premimur,
 sed magna nobis affulget spes meliorum:
 confidimus tranquilliorē breui fore Eccle-
 siæ & Imperij statum: putamus mox con-
 flandos gladios in vomeres, ac lanceas in fal-
 ces conuertendas: O vtinam spem prouehat, ac
 votis annuat Arbiter Mundi DEVS: sed spem pro pace
 illam vehementer labefactat, adeo neglectus
 in Clero præsens, pietatis vigor & Canonum
 rigor: Seruentur Canones, & cessabunt

obtinēda.

hæreses, aiebat Adrianus VI. Pontifex: sed & cessantibus hæresibus quid interest fidei an morum corruptela homines ad interitum trahat?

*Opus Clo-
ri refo-
rmatione.*

quid ergo? viuat Clerus, & qui in Clero præ- sunt, Apostolicè, iuxta Canonam & Conci- liorum statuta mores vitamq; componant: militent Deo, nec se implicant negotijs sacu- laribus: sint irreprehensibiles, sobrii, casti, nec turpis lucri cupidi, Exemplum sint Fi- delium in verbo & in opere, tunc demum redibunt aurea & diu expectata secula: tunc pietas ac prisca fides reddita iuuentute & re- sumptis latentis efflorescet. Alias vereor, ne inani nos spe solemur, & frustra meliora speremus tempora, si in melius nostri non mutantur mores: an fallor, pro meritis ac moribus homi- num Deus vt beneficia sic & supplicia dispensat.

*Sequitur
populi
conuersio*

Iam verò morum corruptio sic & correctio vt plurimum à Clero pendet: est enim sicut Sacer- dos ita & populus: ergo pii, probi & ca- sti sint in Clero mores, integritas presidentium salus est subditorum, vt loquitur Concil. Trid. conemur, vt finem iungam principio, conemur omnes demonio laqueos procul à nobis repellere, vt dicere nobis liceat cum Propheta: Susceptor meus & refugium meum ac DEVS MEVS, sperabo in eum, quia ipse liberauit me de laqueo venantium & à verbo aspero.

Restabat altera Pars venationis nostræ de Christo venatore simili modo ac methodo expedienda. sed temporum angustia vetat, ad illam itaque vos aliàs inuito, interim conemur nos expedire à laqueis maligni, & tantò faciliùs capiemur zelo & vinculo charitatis Christi Salvatoris.

II. PARS ORATIONIS.

De sacra venatione Christi.

AD sacram & spiritualement venationem nos nuper festiva dies S. Antistiti Hupertor sacra opportunè vocauerat. Eius Partem priorem pro modulo virium iam pridem absolvimus: Alteram nunc promissi memor expediam.

Quod quidem ut tantò faciliùs fiat, necesse erit priorem venationis nostræ partem seu potius typum & sciagraphiam quandam paucis in memoriam reuocare. Diximus enim mundum hunc quasi vastum quoddam desertum esse, in eoq; duos potissimum venatores reperiri. Vnus est malignus Demon, qui à Christo Princeps huius mundi vocatur. Alter est Christus mundi redemptor ac Dominus. Ac ille quidem pro vehementi odio in genus humanum, crudeli ac rabiosa fame venatur hominum animas, ac varijs innumerisq; laqueis (velut ca-

ducis terræ bonis, opibus, honoribus, voluptatibus, curisq; ac vanitatibus sæculi, plurimos hominum fraudulenter capit, secumq; in perditionem trahit.

Christus
Venator
animarū Sed agedum nunc alteram producamus venationem, & illi maligno parallelas opponamus, qui nos liberet de laqueo venantium, & à verbo aspero: Christum, inquam, Salvatorem, qui ad hoc descendit de cælo, ut dissolveret opera Diaboli, & genus humanum, quod iam diu laqueis maligni venatoris captum tenebatur, eriperet, sibiq; in perpetuum sociaret.

Porro quàm rectè ac meritò Christum venatorem nuncupemus, facile agnoscer, quisquis venatorum mores, ingenium ac studia cognoverit. Oportet quippe venatores esse homines laboram patientes, nec otio & ignava quieti deditos, sed duris assuetos. Vtpote quibus frequens cæli inclementia & aëris iniuria perferenda, fames sitiq; & varia incommoda superanda sunt: Pernoctant, inquit Cic. in Tusc. Venatores in nive, in montibus vri se patiuntur. Vnde quibus mollis & delicata vivendi ratio nimium placet, minùs ad venationem censentur idonei. Sed ad hæc omnia sufficit verus amor, id est, vehemens ad venationem affectus & desiderium: Omnia enim vincit amor,

amor, & ipsa sæpe difficultas animum ad laborem acuit.

Videmus enim sæpius, quomodo montes & rupes prope inaccessas superent, fossas vallesq; transsiliant, inuia quæque penetrrent. Sic Maximilianum Cæsarem ferunt aliquando tanto ardore feram insecutum, ut curriculo rupem ascenderit, unde postea nonnisi ab accolis adiutus descendere potuerit.

Videmus alios Principes & Magnates venandi ardore descendere procul à suis sedibus & palatijs, dies aliquot vagari per saltus & nemora, diu noctuq; morari sub loue frigido, vile stratum, victum facilem, & sine arte mensam non respuere, incommoda varia libenter subire; tantum valet amor & ardor venandi.

Sed à venatoribus sæculi ad venatorem cœli, id est, Christum Salvatorem transeamus; quanto ille amore, quo desiderio venationem suam, id est, opus salutis nostræ prosecutus est? quanta fuit illa vis amoris, quæ hunc venatorem ex ipsa cœli arce & solio æternæ maiestatis in hoc mundi desertum, & hanc lachrymarum vallem deduxit, ut venaretur animas nostras Diaboli laqueis irretitas? Venit enim querere & saluum facere, quod perierat.

O quæ hunc venatorem cura sollicitat? quor

se laboribus cruciat? quot itinera conficit? Vē-
deas illum modo à Galilæa in Iudæam ambula-
re, vicso & castella circumire, nusquam sibi
parcere, nullam sibi quietem imperare, vndique
discurrere, ac feras, id est, animas peccatorum
peruestigare.

Desiderio
earū oīa
perfert.

O mirum venandi zelum, ô ingens deside-
rium! rerum omnium Conditor, Solis ac sīde-
rum fabricator, nostri causâ creaturarum in-
iurijs obnoxius sit, astu Solus vritur, frigore con-
stringitur, ventis agitur, fame premitur, si-
tim patitur, & itinerum labore fatigatur. Et
ecce, dum vna vice venationis sue murus exse-
quitur, & lustratâ Iudæâ pergit in Galileam,
venit ad ciuitatem Samariæ, inquit Euangeli-
sta, & subdit: Iesus autem fatigatus ex iti-
nere sedebat supra fontem sic, & sitiens
à Samaritana petit haustum aquæ, dicens: Da
mihi bibere. Sed quid sibi volunt hæc verba,
& sacer Euangelista: Sedebat sic, &c. nimirum
plura intelligi, quàm exprimas. Sedebat ergo
sic, quasi viator & venator lassus, quiescere & ses-
sione, nec non aquæ haustu vires refocillare cu-
piens. Sedebat sic, quasi homo infirmus & infi-
mus aliquis è plebe: Sedebat sic, quasi non esset
rerum omnium Dominus, laborantium refe-
ctio, esurientium panis, sitientium potus, mise-
rorum robur ac fortitudo.

Sed

Sed quid mirum? si tam difficilis ac laboriosa
fuit ista venatio, nec enim obuium & ante oculos
fuit quod caperet. verum & patienter &
multo sudore pradam inuestigare debuit. Hoc
indicat per Ezechiel. Dominus his verbis: Erra- *Ezech. 34*
runt greges mei in cunctis montibus, & in
vniuerso colle excelso, & super omnem fa-
ciem dispersi sunt greges mei, & non erat
qui requireret, non erat, inquam, qui re-
quireret. Errabant scilicet homines varijs ab-
ducti desiderijs & affectibus, quia per varia bo-
norum genera, in quibus sublime & excelsum
aliquia apparebat, tanquam per varios montes
& colles vagabantur: & dum vndiq; pabula ma-
lignae fami querunt, longius ab hoc animarum
venatore & salutis auctore recesserunt. Vnde *ut errantes colligat*
quia tam varius & multiplex erat ferarū error,
ad quas cælestis venator è cælo querendas & ca-
piendus venerat, nil mirum si tot itineribus, tot
laboribus, tot incommodis fatigari debuit. an-
tequam gregem adeo dispersum & errabun-
dum colligeret. Et tamen videre erat Domi-
num mira animi alacritate & promptitudi-
ne ad hæc omnia properare, immò, exulta-
uit, teste Propheta, vt Gigas ad eurren- *Sic et ea-*
dam viam, id est, ad opus salutis nostræ con- *tiū ingens*
summandum, ad quod adeo vehemēter anhele-

bat, vt omnis illi mora nimium grauis & molesta videretur. Sanè nimium dilatio spei ac rei cupitæ vehementer affligit animam; quid verò illi magis in votis, quàm salus humani generis? quid homini famelico optabilius, quàm cibus? quid sribundo iucundius, quàm potus?

& fames. Et meus cibus, inquit Saluator, est, vt faciam voluntatem Patris mei, id est, vt opus redemptionis humanæ perficiam, ad quod Patris æterni voluntate destinatus sum: idq; luculenter ostendit, cum imminente Passionis sue die diceret ad Apostolos: Desiderio desiderauimus hoc Pascha manducare vobiscum.

Tempore. Sed & cum paulò antè Apostolis Passionis sue Passionis mortisq; diem prædiceret, Petrus, qui huius rei mysterium carnali adhuc sensu præpeditus non assequabatur, indignum ratus Dominum tot laboribus ac iniurijs, tot probris & contumelijs subijci, ab hac intentione Christum reuocare conatus est, dicens: Absit à te, Domine; non erit tibi hoc. Cui Dominus: Vade post me, Sathana, scandalum es mihi, non enim sapijs, quæ Dei sunt, sed quæ hominum. Mira verborum acrimonia, vehementis correptionis acerbitas. Nonne his verbis: Vade Sathana, usus est, cum à se Demonem repulit, qui ab eo rem indignissimam,

id

id est, adorationis cultum exposcere ausus est, cui dixit: Vade Sathana, & modo eodem verbi fulmine discipulum ferit, quem paulo antè ob fidei confessionem, ac Patris reuelationem beatum predicauerat, cuiq; Ecclesiæ suæ principatum commiserat? Quid igitur hinc colligimus? nimirum immensam Christi in nos charitatem & ardentissimum salutis nostræ desiderium? Nam quibus verbis Demonem ad indignissimum facinus prouocantem perculit, eisdem Petrum à salutis nostræ opere deterrentem castigauit: adeo enim moleste hoc consilium tulit, vt velut à Sathana profectum derestaretur.

Ergo quem tanta charitas ad venandum, id est, querendum animas hominum impulerat, contrarijs consilijs aut conatibus se praeferendi non finit, quo minus cœptum venationis suæ curriculum avidus prædæ conficiat, per-rumpit omnia obstacula, & dura quæque constanter superat, nec aquæ multæ potuerunt extinguere charitatem. Omnia hæc Vinculis
 amorem, omnia charitatem spirant, imò amo- amoris &
 re solo omnis isthac venatio agitur, solo amore beneficio-
 tot feræ, id est, tot animæ feliciter capiuntur, capit.
 nec enim nudus & inanis est ille amor, sed qui
 tot clarissima indicia, id est, beneficia re ipsa

prodit: iam verò quid sunt beneficia, nisi vincula? qui beneficia inuenit, compedes inuenit, ait ille, quidni & aliquid compedibus maius: vincula enim hac pedes tantum ligant, beneficia verò non modo corpus, sed etiam animum, atque præcordia ipsa charitatis nexibus vin-

Prou. 28. ciunt. Vnde Salomon ait: Victoriæ & honorem accipiet, qui dat munera; angustum autem aufert accipientium. Quid ergo mirum, si tam feliciter homines ceperit, sibiq; deuinxerit hic cælestis venator, qui tot compedibus, id est, tot beneficijs & amoris indicijs humanum sibi genus obstrinxit. Hoc ipse Dominus futurum confirmauit, cum dixit: Ego, si exaltatus fuero à terra, omnia traham ad me ipsum, hoc est, si homines per Euangelistæ prædicationem me Dei Filium mundiq; conditorem agnouerint, quodd scilicet Ego, cuius gloriæ nihil accedere nihilq; decedere potest, tanto tamen humana salutis amore ductus fuerim, ut quo eos à peccatis liberarem, & æternis bonis ditarem, mihiq; amoris vinculo coniungerem, humanam carnem induerim, tot labores ipsumq; doloris crucis supplicium pertulerim; si, inquam, hoc firmiter crediderint, & diligenter expenderint, non dubito, quin hac charitatis & bonitatis

meæ magnitudine excitati ad retia mea certatim confluant, solos se obsequio meo addicant, & tanto amoris amoris vicem reddere, mihiq; deinceps indissolubili charitatis nexu adherere desiderent.

Enimverò quamdiu Dux residebat in Augusto illo gloriæ ac maiestatis suæ solio, unde furoris ac iustitiæ suæ tela in improbos vibrabat, pauci admodum illum sequebantur, pauci erant, qui capi sese ab illo sinerent: at ubi inclinavit cœlos, & descendit, ubi à maiestate sua ad humilitatem nostram, à seueritate sua ad lenitatem deflexit, ubi Verbum Caro factum est, & qui in forma Dei erat, semetipsum exinaniuit, serui formam accipiens, & aeterno Patri ad mortem crucis usque factus est obediens, tunc homines tantam Dei erga se bonitatem, charitatem, misericordiam vehementer admirati illum toto corde sequi, seq; totos illius obsequio deuouere cœperunt. Et aduerte hic, queso, quàm præclare Dominus noster perfectam veri venatoris imaginem exprimat: venatores enim aliquando alium sibi amictum, velut viridem, plumatum & venandis certis quibusdam feris magis idoneum circumdant. Eodem planè modo Christus alium sumpsit habitum, & dissimulata ad tempus

veste con-
colorem
iis sumis.

regia

regia & diuina maiestate serui formam accepit. sicq; in hoc mundi desertum processit: nam si conspicuâ & apertâ maiestatis suae gloriâ prodiret, omnes ferae protinus ab oculis eius diffugerent, utpote cuius vultum & dignitatis splendorem ferre non possent, velut cum olim Dominus in monte Sinai legem daturus descenderet, tantus populum vniuersum maiestatis illius terror inuasit, ut propior ad montem accessus omnibus horrore esset, & dicerent ad Moysen: Loquere tu nobis, non loquatur nobis Dominus, ne fortè moriamur. En quomodo praeda diffugiat maiestatis horrore concussa. Quid ergo? Trinitatis suae gloriam tantisper dissimulat, in similitudinem hominum factus, inter homines conuersatus, & habitu inuentus ut homo, sicq; blandè & suauiter conciliat sibi hominum animos, quorum oculis non alia quàm humana sese specie repræsentat. O quis verbis exprimat quantam amore ferarum, id est, animarum multitudinem cøperit. & ad se traxerit.

Canes

Verum, quibus ad venandum canibus cœle-

venatici

Christi

sunt Ec-

clesiastici

stis ille venator utitur? Canes illius nos sumus, ô Sodales, quot quot in Clerum adscripti legatione & venatione pro Christo fungimur, & Christo ad quærendas animas operam nostram

addi-

addiximus: non est cur refugiat quisque canem
 se dici, audiens: symbolum enim vigilantia ac si. Vigiles.
 delis custodia canis est: at quos magis oportet
 esse vigilantes, quam quibus Dominus gregis
 sui custodiam commisit. Vnde arguit Deus per
 Isaiam Prophetam speculatores, id est, Rectores
 & Praefules Israël: Speculatores Israël cæ. Isa. 56.
 ci omnes, nescierunt vniuersi, canes muti
 non valentes latrare. Canes ergo Christi nos
 sumus, qui tum dicendo, tum orando, animas
 Christo venari & lucrari debemus; sed vā ca-
 nibus mutis, qui non valent latrare, quibus aut
 ambitio, aut cupiditas, aut fauor, aut timor os
 obstruxit. Clama, ne cesses: annuncia po. Latrātes.
 pulo scelera: Canes ad pastum & ad ventris
 saginam abiecti, pigri, inertes, ac in prato
 stertentes ad venationem inutiles. Foris canes.
 Canes venatici debent esse corpore gracili & Agiles.
 tenui, agiles, vt expediti sint ad cursum; non
 grauari crapula & curis huius sæculi. Canes
 bene instituti non deuorant captam prædam,
 sed Domino offerunt, pro ipsius arbitrio capta
 præda relinquitur, & pars quedam canibus
 proyicitur. Sic nostrum est venari animas, in- Paruo
 terim non nostrum lucrum, commodum, aut contenti.
 honorem, sed Christi gloriam querere, ab il-
 lus liberali prouidentia pendentes, qui suis
 mi-

miniſtris neceſſaria providebit, aliàs meriti
queritur & minatur: Vnde Paſtoribus, qui pa-
ſcunt ſemetipſos, qui lucra ſua, non Chriſti
querunt.

*Vincula
venatoris
Chriſti
& retia,
beneficia
varia.*

Sed quibus machinis, quibus funibus aut vin-
culis venator noſter Chriſtus utitur? Certè, ut
antè dixi, amore ac beneficijs ſummi amoris
ac benignitatis ſua argumentis. Hi ſunt illi fu-
nes, de quibus per Prophetam Dominus ait: In
funiculis Adam traham eos, in vinculis
charitatis. Notat Ribera, Cornel. cateriq; In-
terpretes, pro his verbis: In funiculis Adam,
in Hebræo legi: In funiculis hominum. Sed
audite ſenſum elegantem ſanè, & propoſito no-
ſtro pulchrè congruentem: In funiculis homi-
num traham eos, id eſt, cepiam & traham eos
ad me, non qua ratione indomiti tauri atque
fera capiuntur, & funibus ligantur, ſed qua
homines beneficijs allekti ad benefactoris ſui a-
morem incitantur. Generoſus quippe eſt ani-
mus hominis, & potiùs ducitur, quàm tri-
bitur. Traham eos ergo ad me, non eo modo
quo antea trahere conitus ſum, videlicet ter-
roribus, miniſ, atque verberibus, quomodo
trahi iumenta ſolent, quæ cum ratione ca-
reant, metu, virgâq; reguntur: ſed potiùs a-
more, miſericordiâ, bonis atque beneficijs, qui-
bus

*Dus omnium animos, plus quàm vinculis ferreis
ad me traham.*

*Quàm verò feliciter hæc vincula charita- Feliciter
tis vinciant , primorum fidelium exemplo his ca-
discimus : nam cùm in die Pentecostes piuntur
charitas Christi per Spiritum Sanctum dif-
fusa esset in orbem terrarum , ipse Petrus
mox quinque millia animarum vna venatio- s. millia
ne seu vna concione cepit , & ad Christum vnâ die.
traxit. Sed & vim charitatis in ipsis Aposto-
lis contemplari libet ? Ecce Petrus , cùm
necdum diuinæ charitatis viam satis agnosce-
ret , vt Dominum suum vinctum vidit , ad
vilis & infimæ ancilla vocem eum nega-
uit , & deseruit , cuius obsequio se paulò
antè in mortem vsque deuouerat , ceteriq;
Discipuli simili formidine perculsi , relin-
cto Præceptore , fugerunt ; at intuemini
eundem Petrum , ceterosq; Discipulos , vbi & ipsi A-
charitatis vincula , emissus de cælo spiritus postolæ.
Sanctus eorum cordibus indidit ; adeo solidâ
fidei charitatisq; constantiâ Christo adhas-
erunt, vt non modò ante Reges & Præsides addu-
cti nihil formidarent , sed summæ etiam glo-
riæ & gaudij loco ducerent , pro nomine I E-
S V iniurias & contumelias pati , & mille
etiam*

etiam vincula & cruces pro Christi gloria subire.

S. Petrus. Petrus sanè, cùm maximis quotidie vocibus Crucifixi gloriam in omnium oculis predicasset, in Senatum Iudeorum adductus, (quò Annas Princeps Sacerdotum, & Ioannes, & Alexander, & quotquot erant de genere Sacerdotum, confluxerunt) & ab illis, in cuius nominis virtute claudum quendam sanasset, interrogatus, hac animosa inuiolabilis fidei verba respondit: Principes populi & Seniores, si nos hodie dijudicamur in benefacto hominis infirmi, in quo iste saluus factus est, notum fit omnibus vobis & omni plebi Israël, quòd in nomine Domini nostri Iesu Christi Nazareni, quem vos crucifixistis, quem Deus suscitauit à mortuis, in hoc iste adstat coram vobis sanus: hic est Lapis, qui reprobatus est à vobis ædificantibus, qui factus est in caput anguli: & non est in alio aliquo salus: Neque enim aliud nomen est sub cœlo datum hominibus, in quo oporteat nos saluos fieri. Quid quæso hac responsione fortius, quid constantius, quid mirabilius? Quid te, ô beate Piscator, ita animauit? vnde tibi tanta vis, - tam insuperabilis constantia?

quis

quis pectus istud, adeo pusillum, ut vilis femina
vocem paucis ante diebus expauesceret, sic ar-
mauit, ut totum Iudeorum Senatum atque
Concilium insuperabili fortitudine protereres
atque calcares? Nimirum iam diuina Magi-
stri tui charitate captus tenebaris; illa, in-
quam, amoris vincula iam te Christo ita forti-
ter adstrinxerant, ut nec Sacerdotes, nec
Principes populi, nec ipsa inferorum porta
te à fidei & confessionis constantia deinceps di-
mouere possent.

*Simili charitatis nexu ac vinculo Aposto-
lum eius Paulum à Christo captum vinctumq;* S. Paulus
aspicite: Quis nos separabit à charitate
Christi? tribulatio? an angustia? an fa-
mes? an nuditas? an periculum? an gla-
dius? Sed in his omnibus superamus pro-
pter eum, qui dilexit nos: Certus enim
sum, quòd neque mors, neque vita, ne-
que Angeli, neque Principatus, neque
Virtutes, neque instantia, neque futura,
neque altitudo, neque profundum, ne-
que creatura alia poterit nos separare à
charitate DEI, quæ est in Christo IESU
Domino nostro. En admirabilem Apostolicæ
charitatis vim & ardorem pari verborum acri-
monia & asseueratione eleganter expressam.

Quid

Sancti
Martyres

Quid enim esset, quod Apostolorum pectus ab amore Christi Saluatoris auelleret, tam forti amoris vinculo, tam firmo glutine adstrictum, atque deuinctum? O quam merito illi illo & generoso titulo sapius repetito in Epistolis gloriatur Apostolus: Ego vincus in Domino, &c. Sic ceteri quoque Sancti ac Martyres, inprimis, cum Christi tanta pro salute nostra patientis charitatem, & immensa bonitatis eius beneficia expendere, amoris vinculis Christo tam firmiter innexi sunt, ut potius à corpore, quam à Christo, animo separari se paterentur & vltro mortem oppeterent, ut Domini charitatem sanguine restitam sanguine pensarent. Et quid nos facere par est, Ecclesia- & Viri Ecclesiastici, an minora in nos Christi beneficia, an leuiora charitatis vincula, quibus nos sibi deuincit? Mitto cetera, & omnibus communia: Nonne ingens diuina clementia beneficium est, quod nos elegerit de populo, & voluit fungi Sacerdotio, & habere laudem in nomine ipsius, quodq; nos velut amicos intimos & consiliarios in domo illa immensa, quæ est Ecclesia, reliquit; nosq; sibi propius asfidere fecit, & Corporis sui sacra mysteria cæteris dispensanda commisit, quis hoc beneficium pro dignitate aestimet, quod Angelis negatum,

nobis datum est, Corpus Christi sacris verbis
consecrare, Christum in ara diuini muneris
mysterio presentem sistere, obediente Deo voci
hominis mirantur homines, obstupefunt An-
geli, & tantam bonitatem supplices veneran-
tur. Et ipse Sacerdos immemor felicitatis & di-
gnitatis suæ inter hæc aridus vagusq; consistit,
hæc non attendit, non considerat? Certè se tot
beneficijs capi non finit, sed maligni laqueis te-
netur: Vnde graui nos culpæ adstringimus,
quando cœlestem venatorem sequi nolumus.

Itaque nunc rete cœlestis venatoris seu vin-
cula vidimus, nunc quibus illa potissimum ten-
dat, videamus. Quemadmodum malignus ve-
nator pijs potissimum hominibus laqueos & in-
sidias parat, de peruersis enim modica illi cura
est, utpote quos iam tenet laqueis, & iugo serui-
tutis suæ premit; sic Christus impios & pecca-
tores maximè quarit. Quis de hac dubitet: sic
de se ipso palam testatur: Non veni vocare
iustos, sed peccatores; an quòd iusti ope Sal-
uatoris non egent? minimè, nec enim sine
illo iusticiam suam tueri iustus poterit, sed
quòd peccatores, ut resipiscant à diaboli la-
queis, à quo captiui tenentur, magis egeant
auxilio gratiæ, tum quòd virtus & gloria
venatoris in his capiendis magis elucescat.

Maximè
peccatori-
bus Chri-
stus retia-
rendit.

Ut

Vt enim Nauta ars in tempestate, & scientia Medici in desperata valetudine magis conspiciua est, sic Venatoris ars & dexteritas in feris indomitis, prægrandibus, magisq; crudelibus velut Vrsis, Leonibus, Tigridibus, Apris, alijsq; capiendis magis se prodit, quàm in mansuetis & cicuratis animalibus, quæ leui opera capiuntur. Sic, inquam, supremi Venatoris virtus & potentia in efferatis & indomitis bestijs, id est, peccatoribus capiendis magis elucescit. Vnde docent Theologi, conuersionem vnius peccatoris maius esse opus diuinae potentiae, quàm creationem & gubernationem totius vniuersi. Talia quidem monstra & immanes belluas cepit, cum in telonio Matthæum, in conuiuio Magdalenam, Latronem, Petrum in atrio, in i-Publicão tinere S. Paulum, in templo Publicanum, & alios alibi peccatores venatus est. Quorum quidem venationi adeo deditus erat, vt ob frequens & familiare cum Peccatoribus & Publicanis commercium superstitiosa & præpostera Phariseorum religio varijs eum calumnijs impetere non desineret.

Esca Christi. Sed iam post funes & vincula, quæ diuinus Venator ad venationem adhibet, restat, vt escam, quam vinculis, apponit, videamus.

Demoner
cione vol
dique iu
nere,
sus nud
quam:
nulla gr
queat. Q
uitas, di
rabiliter
vita stad
hacesca
trahat, v
& omni
ma peni
cissima
ra supe
nes qu
refician
esse cur
stram m
potenti
di, qui
nibus
quid la
titis ci

Demonem sanè diximus in superiore Con-
 cione voluptatibus & carnis blanditijs mun-
 diquē illecebris, velut escam laqueis suis appo-
 nere, & sic animas illaqueare. An Chri-
 stus nuda sine esca vincula apponit? nequa-
 quam: escam apponit, quā nulla suauior,
 nulla gratior, nulla prestantior inueniri
 queat. Quid enim illa interni hominis pax, sua-
 uitas, dulcedo, seu gaudium spiritus, quo mi-
 rabiliter animæ Christi charitate capta in huius
 vitæ stadio pascuntur, & delectantur, quem
 hac esca non alliciat, imò quem non vi quasi
 trahat, vt in Christi vincula pedibus manibusq;
 & omnibus membris, imò totus corpore & ani-
 ma penitus ligandus concedat. Ecce verba dul-
 cissima inuitantis nos Venatoris, Verba dulcio-
 ra super mel & fauum: Venite ad me om-
 nes qui laboratis & onerati estis & ego
 reficiam vos, Ego inquam, cuius delitiæ sunt
 esse cum filiis hominum, Ego, qui vitam ve-
 stram mea longe cariorē habeo: ego qui tot
 potentie & clementie erga vos argumenta de-
 di, quid appenditis argentum non in pa-
 nibus & laborem vestrum non in saturitate?
 quid lassamini in via iniquitatis? quid quæ-
 ritis cisternas dissipatas quæ continere

Consola-
 tiones cœ-
 lestes.

L

non

*Dulciores
omnibus
mundi vo-
luptati-
bus.*

non valent aquas qua ſitum extingunt, ſed
potius excitant: haurite aquas in gaudio de
fontibus Saluatoris, ex quo qui biberit,
non ſitiet in æternum: quid fertis graue &
importabile pondus ſæculi, eniugum meum
ſuaue eſt & onus meum leue. Verè verè
eſt amœna & floribus delitijsque plena videat-
ur via ambulantium in deſiderijs cordis
ſui; eſt gravior multis ſit eſca malorum volup-
tas, vtpote qua blandâ fronte multos illi-
nat, attamen contritio & infœlicitas in
vijs eorum, & viam pacis non cognoue-
runt. quis verbis exprimat quot curis, motibus
doloribus, ac laboribus, varijsque cupiditatum
opibus impiorum vita exagitetur, interim ma-
gnâ pacis dulcedine gaudet vita piorum, &
dulci ſomno fruuntur viſcera temperan-
tis vt inquit Sapiens. Eleganter Thomas de
Kempis, Si eſt gaudium, inquit in mundo,
hoc vtique poſſidet puri cordis homo,
&, ſi eſt alicubi tribulatio, hoc melius
nouit mala conſcientia. Hoc gaudio &
hîs delitijs Sponſa illa fruëbatur, cum cœleſti
Sponſo diceret Meliora ſunt vbera tua vino
fragrâtia, vnguētis optimis: vberum autē
nomine lacteam diuina ſuauiſſimæ eſcam intel-
ligit,

ligit, qua
non mod
conſta
ſibi conſ
mundi v
conſcien
animoru
gaudium
omnes c
nant?
num ve
noſtra
noſtræ.
Quam
tutis a
at infin
Sed ple
rum?
quam
apud eo
diuina
Deus e
futura
arque
bonoru
ſpiritus

igit, quam vino, hæc est, omnibus mundi delitijs
non modo puriorem; sed etiam dulciorem esse
constat. An non suauius sit gaudium, quo mens
sibi conscia rectè vós reficit, quam quod omnis
mundi voluptas in corde vestro relinquit? Testor
conscientiam vniuscuiusque vestrum: & ad
animorum secreta prouoco; Nonne maius vobis
gaudium sincera pietas, & amor Dei, quam
omnes carnis deliciae, suis sectatoribus propi-
nant? Ita prorsus est: Vicisse voluptates ea de-
mum vera & sincera voluptas est: & gloria
nostra hæc est testimonium conscientiae
nostrae, Dulcius est seruire Deo, quam seculo.
Quam multa sunt castitatis, & perfecta vir-
tutis ac pietatis, quam liquide voluptates?
at infinitis doloribus carnis lenocinia emuntur:
Sed plures caro quam pietas trahit: quid mi-
rum? pauci qui amant gustare & videre
quam suavis sit Dominus: ideoque ignoti
apud eos nulla aut exigua cupido est: O mira
diuina prouidentia dispensatio, animaduertit
Deus ea mente atque ingenio homines esse: vt
futura minus curent, presentium vero fructu
arque specie magis capiantur; ideo futurorum
bonorum prægustum quendam & presentem
spiritus dulcedinem instillat, vt homo alias ad
L 2 futu-

futura & spiritualia tardus, hisce velut calcari-
bus, ad ea magis exstimularetur.

Sic & natura conditor in his, quæ ad indiui-
dui & speciei conseruationem pertinent, quan-
dam voluptatis illecebram posuit, quâ res omnes
inescate operibus ad vitæ vsum necessarijs nun-
quam desunt, quid vero in rebus humanis magis
necessarium quam pietas & virtus, omnia quæ-
que suauissimis diuini Spiritus delitijs sepiuit &
dulcorauit, vt hac veluti esca illecti ad eius cul-
tum & amorem traherentur.

Stillam
eorum gu-
stauit S.
Petrus in
monte
Thabor.

Gustauerat hanc Spiritus dulcedinem Petrus
in monte Thabor, mox omnium inferiorum
oblitus, clamat, bonum est nos hic esse, per-
sistamus, hic moremur, tuique vultus splen-
dorem iugiter contemplemur. Vnam, inquit,
August. stillam dulcedinis ille gustauit, &
omnem aliam fastidiuit, nec solum fastidiuit,
sed etiam gaudio illo omnes animæ sinus pene-
trante & plenissimè occupante, extra se potius
& cœlesti vino ebrius, quid eliceret nesciebat,
cum tria tabernacula in monte illo fieri postu-
labat. Ostendit & hanc dulcedinem Rex ille
Maurorum Scalacopius de quo Aeneas Sylu.
in hist. Bohem. Cap. II. qui regno pulsus cum
tribus Anachoretis ad mortem vsque ignotus
hu-

humilem vitam egit: extremo autem vite Spi- *Et Rex*
ritu his verbis omni memoria dignis eos est al- *Maurorū*
locutus. Nondum quis fuerim nouistis. *factus A-*
nachoreta.

Rex ego Maurorum prælio victus ad vos
cōfugi, & regiā vitam & priuatā expertus
miorior. Nulla regni fortuna est tranquil-
litati eremi præferenda: hic securus som-
nus, dulces herbas, & radices atque vndas
afficit: ibi curæ atque pericula nullum ci-
bum, nullam potum non amarum red-
dunt: quod vitæ mihi datum est, apud
vos felix peregi, in regno quidquid eius
transactū est, mors verius quam vita fuit.
Ecce locuples tanti regis testimonium, quo disci-
mus longè dulciorem esse escam quā Spiritum
Deus, quā quæ carnē Demon allicit & attrahit.

Altera es-
ca Dei pro-
uidentia:
erga ele-
ctos.
Affinis huic esca est paterna illa Dei cura
& prouidentia, quā pios pascit, fouet ac prote-
git, eorumque necessitatibus ac periculis clemen-
tissimè prouidet: ideoque illi in pace in idipsum
dormiunt & requiescunt, quoniam Do-
minus singulariter in spe illos constituit,
& velut in domo vndique munitissima habitare
facit. Oculi eorum semper ad Dominum,
quoniam ipse euellet de laqueo pedes eo-
rum: Quid enim posset illos in laqueos maligni

venatoris inducere an maligna cupiditas radix
 omnium malorum in laqueos diuitiarum & bo-
 norum huius seculi? quin potius magnus eis qua-
 stus est pietas, ideoque in via testimoniorum
 DEI delectantur, sicut in orbis diuitijs:
 eius mandata diligunt super aurum & topa-
 zion, & cur opibus inhient, qui benignissimum
 Patrem in caelis agnoscunt, cui cura de nobis est.
 neque enim prouidentia sua cura deest volatili-
 bus caeli, nec vilissimis quibusq; terra vermicu-
 lis, & hominem quem ad imaginem suam crea-
 uit, & pretio sanguinis sui aeternitatis heredem
 constituit, rebus ad vitam mortalis escam necessa-
 rijs destitui patietur? Concideret diuina veritas
 & promissum si hoc fieret. Itaque iactant su-
 per curam suam, & sollicitudinem suam in
 DEVM proijciunt, quoniam ipsi est cura de
 nobis, & huic diuina prouidentia & bonitatis
 fiducia innitentes melius sibi hac vna spe, qua di-
 uite annona & cibis in penu recoditis, & praesenti
 rerum omnium apparatu consultum esse putant.
 Cum enim Dei sint omnia, qui Deum possident, quid
 illi deesse potest: gaudet enim Dei amicitia &
 iure amicitiae inter amicos omnia sunt communia.
 Sed an ventris & gula voluptatibus in laqueos
 maligni venatoris impellantur? Nequaquam
 secu-

Plus alli-
 cit quam
 esca mundi
 & demo-
 nes.

secura mens ipsis est quasi iuge conuiuū,
qua iucundius reficiuntur, quā iucundis quibus-
que dapibus & escis multis, in quibus est mul-
ta infirmitas & amaritudo: secura mens magis
illos latificat, & hilaris conscientia: quam vi-
num, quod flauescit initio, & ingreditur blandē,
sed in fine mordet vt coluber, & vt regulus ve-
nena diffundit.

Quid enim? an per carnis & luxuria blandi-
menta in laqueos Demonis corruant? illi verò
nihil turpius, nihil foedius ducunt, quam mem-
bra Christi facere membra Diaboli, & templa
Spiritus S. violare. quia potius timore Dei præ-
cingunt lumbos suos, & illibatam casta mentis
letitiam vanissimis carnis inquinamentis longè
anteferunt dicentes cum Propheta, quam ma-
gna multitudo dulcedinis tuæ quam ab-
scondisti timentibus te? Scientes quod beati
sint mundo corde quoniam ipsi DEVM
videbunt. Verum quam multa sunt in saeculo,
qua nobis malignus venator in laqueum concit-
tat, sed frustra iacitur retē ante oculos pen-
natorum; eorum inquam qui spiritualibus
pennis in sublime (lectione & meditatione veluti
duabus alis) à terrenis ad cœlestia, à caducis ad
æterna bona feruntur: ante quorū oculos frustra

infernalis venator peccatorum laqueos expādit,
 quia ex continuo rerum cœlestium studio pura
 & perspicax est, nec terreno puluere inficitur eo-
 rum mentis acies; sed diuina lucis fulgore clarius
 illuminati, faciliè agnoscunt, nihil esse sub Sole
 diuturnum & permanens quod in cunctis hisce
 bonis non sit nisi vanitas vanitatum & af-
 flictio Spiritus: ideoque contemptis præsen-
 tibus & obuijs terra bonis ad aeterna & inuisibilia
 toto mentis desiderio rapiuntur, magis sincero
 omnia iudicio ponderant, nec mendaci statera
 cuncta transiliente librant, quæ nec oculus
 vidit, nec auris audiuit, nec in cor homi-
 nis ascenderunt.

Nec externum duntaxat honorum & volu-
 ptatum huius sæculi finem spectant quæ vt plu-
 rimum blanda videntur, sed latens intus vene-
 num considerāt. Vnde nec honorum au dignita-
 tum desiderio capiuntur, quin potius norunt
 honoris & sæculi inania vt plurimum fallaci
 blandiri vultu, sed acrem in accessu aculeum
 & latens venenum, laborem reconditum, ideo-
 que malunt in loco saluari humili, quam in alto
 periclitari.

Vnde nec vitam in sæculo abiectam & hu-
 milem dedignantur, veri & solidi honoris exspe-
 ctatione

*Statione freri, quam sola parat humilitas,
 quamvis enim facti sint velut purgamenta
 huius mundi & omniū periplēma: quam-
 vis multi vitam eorum æstiment insaniam
 & finem illorum sine honore, erit tamen
 cum dicent nimis honorati sunt &c. ecce
 quomodo computati sunt inter filios
 Dei & inter sanctos fors illorum est.
 Hanc sortem nobis conferat ille, de cuius sorte,
 & cuius fors nos sumus, ut liberati de laqueo
 venantium & à verbo aspero, Christo vin-
 culis charitatis innectamur, verè dicentes cum
 Propheta, mihi adhærere. D E O bonum
 est, quia tu es refugium meum, tu fors
 mea & pars mea. D E V S in æternum.
 D E V S pars hæreditatis meæ & calicis
 mei, tu es qui restitues hæreditatem
 meam mihi.*

Hucusque venatio Spiritualis.

*Huic tam nobili ædificio deest tectum &
 coronis: deest parænesi tam præclara clau-
 sula vel epilógus, qui more suo feruenter
 Clericos præsertim curatores animarū non
 solum ad vitandòs stygij venatoris laque-
 os peccatorum propriorum (quod satis di-
 sertè in prioris partis fine præstitit) sed &
 L. 5. offi-*

officij sui obligationem, vigilantiam, curamque diligentem exemplo Sanctorum Præsulum & Patrum excitaret, qui Christū venatorem seculi velut venatici canes & solertissimi multas animas Christo cum vitæ periculo vel ceperunt, vel seruarunt, ne dæmonum laqueis irretirentur: vt sic etiam aliena peccata deuitarent: sed quoniā id ipsum in fine *Tubarum* suarum disertè præstitit: quæ huc faciunt, cum ijs multū careant viliū est transcribere. Facit autem ipsos cum Christo iam regnantes Pastores (in quibus & ipsum Iacobum nostrum numerari confidimus) sic mortales alloquentes, & officij serio componentes.

Pastores

*in epil.
vide exemplar.
ad Clerum
Germ.*

Amor Christi Iesu & Ecclesie eius, quam suo sanguine acquisiuit, & nobis olim, vobis hodie regendum commisit, vrget nos; vt quamuis de nobis securi, de vobis tamen sumus solliciti: Graui quippe & periculoso vos munere fungi ignorare non possumus: experti scilicet ipsi, quid sit curare, ac regere animas, & tandem de cura & regimine supremo iudici rationem reddere. Sensimus & nos scopulos illos & procellas: quibus ipsi gubernatores grauius periclitantur, quam ceteri. O quam multos periisse vidimus, & indies perire videmus! Periissemus & nos, nisi diuina bonitas praueniisset nos in benedictionibus dulcedinis, &

mem.

mentibus nostris singularem indidisset vigilantiam, & iugem solitudinem: qua nos aduersus mille tam ardui muneris discrimina semper velut in procinctu stare munitos oportuit. Hinc non possumus non metuere vobis, consocij laborum & onerum, qua vobis incumbunt nec ignari malorum, & periculorum, in qua se vna cum grege suo coniungunt, qui temerè hoc munus suscipiunt, aut susceptum negligenter gerunt.

Nos certè olim ad Ecclesia praefecturas electi, honorem ex onere metientes, elegimus potius abiectione esse in domo Domini, & recumbere in nouissimo loco, quam ambulare in magnis, aut tenere primas Cathedras: & potius in humili esse securi quam in alto periclitari. Attamen iussit nos ascendere superius, qui suscitauit de pulueribus egenum, & de stercore erigit pauperem, & tenet omnia in manu consilij sui. Sed o si videre possitis, quid nobis animi fuerit, quis cordis aestus, quae anxietas ad Ecclesia dignitatem pertractis, ipsi utique damnaretis caca & stulta mortalium consilia, qui tam ardentè id expetunt, (nescientes utique quid petunt) quod nos tantopere exhorruimus, & non nisi per vim, seu coacti suscepimus. Nemo nostrum, qui non exilium inopiam, carcerem, imò mortem potius ipsam elegisset,

set, parendum tamen fuit vocanti & iubenti:
Deo, cuius imperium detrectare nefas. Ille tan-
quam supremus Paterfam. lias vinea sua nobis
culturam & custodiam commisit: vnde & nos
ad laborem, non ad honorem: ad negotium, non
ad otium vocatos intelleximus, euellere, destrue-
re, dissipare, edificare, plantare nostrum fuit o-
pus, & labor continuus. Portare sane pondus diei
& aestum, & in sudore vultus nostri vesci pane:
nostro necesse fuit.

Hanc verò vineam, tam indefesso labore no-
stro cultam, & tot à Deo incrementis dotatam:
vos vtpote successores nostri, velut manu à nobis
traditam accepistis: Vos enim in labores nostros
introistis. O felices, si & Spiritus nostri heredes,
& Pastoralis sollicitudinis fueritis imitatores.
Sed va operarijs otiosis in vinea Domini, va de-
molientibus, va quoque negligenter custodienti-
bus: quorum incuria vel pro vuis facit labruscas,
vel ab apris & feris vastantibus exterminatur.
Vultis consultum periculo vestro, en habetis for-
mam nostram, & factis & scriptis nostris ex-
pressam: Hinc capiat licet normam vitæ vere
Pastoralis, seu ideam fidelis Episcopi. O quanta
solicitudo, quæ morum sanctitas, quanta virtu-
tum perfectio requiritur, vt sit qualis esse debet.

id est irreprehensibilis: utiq; qui talē esse iubet:
Episcopum aut Pastorem, nihil vitij inesse volu-
it: quando & hoc solum in eo vitium est, non esse:
quam optimum. Sed neque estis securi, et si nihil
vobis conscij, non sufficit vobis probitas, & Inno-
centia propria, à quibus etiam requiritur aliena.
Et quid proderit non puniri suo, qui puniendus
est peccato alieno? Sed quid si, qui vinea custodes
positi sunt, ne suam quidem curent, aut custodi-
ant? & quomodo custodient alienam? Nam re-
ctus quidem ordo & charitas ordinata requirit,
ut quisque propriam prius, quam alienas curare
studeat animas: & hinc à cura sui charitas or-
dinata recto tramite procedit, ad curam proxi-
mi, quippe quem ad sui quisque mensuram ama-
re precipitur; nam qui sibi nequam cui bonus?

Propterea attendite in primis vobis, & de-
inde vniuerso gregi, in quo vos Spiritus
S. posuit Episcopos regere Ecclesiam
Dei, quam acquisiuit sanguine suo: Atten-
dite vobis, quicumque opus ministerij huius sorti-
ti estis. Attendite & pretioso deposito, quod vobis
creditum est. Heu nimium infelices illos, qui
nescientes dignitatem, & officium Sacerdotij:
sui, omnia alia curant tam sedulo: animas verò
sui, oves vix ponunt inter curanda! quarum ta-

men cura prima & potissima muneris sacri pars est. Quid agetis tandem, quo vos vertetis, in die illa tremenda, cum veniet Dominus positurus rationem cum seruis suis: si tantum thesaurum, si pretiosum depositum illud, quod sibi Christus pretioso sanguine pretiosius indicavit, inuenti fueritis negligentius custodisse: certè illud seruandum accepistis pro quo mercator non insipiens ipsa utique Dei sapientia sanguinem suum dedit. Sed & habetis thesaurum istum in vasis fictilibus: quibus sane multo plura, quam vltis fictilibus pericula imminent.

Porro si testimonium nostrum forte minus accipitis: Ecce testimonium Dei maius est. Væ Pastoribus, inquit Dominus, qui pascebant semetipsos, nonne greges à pastorebus, pascuntur. Lac comedebatis, & lanis operiebamini, & quod crassum erat occidebatis, gregem autem meum non pascebatis. Quod infirmum fuit non consolidastis, & quod perierat, non requisistis, sed cum austeritate imperabatis eis, & cum potentia. Propterea Pastores audite verbum Domini, viuo ego dicit Dominus Deus, Ecce ego ipse super Pastores requirā gregem meum de manu eorū: & cessare faciā

eos

eos vt v
cant an

Peru

que cord

& Clau

Pas

uidentes

neg, tur

minātes

Bon

re, & op

nis. Qu

plaproc

lum, vi

brietat

harum

res alu

vobis p

incipit

Magis

sermo

tu, qu

cuius

conte

fund

Phar

eos vt ultra non pascant gregem: nec pascant amplius semetipsos.

Perutilis sermo, qui posset etiā durissima quaque corda concutere: & vtinam sit sicut stimulus & Clauus in altum defixus, in cordibus vestris.

Pascite ergo qui in vobis est gregem Dei: prouidentes nō coactē: sed spontaneē, secundū Deum, neq; turpis lucri gratia, sed volūtariē: neq; vt dominātes in Cleris: sed forma facti gregis ex animo.

Boni certē Pastoris est exemplo gregem ducere, & operibus docere, & suis potius, quam alienis. Quorsum enim nostra passim gesta & exempla producitis? vt quid in nobis charitatem, zelum, vigilantiam, modestiam, abstinentiā, sobrietatem laudatis? quid vestris ouibus proderit harum in alijs virtutum commendatio, si docentes alios non docetis vos ipsos? si ne ipsi quidem vobis persuadentis, quā alijs persuadere nitimini? incipite facere, & docere, & eritis quoque similes Magistro vestro potentes scilicet in opere & sermone. Maius sanē pondus habet vita loquentis, quam quacunque grauis & elegans oratio: at cuius vita despicitur, restat vt eius predicatio contemnatur. Cauete ergo ne opera vestra confundant sermonem vestrum, & notemini vita Phariseorum, qui alligant onera grauiā, & im-

por-

portabilia, & imponunt ea in humeros aliorum, digito autem ſuo nolunt ea mouere. In vos omnium oculi diriguntur, domus & conuerſatio veſtra quaſi in ſpecula conſtituta, magiſtra eſt publica diſciplina. Quidquid feceritis, id ſibi omnes faciendum putant: cauete ſolicite ne committatis, quod aut qui reprehendere volunt, dignè laceſſe videantur, aut qui imitari cogantur delinquere.

Morbido capite nihil ſanum in reliquo corpore. At integritas praſidentium ſalus eſt populo- rum. Facile ad honeſta quauis ſequetur populus, ſi Praepoſitos ſuos viderit huc totis viribus contendere. Vultis ergo luxum, faſtum, auaritiā, crapulam, (ô peſtes Eccleſiae) aliaque nefanda vitia, quae vos vna cum populo in tot mala cladeſque praecipitant, eliminari? ita vos primum mores: veſtros priuatim publiceque cōponite, vt in ijs pa- lam appareat; huiusmodi vitiorum deteſtatio, è contra amor ſimplicitatis, zelus Dei, ſobrietās, modeſtia, ac vanitatum contemptus reluceat. Sic: dēum redibit exul & profuga; diūque deſiderata pax; ſi populus proſtigatis vitijs, & abuſibus cum Deo in gratiam redierit, id quod fieri nequit ſine vobis; qui vt dūces praire debetis. Sed! quomodo inter homines ſtabilis pax coaleſcere:

aut constare queat, quos à Deo Pacis auctore impietas, morum corruptela, disciplina neglectus: & tot abusus auerunt? Non mirum infelicitè: vos sæpius contra hostes pugnare, quando ipsa: vos peccata vestra peius impugnant.

Hortamur vos tandem & obtestamur per viscera charitatis Dei nostri, per salutem vestra, per spem quam habetis in Christum Iesum, quin: & per ultimam tubam, quæ vos omnes, & nos: pariter citabit ad tribunal supremi Iudicis, si nostra imo si Dei vocem audieritis nolite obdurare corda vestra; nec sicut aspiis surda, obturetis aures vestras, & obsurdescat ad vocem incantantis sapienter: sed audientes audite, & apprehendite disciplinam, nequando irascatur Dominus, & pereatis, cum exarserit in breui ira eius: quod vtrique metuendum illis, qui sedent in cathedra pestilentie, id est qui enarrant iustitiam Dei, & assumunt testamentum eius per os suum: Interim verò ipsi oderunt disciplinam & sermones Domini projiciunt retrorsum. O terribilis Deus super filios hominum! ô iudicium durissimum quod his, qui præsumunt fiet! ô tormenta quæ potentes potenter patientur. Sapite, intelligite, & novissima providete, & horum semper memores, sic
pas-

pascite greges vestros, vt cum apparuerit Princeps Pastorum percipiat nobiscum immarcescibilem gloriæ coronam.

Huc vsque Iacobus: cuius parænesi quisquis ausculta- rit, nã ille verus Christi canis venaticus funibus amoris ei deuinctus, non solum casses euadet doemonis; Sed etiam Apostolico spiritu feruidus sagaciter rimabitur & peruestigabit odoratu latentes feras in antris & cauernis turpitudinis, in præruptis honorum & ambitionis cæcæ petris & montibus: vel in dumetis & spinis opum, easque latratu territas, & excitas captasque sistet venatori Christo, nec sinet amplius laqueis doemonum implicari: quod tamen exemplo vitæ, quam vocis sono facilius consequetur.

Eodem Spiritu ductus Iacobus cum cerneret vt à capitis virtute, & optima constitutione totius corporis mēbrorū vigorē sic ab Episcopi vigilantia, & sanctitate Cleri disciplinam & mores dependere, formam præsulum vitæ tam in vita S. Caroli Boromæi commentario illustranda, quam in alio libello quem *Zelum domus Dei* nominabat adunbrare voluit: cuius operis indicem capitulum attexere visum est, vt Episcopi Germaniæ, quibus consulere volebat quam optimè, videant quæ præcipuè sint ipsis consideranda.

In-

Index Capitum Libri

CVI TITVLVS

ZELVS DOMVS DEI.


1. De Causis malorum bellorum , cladium in genere.
2. Peccata esse causam, maximè Principum & Ecclesiasticorum.
3. Neglectus diuini cultus : irreuerentia erga sacra.
4. Luxus, gula, crapula, & splendoris nimia affectatio reprehenditur.
5. Corruptio iustitie, ac tribunalium perdit orbem.
6. Quam arduum , difficile , ac periculosum munus Episcopi , & quantam requirat perfectionem.
7. Quanta Episcoporum dignitas & auctoritas, & quomodo ea tuenda.
8. Residentia & presentia Episcoporum , seu Pastorum visitatio.
9. Episcoporum est docere , & predicare verbum Dei.
10. Episcoporum seu Pralatorum occupationes circa secularia.
11. Re-

260 R. D. Iac. Merlo-Horstij

11. Reformatio morum, & abusuum. Pralatis zelanda.
12. Dignos ad honores euehant, indignos repellant.
13. Pluralitas res maximè perniciofa Ecclesia.
14. Pietas & sanctitas Prasulum, salus subditorum, & terror hostium.
15. Consiliarios habere pios, fideles & c. quanti referat.
16. De Parrhisia, & corripiendi libertate, constantia, & fortitudine aduersus Principes & hostes Ecclesia.
17. Cura operum misericordia. Rectus opū vsus.
18. Neglectus disciplina militaris: impietas militum: Reipublica noxia.
19. Felix belli successus, à pietate, fiducia & oratione.
20. Quam sit temerarium yltro appetere Episcopatus, Pralaturas: exempla fugientium: Episcopatus.

Dolendum hunc foetum cum alijs vix inchoatum: & primis esse formatum lineamentis: vt aspicere lucem ne utrumquam possit.

DO.



DOCUMENTA QVÆDAM

ASCETICA

R. D. IACOBI MERLO PRO

VARIIS HOMINVM STATIBVS

vernaculo sermone scripta nunc

Latino donata.

COMPENDIARIA COLLECTIO OMNI-

um, quæ Religiosis Deo dicatis Virginibus scitu

& obseruatu necessaria sunt, vt Deo pla-

ceant & vocationi suæ congruenter

viuant.

I. **S**ANCTIMONIALIS semper memor sit Pro- *Finem vo-*
 fessionis suæ, & eorum omnium, *cationis*
 quæ Deo publicè promissit, nimirum quod eo *cogitet.*

solum sine domum paternam, vanam & no-
 xiam libertatem vitæ secularis, cum omni
 carnali familiaritate consanguineorum &
 notorum prorsus à se abdicauerit, vt in me-
 liore & securiore statu salutis consulere,
 Deoque cum animi sancta pace, gaudioque
 seruire posset: quod merito pluris ipsa de-
 bet æstimare, quam si potentissimi Regis
 esset Regina coronata.

2. Consideret necesse est, quod vti cum *mores*
 monasticam vitam profiteri vellet, *mutet.*
 opus
 fue-

mores mu-
ses.

fuerit mutatione vestium secularium, & assumptione habitus religiosi, ac Societate sororum Deo dicatarum, ita decere, vt malos mores & vitæ secularis peccata re ipsa deferat: contenta deinceps, vt soror & solum ancilla Dei nominetur & hoc nomen honorificentius debet iudicare, quam si Princeps fæmina vel Domina maximi nominis haberetur: quid enim maius cogitari, vel æstimari pluris debet, quam esse famulam omnipotentis Dei, & Sponsam Iesu Christi?

Seruet re-
gulas.

3. Adhuc expendat, quoniam vitam regularem agit, conuenire vt regulis suis congruenter viuatur, statuta, legeique sui instituti & cœnobij seruet, ac crebrò secum ea verba repetat *Dic quare hic* Cœnobium ingressa religiosa facta sum, inde conuenit, vt conuenienter professioni meæ iuxta cōstitutiones ordinis prorsus religiosè viuā, & non solum caueam, ne in graues defectus & peccata incidam, quæ in mundo ob vitæ secularis licentiam & tot labendi occasiones patrabam; sed etiam enitar, vt cum gratia Dei, quoad eius fieri poterit, ne in minimo à vocatione, sanctaque professione mea declinem: imo confidam in virtutibus indies proficere, & perfectioni, sicut deuotam & sanctam Christi sponsam decet, studebo.

4. Sem-

7. Se
conficien
quam
regulan
votorum
tur, vte

5. Q
fideret,
voui obe
tius alac
nibus tā
cipiunt
salutis n
murabo
reimpe
& sensu
rar, sed
tē & hi
réueren
quirit a
diam.

6. P
seuerè q
& ijs se
ficiunt:
inquam
matris
Nec pe
confang

4. Semper professionis suæ, meminerit, *discutiet*
 conscientiam examinet sæpe, disquiratque, *conscienti-*
 quam sedulo promissam Deo votis publicis *am.*
 regulam, obseruet, & mente voluet, quid vi
 votorum trium religiosorum facere tenea-
 tur, vtea, quam exactissimè obseruentur.

5. Quantum ad votum obedientiæ, con- *obedienti-*
 sideret, & ita secum ratiocinetur, Deo meo *am custo-*
 voui obedientiam, necessè iam est, vt prom- *dies.*
 tius alacrius humiliter & simplicius in om-
 nibus tā quæ à reuerenda matre, mihi præ-
 ciipiuntur, quam superioribus, quic curam
 salutis meæ gerunt, obediam; nūquam mur-
 murabo, nunquam de obediendi onere, vel
 rei imperatæ difficultate, licet voluntati,
 & sensuum inclinationi repugnet, conque-
 rar, sed cōabor omnia amore Christi prom-
 tē & hilariter exsequi: nihil etiam, quod
 reuerendæ matris venia vel obedientia re-
 quirat ad meæ voluntatis arbitrium expe-
 diam.

6. Paupertatem Deo iuuante seruabo *Paupertas-*
 seuerè quantum potero, contenta paucis, *tem.*
 & ijs solis, quæ ad vitam tolerandam suf-
 ficiunt: nihil curiosi, superflui, vani, nihil
 inquam, nisi quod regula & venerabilis
 matris licentia permittit, seruabo in cella.
 Nec pecuniam, nec quid simile petam à
 consanguineis, vel vllis alijs, nisi quodam

ad

ad res neceſſarias curandas ſancta permit-
tit obedientia. Nullum affectum & animi
propenſionem patiar ad vllam mundi rem,
etiampi ad naturæ ſuſtentationem conceda-
tur; ſed omnibus ſola neceſſitate coacta v-
tar. Providebo etiam diligenter, ne vlli ſe-
culari perſonæ quidquam donem, vel ab
ea accipiam, abſque licentia Venerabilis
matris & ſuperioris.

*Caſti-
tatem.*

7. Pro voto caſtitaſis inuiolatè conſer-
uando Deum exorabo, vt gratiam ſuam
mihi clementer largiatur, ad id ſumma cum
animi corporiſque puritate cuſtodiendum.
Suspectas omnes familiaritates ſecularium,
& omnium aliorum intimorum amicorum:
• imo conſuetudinem cum qualicunque per-
ſona ſeculari quoad potero, deuitabo vt
proſcindam omnes occaſiones mundanum
aliquid videndi vel audiendi, quod animum
maculare, vel eius puritatem poſſit inqui-
nare.

Nec ſcribam literas alicui, vel mittam,
neque ab vlllo recipiam miſſas, niſi ad hoc
me ſalus animæ meæ & profeſtus ſpiritu-
alis proximi mei cogat & vrgeat.

Et quoniam Deo dicatam decet ab omni
ſpecie mali abſtinere, vel ijs, quæ puritatem
cordis & conſcientiæ poſſint conſpurcare:
ideo nullas vanas imagines, nullos curioſos
& ſe-

& ſecu-
ſtoria
bo, qu-
gioſæ
conue-
ſtodia
vt vir-
ris, &
vlllo ſu-
porru-
ſa al-
virtu-
teret,
tam, n-
videa-
extre-
8.
colle-
nate,
nem i-
nima-
ccan-
nijs, i-
& ali-
cum
con-
cry-
7
open

& seculares libros, non specula, nonistoriala, nec quid aliud in cubiculo serua-
bo, quod perfectionis amanti & vitæ reli-
giosa cupida virgini Deo consecrata non
conuenit. Sensus etiam corporis arcta cu-
stodia sepiam, caueboque diligenter nullius
vt viri licet consanguinei, vel familia-
ris, & coenobio noti vultum intuear, nec
ullo signo monstrabo paratam me ei manum
porrigere, nisi forte hoc decencia religio-
sa aliquando circa honestos & magna
virtute præditos occasione aliqua permit-
teret, præterea sollicitè curabo, & aduer-
tam, ne quam corporis mei nudam partem
videam, aut contrectem, nisi me necessitas
extrema cogeret.

8. Aures custodiam à vanis & otiosis ^{sensus ex-}
colloquijs hauriendis, quæ, mentem inqui- ^{ternos.}
nant, & conscientia quietem turbant. Car-
nem assegam, & Spiritui subijciam: vtque
nimiam eius viuacitatem & libertatē coër-
ceam, decreui certis temporibus eam ieiun-
ijs, inedia, vel saltem victus temperantia,
& alijs eius generis asperitatibus emaciare;
cum Deo dicata virginis vita debeat esse
continua poenitentia, deuotis aspersa la-
crymis.

9. Nec minus Deo consecrata virgo det ^{det se pie-}
operam, vt chorum frequenter, diuinis of- ^{rati.}

M

ficijs,

ficijs, omni qua potest pietate, attentione, & feruore animi interfit, abiectis omnibus inanibus & distrahentibus mentem cogitationibus. Adsit orationi consuetæ, sacro decenter assistet, amet in Confessione puritatem, & candorem, ad augustissimum corpus Dominicum dignè percipiendum accedat præuia singulari præparatione & desiderio: Hæc facilius consequetur, si continua spiritum meditatione passionis Christi Domini occupet; Christum corde semper gestet, animo voluat, & intimè compatiatur eius cruciatibus, mortemque eius acerbissimam lacrymis assiduis defleat.

*Amoris
proximi.*

10. Sorores suas diligat ex animo, nunquam verbo vel facto lædat, imo tristes solletur, ægris vel opis alienæ indigis peramanter seruiat, & subueniat.

*Sine quere-
lis.*

11. Caueat, ne de ijs ob defectus, quos in ijs notare se putat, queratur: quin potius eis animitus compatiatur, ferat patienter, excuset amicè, nec alijs manifestet. præcipuè prospiciat, ne quid euulget, vel audita publicet, quæ discordias, tristitiam, inuidiam vel dolorem vlli sororum possint generare.

*temerario
iudicio.*

12. Temerarie neminem iudicet: de omnibus bene loquatur, & bene sentiat; omnes sem-

sem-
tet: v-
ciat,
imo
fima
mag
Deu
13.
secul
reru
quac
audi
nium
ctam
entia
quæ
giol
& c
debe
14.
fiscu
casta
nisi
15.
beni
pra
cog
abh
& i
met

semper se meliores & perfectiores reputet: vtque magis in animi demissione proficiat, se vt vilissimam, imperfectissimam, imo tam sanctæ societatis aliarum indignissimam abijciat, ac pro omnibus in communi magno charitatis & benevolentia sensu Deum oret.

13. Linguam studiosè refrenet, ne quid *refrenet linguam.* secularium rumusculorum vel vanarum rerum, aut curiosarum in medium coram quacumque etiam adducat. Hinc declinet auditionem nouorum indecentium & inanium narrationum, quandoquidem ex sanctam animi pacem, & interiorem conscientia quietem sanctimonialium perturbant, quæ velut sibi mundoque mortuæ per religiosam & Angelicam professionem, vanis, & caducis mortalis vitæ rebus nullo pacto debent occupari vel delectari.

14. Abstineat à malis, mendacibus, falsisque sermonibus: verba sint simplicia, casta, pudica, vera, religiosa: nec vnquam nisi necessitas vrgeat, assuescat loqui.

15. Sit Deo consecrata virgo humilis, *sit humilis.* benigna, simplex, pura, patiens, affabilis, à prauis animi passionibus libera, superbas cogitationes, verba vel opera seu pestem abhorreat: seque vilissimam, abiectissimam, & indignissimam omnium mortalium æstimet.

benefica.

16. Non concupiscat auidē & insatiabili desiderio res seculares, nec eas habeat, potius liberalem & beneficam, quātum status permittit, exhibeat se omnibus.

temperans.

17. Prouideat, ne in gulæ peccatum incidat: sed insatiabilem, nimiamque cupiditatem compescat contenta paupertina cœnobij sustentatione, Deoque gratam se exhibeat, considerando & agnoscendo, quod plura quam mereatur habeat, quibus aliæ ipsa digniores caeant. nec murmuret, vel quærat non ad stomachum, & appetitum suum, sed & alia parata inuenerit. Singularitatem vitet in cibis, omnem gulæ appetentiam minus ordinatam, & intemperantiam extra refectorium, nec quidquam edulij edacitatis causa patiat in cella.

caueat inuidiam.

18. Caueat Deo desponsa perniciosam, & caritati inimicam inuidiam, imo gaudeat vel maximè de corporis & animæ optima constitutione sororum suarum.

irato.

19. Indignationem vero & indomitam pessimamque iracundiæ perturbationem velut pestē fugiat: hæc enim maledicta bellua excæcat intellectum, obnubilat rationem, perturbat conscientiam, expellit animi pacem, affligit alios, innumera gignit mala: præterquam, quod eius necet animam, quam occuparit.

20. Sic

20. Sic & detestetur omni qua potest *acediam.*
 diligentia, vitetque infandam acediam, crim-
 men præ ceteris, religiosis exsecrandum, &
 perniciosum: nam Spiritum efficit somno-
 lentum, languidum, tepidum, adeoque vi-
 gorem illi, desideriumque bene operandi
 penitus aufert: vnde monialis hac infecta
 peste, velut mortua degit ætatem in mona-
 sterio: neque enim illi libet quidquam boni
 spiritualis, nihil manu facti operis efficere,
 perpetuis angitur molestijs, tristitia, curis,
 angustijs, inimica boni: nulquam pacem re-
 perit, nulla res ei sapit, fastidit omnia, præ-
 ter fabulas, cibum, potum, somnum: sicque
 preciosissimum salutis tempus otio, desi-
 diaque consumit: nec considerat, nihil à Deo
 mortalibus datum esse quod pluris sit æ sti-
 mādum in hac vita, quam tempus, cuius ali-
 quando seuerissimam rationem ab ea re-
 poscet Christus, num malè vel fructuose
 transegerit: quod si volueret animo, nullam
 eius vel minimam particulam sine salutis
 comodo labi pateretur. Vnde necesse est,
 vt otium, & omnem temporis iacturam per
 vana colloquia, per otiosa, vel inutilia ne-
 gotia, prorsus deuitet.

*temporis
habeat ra-
tionem*

21. Dirigat pia & poenitens virgo vi-
 ram suam omnem sedulo ad Dei gloriam
 salutemque propriam, manè maturet sur-
 gere

*Curam
habeat
profectus.*

gere tempori, tum vacare orationi, munia-
que consueta pie peragere. Sæpe discu-
tiat conscientiam; profectumque vel defe-
ctum disquirat; vt animæ statum peruideat,
siue progredientis, siue regredientis: vbi
defectum culpamque deprehenderit, ilico
proponat eius emendationem, & confes-
sionem: ne relabatur, caueat; sicque vitam
instituat, vt omnia singulis horis ita perfici-
atur, sicut diuinæ gloriæ salutiq; cōgruit.
At si mentis propensionem in certū crimen
obseruauit: incumbet in eam curam sedulo,
vt expugnet, toties certam explendo pœ-
nam, quoties se notarit culpam iterasse;
Dei m̃ sapius obtestando, gratiam vt vbe-
rem largiatur eius infinitam bonitatem
nunquam deinceps sic offendendi.

*mortifica-
tionis.*

22. Concepto autem sui ipsius odio fa-
lutari, conetur omnes animi prauas incli-
nationes & passionēs vincere, propriam
abijcere voluntatem, omnes prauos animi
motus, & appetitus refrenare, rationique
subijcere; Carnis autem illicitas cupidita-
tes cōtinuo reprimat, corpus seuerè rigi-
deque coercendo, effrenatos dictos motus
& appetitus vincendo, prauas consuetudi-
nes deprauatæ naturæ, quæ spirituales a-
nimæ progressum, bonorum operum meri-
tum maximè remorantur, extirpando.

23.
in mel-
larum
exerci-
noctes
quo po-
um viri
ua vita
cumula-

24.
exiliu
flebit;
& inte-
litus, d
mæ salu
Sathan
luptat
cæcati
ergast
sto dei
& crea
iurias
immen
dè, vt
tiæ lar
spician
gem se
fructu
misor
merea

23. Quotidie firmiter proponet vitam in melius commutare, & in diligenti regularum custodia, cultu diuino, virtutumque exercitio progressum facere; nihil aliud noctes & dies animo voluet, quam modum, quo possit maiore spiritus ardore in omnium virtutum perfectione proficere, & noua vitæ coelestis meritorum incrementa cumulare.

24. Eodem pacto continuo huius vitæ *desleas* exilium, & offensas Dei deplorabit & *propria & aliena peccata.* flebit; non proprias tantum, sed & alienas; & interiori animi sensu suspirabit medullitus, dum innumerorum peccatorum animæ salutis æternum discrimen adeunt, qui Sathanico pressi iugo, foedis corporis voluptatibus, & indomitis cupiditati & sexcæcati degunt mortui, licet adhuc corporis ergastulo compediti. Ideo nō desinat Christo despōsa virgo tot animarum interitum & creatori suo irrogatas tam graues iniurias & offensas ex animo deplorare. simul immensam Dei bonitatem exorando feruiddē, vt miseris lumen verum vberioris gratiæ largiatur, quo collustrati maturē perspiciant vitæ præteritæ prauitatem, ad frugem se recipiant, dignosque poenitentiae fructus agere satagant, quibus veniam commissorum, & demum æternæ vitæ præmia mereantur.

*Grata sit
Deo pro
beneficijs.*

25. Simili modo quam non memine-
rit beneficiorum, quæ à benefica Dei crea-
toris manu tam accepit hætenus, quam in-
dies percipit; præcipuè quod à diuina maie-
state e perniciofa fallacique mundi liberta-
te feliciter educta tot è laqueis & periculis
salutis erepta, translata fit in coenobium, v-
bi abundat occafionibus, & varijs modis
innumera bonorū operū munia peragendi,
peccata declinandi, merita coelestia cumu-
landi, quibus demum coelestis vitæ præmia
confequetur.

*namor
maris.*

26. Mortem verò non indies solum: sed
omni cogitet hora, simulque perpendat,
quod se moritura feciffe desiderabit, om-
nia fcilicet totius mundi pia opera feciffe:
nec vllum peccatum commiffiffe.

27. Consideret, quo gaudio folatioque
mens perfruetur ob pietatis & virtutis pa-
trata opera; follicitam legum & statutorum
ordinis custodiam, & quo conscientia re-
morfu doloreque fit crucianda, cum animi
non leui confufione quando tam exigui fer-
uoris & tot defectuū, ac peccatorum in re-
gulas commifforum fuerit recordata. Quo-
circa continua vigilantia, ftudioque poeni-
tentia comparabit fe ad terribilem & iure
formidandam diem vltimam mortis, ho-
namque iudicij, reuoluendo, quam rigidam
fe-

feuer
ratione
gione
ciaque
habem
ftater
nimi p
eibus,

28. I
de om
temp
contra
prox
rit de
aum f

29.
ferni
quir
les, in
fine fi
vel au
lamit
lefti
stem
denti
lerar
qui p
afped
latus

seuerissimo iudici vitæ totius redditura sit rationem de tempore professionis in religionem transacto, de solitudine, diligentiaque, quam in cultu diuino & cura salutis habenda tenebatur adhibere. Quam constanter diabolicis tétationibus, indomitis animi passionibus, prauis naturæ cupiditatibus, & proprijs desiderijs repugnarit.

28. Denique ponderet, secumque reputet de omni verbo otioso, inani cogitatione, tempore sine fructu præterlapso, quidquid contra Deum, contra salutem animæ suæ, proximumque cogitauit, dixerit, & fecerit de eo exigendam esse rationem; nec locum fore vel excusationis, vel effugij.

29. Cum horrore tremoreque pœnas inferni memoret, totoque cordis affectu disquirat, quam atroces, acerbæ, intolerabiles, incredibiles, & innumeræ futuræ sint, sine fine, termino, requie, sine spe solatiij vel auxiliij. Nā si quis in hac mortali vel calamitosa vita non sine summo fastidio, molestia doloreque non potest, vel vnam noctem dolores febriles, capitis, stomachi, dentium vel aliorum partium corporis tolerare; licet ipsi per se sensim euanescent, qui poterit atrocissimos inferni cruciatus, aspectû terrificû tartareorû spirituum, eulatus desperantium, & horribiles vlu-

*pœnarum
inferni.*

latus, clamoresque damnatorum: illam deterrimi carceris & foetidissimorum antrorum maleolentiam, illas angustias, & innumeras afflictiones, quæ miseræ & infelices animæ æternum patientur, hæc inquam omnia qui poterit sustinere?

Et celestis gloria.

30. Denique Christo dicata virgo, & Sponsa feruenti verset animo, quam ingens gloria, foelix & æterna beatitudo sit, quam Deus omnipotens electis suis, & dilectis animabus, omnibusque, qui constanter, fideliterque ei seruierunt, ex animo dilexerunt, eius diuinis iussionibus paruerunt in regno suo præparabit.

Præsertim verò consideret singularem illam religiosarum Virginum coronam & præmium quæ Deo sanctè seruierunt, sacro seruire, & peruigili cura cor suum purum sponso seruauerunt, sensus arctè custodierunt, ordinis statutis, legibusque diligenter obtemperarunt; in orationibus assidua, in seruando silentio sollicitæ, feruidæ & ardentes in sancta obedientia, perfecta paupertate & Angelica castitate, omnibusque ad perfectionem requisitis seruandis exstiterunt: consideret inquam qua speciali gloria tales perfruentur, in illo regno glorioso. Tales profecto virgines religiosæ ad altissimos & sanctissimos S. Apostolorum

lorum
vitam
gida
mund
bonis

Hæ
ma fil
contin
debet
di cer
gloria
& tran
meris
piscar
DOC
atio

1. C
ciacul
2. C
& ag
test inf
3. D
pria v
sendit
4.
temqu
tuo lu

lorum sedes in coelis euehantur, quorum vitam & Euangelicam perfectionem in rigida seueraque vita religiosa spretis huius mundi pompis, opibus & honoribus sunt in bonis æmulatæ.

Hæc sunt breui summa collecta, carissima filia, puncta, quæ Virgo religiosa continuo versare animo, & cogitatione debet, ac moribus exsequi, si viam ingredi certam sacramque salutis ad æternam gloriam desideret, & vitam in gaudio, pace & tranquillitate conscientiae ac cum innumeris solatijs animæ transigere concupiscat.

DOCUMENTA QUÆDAM SELECTIORA pro Virginibus, Deo deuotis in sæculo degentibus.

1. **C**Or Deo continuo vniat, per ardentiores & selectiores aspirationes, & ejaculatorias ad eum directas preces. *Aspirationes.*

2. Cum ijs libenter & crebro loquatur, & agat, à quibus ad amorem Christi potest inflammari.

3. De nulla re tristetur, nisi propter propria vel aliorum peccata, quibus Deus offenditur.

4. Amorem proprium, vt radicem fontemque omnis mali, & incommodi perpetuo supprimat & extirpet. *Victoria*

5. Tentationes omnes, & tribulationes cum gaudio & gratiarum actione suscipiat à Domino, cum Christi cruciatibus uniat, & Deo Patri pro peccatis ad eius auctoritatem gloriam offerat.

Profectus.

6. Serio consideret quomodo possit in dies Deo magis placere, veteres defectus & peccata corrigere, speratam cordis puritatem, & alias virtutes obtinere.

7. Iniurias & detractiones omnes & quot ferat animo, pro eo, qui eas infert Deum ex animo precetur, eidem bona præstet, & plura Dei amore pati desideret.

Humilitas.

8. Nihil unquam boni sibi tribuat: sed se omnibus ducat inferiorem, & omni dignam contumelia, vel iniuria.

9. Exerceat se in vera tam interna, quam externa animi demissione: vitet omnem honorem, amet corrigi & reprehendi: neminem, ne minimum quidem unquam siue contemnat, aut se vilioris arbitretur.

10. Non sit proprii iudicii tenacior: sed amore Dei superioribus, & maioribus penitus se subiciat & obsequatur.

11. Proximum, cum in periculo patrandi peccati mortalis versatur, sedulo deterreat: vel quous alio licito modo conetur peccatum impedire.

Occupationes dominicales.

12. Omnem diem festum vel dominicum

cum

cum præcipua quadam pietate transigat: orationi magno feruore diligentiaque vacet, tempus reliquum domi lectione librorum spiritualium impendat.

13. Inutilia colloquia, verba otiosa, conuiuia, familiaritates aliorum qualescumque, quæ Dei charitatem imminuunt, velut pestes, & ignem gehennæ fugiat, & detestetur.

14. Ad auditum horæ breuiter discutiat conscientiam, oratiunculâ certâ felicem precetur mortem, vel saltem salutationem recitet Angelicam. *Horaria
recollectio.*

15. In colloquijs aliorum assuescat agere de rebus diuinis, præsertim ijs, quæ Dei amorem in cordibus audientium prouocant. *Colloquia
pia.*

16. Aliorum defectus ferat æquanimiter, & cum potest in meliorem interpretetur partem, vel excuset, nemini verò eodem aperiat, nisi qui possunt eos emendare. *Caritas
proximi.*

17. De nemine malè suspicetur, aut cogitet, neminem temerè iudicet, suos potius defectus & errata peruestigare & corrigere satagat.

18. Caueat curiositatem omnem, & amet veram simplicitatem.

19. Omni tempore tranquillo sit animus. *Æquanimis,
mitis.*

mo, & eodem semper vultu, nec deiectior in aduersis, neque hilarior æquo in prosperis.

Eugrotij.

20. Vitet otium & discursus non necessarios: in his enim vt puluinari quiescit diabolus.

21. Declinet seculares societates, amet solitudinem, non occupet animum audiendis nouis rumusculis: neque ijs vel turbetur, vel lætetur.

Intentio operum.

22. Pia præposita manè concepta per diem sæpe renouet, vt eo facilius omnia sua opera minima & maxima purè dirigat ad Deigloriam.

Modestia.

23. In corporis externa compositione memor sit decentiæ, modestiæ quæ moribus sit pudica & verecunda, vt castam decet Virginem.

24. Vultu sit hilari, sereno & constanti, demissis oculis, præsertim apud alterius sexus homines.

25. Moderata in incessu, in verbis parca, in omnibus negotijs & occupationibus prudens & circumspecta.

26. In congressu & colloquio præeat omnibus exemplo honestatis, nemini verò sit offendiculo, sermones verò minus pudicos prorsus abhorreat.

27. Corpus neque mollius quam decet, neque

neque
discret

28.

les absq
ceat, no
ligiosa

29. I

necessit
stauram

30.

uet or
quem si
hebdom
nendo,

aliaque
da, qu
vel sur

31.

positi
cum hu
obsequ
ce & m
uiat, sit

EXE

I. SAE

neque quam par est, habeat durius, memor discretionis & mediocritatis.

28. Vestes esse mundas conuenit, & uiles absque singularitate, nec in ijs sibi placeat, non sint seculari statui; sed magis religiosa modestiæ accommodatæ.

29. In cibo potuque sit temperans, iuxta *Temperantia.* necessitatis regulam: ad vires corporis instaurandas.

30. Quotidie paratum, statumque seruet ordinem domesticarum occupationum, quem sibi pro diebus omnibus, vel certis hebdomadis præfiniat: particulatim decernendo, quo tempore, laborandum, orandum, aliaque spiritualia exercitia sint peragenda, quando comedendum, incumbendum, vel surgendum.

31. Domi in qua plures eiusdem profecti habitant vna se alteri ex animo uera cum humilitate & charitate subiiciat: & obsequijs promptis præueniat; sicque in pace & mentis tranquillitate Deo uiuat & seruiat, sibi que semper moriatur.

EXERCITIA SEX UTILIA AD
dicta puncta facilius obtinenda.

I. SAEpius mentem ad Deum eleuet, & ar-

ardenter impleret gratiam & auxilium eius, sine quo nihil ex nobis possumus.

2. Cum in defectum & peccatum inciderit; resurgat ilico, poeniteat ex animo, humiliter confiteatur cum firmo proposito cauendi de cetero.

3. Quotidie sacro missæ officio piè cum gratiarum actione intersit.

4. Omni die Dominica & festo summa cum humilitate & amore communicet, si non re ipsa & augustissimi Sacramenti vera perceptione saltem spiritali modo.

5. Magnam attentionem præbeat auditura conciones; vel lectura libros sacros, quasi verba de ore Dei profluerent: aduertat autem, quid ex eo sit opere exhibendum. modum etiam eius perficiendi tacitè secum expendat quantum honori diuino, propriæque salutis congruit.

6. Libenter & promptè superiorum monitis obtemperet, consuetudinem & familiaritatem eorum declinet, quibus non censeret animum accendi: sed potius in amore Dei, virtutumque refrigescere.

DOCUMENTA X. AD VITAM HOMINE Christiano dignam congrua, & cuius statui, sexuique accommodata.

I. **Q**uoniam salutis nostræ tota ratio *intensio.* in recta intensione collocatur; ideo semper omnia vitæ nostræ dicta, facta & cogitata purè sunt ad Dei gloriam dirigenda.

2. Prauis animi cupiditatibus, propensionibus, & desiderijs repugnandum est, *visio.* compressa peccandi licentia, & amore nimio fluxarum rerum; Quamdiu enim mortale corpus nostrum superest, & viget, semper pugnandum; semper vigilandum est in carnis & sui ipsius victoria consequenda; nam quo plus voluptatis terrenæ nobis accedit, hoc animus à Deo longius separatur, & plus accrescat tormentorum post mortem subeundum. At quantum voluptati decedit, tantumdem accumulatur interni, & spiritualis solatij.

3. Inclinationes cordis & voluntatis re- *amor Dei.* prime, ac reclude; ne irrepant res caducæ; semper autem Deo, diuinisque rebus pande sinus omnes cordis, ut si eo solo conquiescas. Libera te omni cura & anxia solitudine tui ipsius. Da terram (quam tamen aliquando cogeris deserere) pro cælo, quod sperare iuberis; & eris Rex & Dominus

torius mundi, poterisque libero, puroque corde Deo adhærere.

humilitas.

4. Humilitas profunda viam pandit securissimam amoris Dei. præterea viuum, firmumque fundamentum est omnis sanctitatis: Ex eadem velut radice foecunda, patientia, vera quies animi & perfectio, mansuetudo, Dei laus, & reliquæ virtutes omnes pullulant.

Amor proximi.

5. Res omnes aduersas, & iniurias patienti mansuetoque perfer animo. Omnes homines cõmuni & vniuersali amore prosequere, cuncta, quæ vides, in meliorem partem interpretare: misericordiæ operibus sedulo inuigila; malefacta conare beneficijs compensare, vincens in bono malum.

resignatio.

6. Te ipsum totum cum omni voluntate consecra Deo, eiusque potestati sic subijce, ut cum eius voluntate congruat: abdica prorsus à te creaturarum rerum amorem, & solatiola. Nulla res contristet animum: nisi qua Deum offendi noueris: nihil delectet, nisi quod Deo placitum & probatum esse sciueris.

recollectio.

7. Discede à nimia & periculosa consuetudine secularium hominum, apud te ipsum in animo habita, teque recollige, liber ab omni vanitate, corde purus, in verbis verax, in operibus & negotijs sincerus: Te ipsum

ipsum
diuinum

8. To
sideria
ant, eun
catione
illo.

9. Sz
sionem

vide qu
illa sing

calamit
est: nam

Dominu
tunc, cu

sponsa
mortel

10.
semper

habemu
medull

re, qu

ipsum cognosce, oblitus aliorum : semper
diuinæ præsentia memor.

8. Tota mentis propensio, cordisque de-
sideria semper Deum suspirent, illi inhære-
ant, eum diligant, cum grata animi signifi-
catione: Nihil scias, velis vel possideas sine
illo.

*præsentia
& unio
cum Deo*

9. Sapè cum pietate recale vitam & pas-
sionem Christi : cum illa tuam compara;
vide quam propinquè vel remotè absit ab
illa singulis in virtutibus ; præsertim cum
calamitas aliqua diuturnior tibi toleranda
est: nam patientia vestis est nuptialis, qua
Dominus tuus in cruce voluit amicitiri
tunc, cum animam tuam velut electissimam
sponsam sibi maritavit, ut eam ab æterna
morte liberaret.

*memoria
passionis
Christi.*

10. In laude Dei & gratiarum actione
semper permane; quidquid enim sumus, vel
habemus ab eo nobis promanat. Ideo te ei
medullitus offer & conlecrata tam in tempo-
re, quam æternitate, ut tecum dispo-
nat iuxta sanctissimam
voluntatem.

*Gratia-
rum actio.*

EPITAPHIVM R. D. IACOBI

MERLO-HORSTII PASTORIS IN

Pasculo Anno 1644. die 21. April. mortui.

Conditur hoc tumulo Iacobus Merlo Sacerdos

Curio dum templi, maxima cura gregis.

Qui cecis oculus, claudis pes, panis egenis,

Defectis requies, exulibusq; domus.

Manfuetus, suavisq; bonis, censorq; malorum,

Castus & innocuus, iustitiag; tenax.

Lux vite, morum speculum, pietatis imago,

Sal populi, Cleri regula, forma gregis.

Laudibus his tantis tamen vnica gloria maior,

Post scriptis nituit congrua vita libris.

De libris eiusdem orbi vulgatis ex nomine Anagrāma.

IACOBVS

Anagramma

VOCABIS.

Ostia dum linguis rura, patriosq; penates,

Tecq; addit Clero Virgo Colona suo,

Iam studijs culti, & magnis virtutibus ausi

Ecquod erit studium magne Iacobe tuum?

Forte TVBIS, Clerumq; Dei, populumq; VOCABIS

In vitia vt iunctis viribus arma ferant?

Forte gregē Christi PARADISI ad rura VOCABIS?

Forte & BERNARDI te duce crescet odor?

Forte VIATOREM reuocatum errore monebis,

Vt sapiens certo tramite figat iter?

Nunc etiam exemplis morū & virtute VOCABIS.

Nempe quod in viuis, post tua fata facis.

F I N I S.

BI

IN

i.

os

.

h,


ior,


ama.


ABIS

ABIS?

ABIS.








Biblioteka Jagiellońska



stdr0028481



122

Sacra

anti